

# WANT

Wan Wik, Mas 11 - 17, 2004

NIUSPEPA BILONG OL PNG STRET

Namba 1547

K1 tasol

**P2.. Satan pasin kamap long skul**  
**P3... UPNG laik kamapim nupela lida**

**P4.. Ombudsmen stopim Madang edministreta**  
**P16.. Pipel komplek long Mosbi bas sevis**

**Spesel NRL ripot**  
Pes 28 - 29



# Nogat inap banis long pamuk piksa



Nupela muvi bilong ekta Mel Gibson ol i kolim The Passion we i soim stori bilong Jisas Kraus na dai bilong em long diwai kros. Dispela poto em ol i ektim long dispela muvi. Lukim stori bilong muvi long pes 21.

### Neville Choi i raitim

PAPUA Niugini i nogat inap banis aninit long Mama Lo (constitution) long stopim ol samting olsem ponografi o pamuk piksa na buk long kam insait long kantri.

Ol dispela samting i wok long bagarapim sindaun bilong planti manmeri na famili, tasol ol lain husat i save was long ol dispela kain samting i kam insait long kantri i tok olsem em i hat tru long stopim.

Wantok Niuspepa i bin toktok wantaim Deputi Sief Sensa Steven Mala long dispela wik long sekim pasin bilong ol manmeri tude long lukluk na bihainim ol dispela kain pasin nogut we ol dispela pamuk piksa, piksa buk na intanet i save karim i kam insait long kantri.

Mista Mala i tokaut olsem nau yet, i gat lo aninit long Mama Lo we i tok em i tambu long ol pamuk piksa na buk i stap insait long kantri.

Dispela lo em i stap aninit long Censorship Act we gavman i bin kamapim long 1999. Tasol Mista Mala i tok, ol i no mekim rong aninit long lo, tasol sapos ol i rausim ol dispela samting long intanet na givim long ol arapela manmeri, em nau dispela em i

brukim lo na mipela inap sasim ol," Mista Mala i tok.

Em i tok tu olsem Sensasip Opis i wok hat long kamapim sampela senis insait long Sensasip Lo bai em inap long karamapim samting olsem intanet tu.

Em i tok ol dispela senis i stap pinis long wanpela pepa, na taim dispela pepa i redi Minista bilong Komyuniti Dvelopmen, Lady Carol Kidu bai karim i go long Palamen long kisim sapot long senisim lo.

Mista Mala i tok ol dispela kain pamuk piksa inap long bagarapim sindaun bilong famili taim ol papamama i save yusim intanet na bihain traim long bihainim ol dispela samting. Em nau ol kain paol pasin i wok long kamap na famili i save bruk o papa o mama i save longlong na slip wantaim pikinini o wan famili.

Ol ples we ol dispela pamuk piksa i save kam insait long kantri em long ol intansenel eapot o ples balus, ol bikpela wof o bris we ol bikpela sip bilong ovasis i save kam sua na long pos opis tu.

Na planti taim ol manmeri husat i save karim ol dispela kain samting i kam insait long kantri i save tok olsem ol i karim i kam bilong ol yet long lukluk na i no bilong salim

o givim nabaut.

"Planti taim sapos ol opisa bilong mipela o ol kastoms opisa i holim ol lain i laik karim samting olsem i kam insait long kantri, ol i save tok olsem em bilong ol yet. Ol i save tok olsem em i rait na fridom bilong ol aninit long konstitusyen bilong lukim wanem samting ol i laik lukim. Tasol ol i no save olsem i tru Mama Lo i givim dispela fridom na rait long wanwan, tasol i gat ol arapela lo tu i stap long skelim dispela fridom bai i noken bagarapim ol arapela manmeri. Olsem na mipela i save skelim olsem dispela hap toktok em i no wanpela hap gutpela as bilong karim dispela kain samting i kam. Wankain olsem sapos mipela i kisim tok win long ol dispela samting i stap long wanpela hap insait long siti o kantri. Mipela i save karimaut ol reid na painim.

"Nau wantaim ol nupela masin na kamera i gat planti manmeri insait long kantri i wok long mekim ol pamuk piksa o poto. Planti taim ol i save tok ol i mekim bilong ol yet long lukim, tasol sapos em bilong ol yet, bilong wanem na ol i lusim i go aut long ol arapela manmeri? Em nau mipela i save lusim ol long han bilong polis long sasim ol," Mala i tok.

(Lukim moa long wankain stori

STRONGPELA TRU

# Colgate

## Toothpaste bilong PNG stret!

**PLIS RIPOT**

**Enga:**  
Wanpela man Surinki i bin ronawe long i dai bihain ol i katim em long peibek pasin. Plis ripot i tokaut long ne, bilong daiman olsem Gupin Param bilong ples Nangutes long Surunki eria bilong Rmga provins. Provisnel Plis Komanda em Sief Inspekta Thomas Korahan i bin tok Param i bin stap long kalabus bihain long sas bilong kilim dai wanpela meri hai skul tisa long Surinki Hai Skul long Novemba las yia. Em bin stap long Wabag plis sel na ranawe wantaim 10-pela narapela man. Dispela em bipo tasol ol i kamap long Wabag Distrik kot. Plis ripot i tok Param i bin go lukim brata bilong em na sampela lain i bin katim em I dai. Plis i bilip olsem dispela em i mas peibek long kilim dai bilong hai skul tisa. Ol i karimaut wok painim long dispela.

**Pot Mosbi:**  
Plis i bin holim pasim na sasim wanpela man Australia long wokim pasin i no stret wantaim faivpela liklik manki we krismas bilong ol i stap namel long fiav na naipela. Plis Komanda bilong Nesanel kapitl Distrik Tony Wagambie i tok ol i sasim man Australia ya long gat wantaim em ol piksa nogut we em i kisim long ol manki i as nating na ol arapela moa we plis i kisim long em. Ol ripot i tok sampela soldia i bin lukim dispela man i swim wantaim ol liklik manki long Lancron Nevi Beis hap na holim ol sem bilong ol. Na ol bin putim ripot long plis husat i bin kwest-enim em, holim pasim na sasim em. Mista Wagambie i askim strong ol papamama long was gut long ol pikinini bilong ol olgeta taim na save long wanem hap ol I raun i go long em na wanem samting ol i wokim.

**Sensasip Bod nogat inap mani bilong mekim gut wok**

**Neville Choi i raitim**

OL LAIN husat i save glasim na stopim ol pamuk piksa long kam insait long kantri, Sensasip Bod, i nogat inap mani long mekim gut wok bilong ol. Deputi Sief Sensa Steven Mala i tokim *Wantok Niuspepa* olsem opis bilong em i no kisim inap mani long 2004 Baset long mekim gut wok bilong em. Em i tok i gat planti samting we ol i laik mekim long strongim wok bilong pasim ol pamuk piksa long kam insait tasol ol i no inap long mekim bikos i nogat inap mani na i nogat inap wokman long opis bilong em long mekim. "Long 1992 mi bin gat 20

opisa i wok long opis bilong mi. Gavman i bin katim daun dispela namba i go long 14 na bihain ol i katim gen i go daun long 8 long yia 2000. Mi no save, gavman i luksave long wok mipela i save mekim o nogat?" Mala i tok. Ol opisa bilong Sensasip Bod i save glasim wan wan filim o piksa wantaim ol piksa buk i kam insait long kantri. Long wanpela de, wanpela opisa bilong Sensasip Bod inap long glasim samting olsem 40 piksa. Wok bilong em em long skelim sapos em i orait long ol pipel bilong kantri long lukim, givim wanpela ret-ing long en na holim bek ol pamuk piksa o piksa we ol i ting bai i bagarapim tingting bilong ol manmeri i lukim. Em i tok olsem nau namba bilong ol pamuk piksa i kam insait long kantri i wok long go antap tasol namba bilong ol opisa bilong em i no inap long mekim gut wok bilong ol. "Long 1980s mipela i save painim samting olsem 5-pela pamuk piksa tasol long wan wan mun i save kam insait long kantri. Nau namba i go antap long 100 pamuk piksa long wanpela mun i save kam insait long kantri. Hevi bilong dispela samting i wok long go bikipela na mipela i nogat inap mani na wok manmeri long daunim," Em i tok. Mista Mala i tok nau wanpela bikipela hap long wok bilong opis bilong em em long

mekim wok aweanes o tok klia long ol hevi bilong pamuk piksa na ol wankain samting. Em i tok dispela em arapela rot tasol we ol inap long autim tok long ol hevi bilong ol dispela kain samting na larim ol manmeri yet i skelim. "Mipela i save karimaut ol wok aweanes wantaim ol lain olsem ol mama grup insait long kantri. Ol mama i save luksave long dispela hevi bikos planti taim ol i save pilim hevi bilong ol dispela samting. Ol famili i save bruk long ol dispela kain samting na sapos mipela inap long toksave long ol, bai mipela i nap long helpim ol famili bilong ol tu," em i tok. Narapela samting we Mista Mala i tok ol i wok long stretim em mekimsave bilong holim ol pamuk piksa. "Nau yet, mekimsave bilong ol manmeri i holim pamuk piksa samting em sikispela mun kalabus o wanpela K200 pain tasol. Dispela em ol man i no save wari long en. Ol i save baim tasol K200 pain na go fri." Mista Mala i tok aninit long ol senis ol i laik mekim long lo i karamapim dispela samting em long apim taim bilong kalabus i go long wanpela o tupela yia na pain tu i mas i go antap. "Dispela kain samting em i hat tru long stopim. Olsem na mipela mekim wok aweanes long traim na skulim ol manmeri na daunim dispela hevi." Em i tok opis bilong em i bin kisim sampela tok win tu olsem i gat sampela lain husat i wok long kisim ol pamuk piksa i hait na kam insait long kantri na bihain salim i go long ol manmeri.



**Kalsa...Tufi Dive Resort i soim kala bilong Tufi long Oro provins long dispela liklik haus bilong ol long Lukim PNG Nau ekspo we bin kamap las wiken long Pot Mosbi. Foto: KOKODATRAIL.COM.**

**TRAIN FOR SUCCESS!**

Gain professional skills and accredited qualifications with expert British Training, for a great career. Fees include all you need to succeed!

Your own CIC Diploma - your path to success!

Accredited British Training approved by the Papua New Guinea Ministry of Labour & Employment

**Certificates & Diplomas (£130 or US\$260)**

- \* Accounts, Hotels, Tourism, Computers
- \* Administration, Office, Insurance, Marketing
- \* English, Secretarial, Purchasing, Stores
- \* Business, Management, Personnel, Trade
- Advanced, Honours and MBA Diplomas
- \* Business, Finance, Marketing, Personnel

For a FREE Information Book contact:  
**CAMBRIDGE INTERNATIONAL**  
Box 53, Southampton, SO14 0JY, Britain  
Email: info@cambridgecetraining.com  
Web: www.cambridgecollege.co.uk  
Fax: +44 2380337200

Name: \_\_\_\_\_  
Address: \_\_\_\_\_  
Age: \_\_\_\_\_  
Cambridge - your KEY to success!

**Laspela wari long Bogenvil**

WANPELA wari bipo Dairekta bilong Yunaitet Nesens Obseva Misin long Bogenvil (UNOMB) Ambaseda Noel Sinclair i bin gat em long yuniti bilong Bogenvil, tasol em i tok wantaim gupela wokbung namel long Nesanel Gavman na ol Bogenvil lida na pipel, ol samting bai go gut. Ambaseda i bin autim wari bilong em bipo em i kusim Bogenvil na PNG na go bek long Amerika. "Mi wari long yuniti bilong Bogenvil bikos mi lukim olsem i gat planti grup insait long gavman. Mi wari liklik long Francis Ona na grup bilong em tasol mi no pret long birua bai kamap. Mi bin laik wokim samting long kamapim bris wantaim Francis Ona tasol taim i sot. Tru namel long yia 1999 na 2000 mi bin go bungim Mista Ona long ples bilong em long Panguna na toktok wantaim em, em i no bin singautim mi long sindaun wantaim em gen," em i tok.

**Wari long satan pasin long ol nesanel hai**

OL nesanel hai skul sumatin insait long kantri husat i stap insait long ol kalt o lotu long satan bai kisim bikipela mekim save na ol I ken rausim ol long skul sapos ol i painim olsem em i tru. Edukesen Seketeri Peter Baki i tokaut long dispela samting wantaim stongpela tok lukaut i go long olgeta sumatin long foapela nesanel hai skul long PNG. Em i wokim dispela tok lukaut bihainim ol ripot long wanpela olupela nesanel hai skul em Keravat Nesanel Hai we ol Gret 12 sumatin i wok long bagarapim na mekim nabaut long sampela Gret 11

sumatin taim ol i les long go insait long kalt bilong lotu long satan ol i save wokim insait long skul. Bihaunim ol dispela, polis long Is Nu.Briten i bin go insait na long wanpela keis we wanpela papa bilong wanpela Gret 11 sumatin i bin belhat na suf i go long sampela Gret 12 sumatin husat i wokim nabaut long Gret 11 pikinini bilong em taim em i les long joinim kalt bilong ol. Mista Baki i tok olsem ol bai rausim ol sumatin long skul sapos ol i painim olsem ol i stap insait long kalt tasol long wankain taim tu, em bin tok strong long ol longputim tingting long skul wok bilong ol.


"Long mekim gut long olgeta sumatin, mi askim olgeta sunatin long wokim gen tok promis olsem ol bai putim tingting na wok long fomol edukesen na dispela ol bai wokim taim ol sumatin i sainim tok promis long skul", Mista Baki i tok. Long wankain taim tu, Mista Baki i luksave na tok tenkyu long ol sios long wok bung wantaim ol skul long stretim dispela nogut samting we i bagarapim tingting bilong ol sumatin. Na em i askim ol arapela skul i bungim dispela hevi long askim ol sios long givim helpim long ol.











HON. PETER O'NEIL, BAC HONS M.P.  
Minista bilong Pablik Sevis

## Ministry of Public Service

# PABLIK AWEANES PROGEM

*PROPOSEL LONG STRONGIM OL DISTRIK ADMINISTRESIN LONG WOK STRONG  
LONG GIVIM GAVMAN SEVIS I GO LONG OL KOMYUNITI*

# OL BIKPELA SAMTING LONG DISPELA PROPOSEL

### STORI BILONG BIPO

Long taim bilong indipendens i kam inap nau, lukluk i stap long brukim daun pawa, wok na risponsibiliti long mekim disisen insait long Nesenel Gavman. Dispela em i kamap long sanap bilong Provinsel Gavman sistem. Wan wan gavman i kam i stretim kain kain rot bilong givim ol gavman sevis i go long ol pipel na Gavman nau wantaim luksave bilong Minista bilong Pablik Sevis, Hon. Peter O'Neill, BAC (Hons), MP i mekim wankain samting. Long dispela as tasol, Ministri bilong Pablik Service, Dipatmen bilong Pesonel Menesmen, Dipatmen bilong Fainens, Dipatmen bilong Inta-Gavman Rilesens na Pablik Sekta Rifom Menesmen Yunit i wok long toktok long strongim wok bilong givim sevis insait long ol distrik.

Gutpela tingting i stap, tasol wok bilong givim sevis i go long pipel i no strong moa, em i wok long go daun yet.

Olsem na ol samting we i stap long dispela Discussion Paper bilong Minista bilong Pablik Sevis, Hon. Peter O'Neill, BAC (Hons), MP, i kamap long kisim moa helpim toktok long Nesenel, Provinsel na Lokol level.

Em i mas kliia olsem wanem polisi senis i bai kamap, i mas sanap long wok pasin bilong planti manmeri.

As tingting bilong dispela Discussion Paper em bilong kamapim moa gutpela senis long Gavman sistem na painim we bilong kisim gut ol sevis i go long ol pipel na long wankain taim tu long kisim tingting bilong pablik long ol dispela senis.

Dispela proposel i makim ol dispela hap:

- 1). Wok na bisnis bilong ol Provinsel Gavman;
- 2). Wok na bisnis bilong ol Distrik Administresin;
- 3). Ol Administretiv straksa bilong ol Provinsel Hetkwota na ol Distrik;
- 4). Politikel straksa; na
- 5). Fainensel Arensmenten.

### OL DISTRIK ATORITI

#### Ol bikpela hap

#### Wok na bisnis

Ol Distrik bai i mas lukautim Helt, Edukesen, Infrastraksa (rot na bris), Agrikalsa, Pis na Oda na ol arapela gavman ekstensen sevis.

Ol pawa, wok na bisnis bai i go daun stret long Distrik level we bai Distrik Administresin bai i mas mekim plen, mekim ol disisen na karimaut gut wok.

Ol Treseri wok bilong baset, Takis koleksen, kontrol na yusim mani bai i go long Distrik Treseri opis. Opis bai i stap long Distrik, wantaim olgeta samting bilong mekim dispela wok.

Wok bilong Treseri bai kamap bihainim Public Finance (Management) Act na Fainensel Regulesen. Em bai givim ol ripot i go long Nesenel Treseri.

Distrik Atoriti bai plenim, mekim baset na kamapim Distrik Dvelopmen Plen na makim ol Risoses long go wantaim na kamapim Dvelopmen Plen na ol Praioriti bilong em i mas kamap na noken yusim mani nating long en.

Em bai kisim mani i kam stret long Nesenel Gavman bilong wok bilong em, ol plen na wok long karimaut ol dispela plen.

#### Straksa

Ol Politikel na Administretiv straksa aninit long dispela proposel bai i sanap olsem:

#### Politikel Straksa

Aninit long Politikel Straksa, we ol i kolim "District Authority" Open Memba bai i go pas long atoriti na em i mas gat ol LLG Presiden na tripela memba makim ol sios, ol meri na yut olsem ol memba bilong dispela Atoriti.

Open Memba husat bai i go pas long dispela Atoriti bai karim taitol bilong "District Governor".

#### Administretiv Straksa

Distrik Administreta bai i go pas long Distrik Administresin.

Bai i gat wanpela Distrik Tresera husat bai i lukautim ol Distrik Fans o mani.

Bai i gat ol Distrik Menesa husat bai i lukautim wan wan wok olsem Edukesen, Helt, Komes o wok bisnis, Woks, Plis na ol arapela long Distrik level.

#### Provinsel Gavman

Sampela wok bilong Provinsel Gavman bai i mas pinis. Provinsel Gavman bai lukluk tasol long wok bilong wan wan manmeri, kamapim gutpela sevis na stretim rot bilong dispela sevis i go long ol pipel na lukluk long ol kain wok olsem wantaim ol arapela bikpela hap wok.

Olgeta risoses bai i mas lusim PHQ o provinsel hetkwota na i go long Distrik. Dispela em ol samting olsem wok manmeri o Stafing, mani na ol aset we i mas stap long Distrik level.

Provinsel Gavman bai i stap aninit long lukaut bilong Rijinol MP olsem nau i kamap, na bai i gat ol open Iektoret Memba.

#### OL BENEFIT O KAIKAI

Ol besik o ol sevis we ol pipel i nidim stret bai i kam stret long Distrik level.

Nesenel Memba bilong Palamen bai inap toktok long ol praioriti na rot bilong yusim mani we bai i karim bikpela kaikai bilong Komyuniti na ol pipel.

Dispela bai i givim moa sans bilong ol lain olsem ol meri, pikinini, ol sios na grup long tok kliia long wanem kain sevis i mas go long pipel na we em bai kamap.

Sapos dispela i kamap, em bai i daunim namba bilong ol wok manmeri na mani Nesenel na Provinsel Gavman straksa i save kaikaim.

Sapos ol i yusim gut ol Risoses na Mani, em bai strongim rot bilong ol sevis i go long ol pipel.

**Hap toktok:** Mipela laikim ol tingting bilong wan wan manmeri, ol Non-Gavman Ogenaisesen, ol Sios Grup, ol Grup bilong ol meri, ol Skul, ol bisnis na ol arapela lain tu.

SABMISEN O TINGTING BILONG YU, YU KEN SALIM LONG POS  
OPIS O FEKS

I GO LONG:

THE CHAIRMAN  
TASK FORCE COMMITTEE  
DEPARTMENT OF PERSONNEL MANAGEMENT  
P. O. BOX 519, WAIGANI  
NATIONAL CAPITAL DISTRICT

Fax: 325 0520 na 327 6419







# Baim pei bilong waitmeri

Veronica Hatutasi i raitim

Namba wan taim bilong baim ovasis meri?

LONG PNG, pasin kastam em i bikpela samting.

Maski planti senis na developmen i wok long kamap, em i tru olsem planti samting i senis. Tasol planti i holim pasim tu long ol pasin kastom bilong ol tumbuna bilong yumi bipo tru. Ol dispela we i no gutpela em ol i stopim na lusim tasol ol arapela em ol i holim pasin na bihainim.

Kisim piksa bilong marit kastom. Long planti hap bilong PNG, i gat brait prais we man na lain bilong em i mas baim meri na kisim em i go long ples bilong man na stap wantaim ol lain papamama na haus lain bilong em. Na helpim ol long ol wok samting, karim pikinini na lukautim ol wantaim helpim bilong lain bilong ol man.

Taim man i maritim meri bilong narapela hap, ol i save go hetim dispela pasin long peim meri yet. Tasol taim ol PNG man i maritim ol ovasis meri, em i no klia sapos ol i save peim ol. Wantok i no kisim klapela ripot long dispela samting.

Tasol i no longtaim i go pinis, Wantok i bin stap long tok gutbai bung bilong olupela

Deputi Hai Komisina bilong Nu Silan husat i wanpela bikmeri bilong Nu Silan yet i marit long PNG man. Na i harim olsem man ya na ol papamama na famili bilong em i bin baim dispela meri Nu Silan. Em i namba wan taim long Wantok long harim dispela ripot long wanpela PNG man i baim wanpela waitmeri bilong ausait na i bin toktok liklik wantaim tambu meri bilong meri Nu Silan ya.

Nem bilong man PNG em Edward (ol i save kolim em long Eddy) Dala na em i bilong Simbu. Meri Nu Silan em Tessa Te Mata na em bin holim wok olsem

Deputi Hai Komisina bilong Nu Silan long PNG klostu long foapela krismas. Tupela marit ya i bin bung long Jakarta Indonesia na pren na bihain marit. Tupela i bin wokim tupela marit seremoni. Wanpela em long nomol opisel rot long ples bilong Tessa wantaim ol famili bilong em long Nu Silan. Na taim ol bin kam long PNG, ol bin wokim narapela long pasin kastom bilong ol Simbu na baim Tessa. Ol famili bilong Eddy i laikim stret na amamas long Tessa na pasin bilong em na maski Tessa i no bin bisi taim ol i autim tingting bilong ol long baim em,

gutpela bel i bin kamap na ol bin wokim yet brait prais seremoni long Simbu kastom.


Wantok i bin kisim liklik toktok long dispela samting long tambu meri bilong Tessa, em Agatha Daia.

"Mipela famili i laikim gutpela pasin bilong Tessa. Em i gutpela meri stret na mipela i amamas long pikinini man bilong mipela i maritim em.

"Mipela i baim em long pasin tumbuna bilong mipela ol Simbu. Dispela em taim tupela i kam long wok hia long PNG long 1999. Mani mak we famili bilong Eddy i bin baim Tessa em long K15,000. Pastaim mipela i toktok long baim em, Tessa i bin les. Tasol mipela i tok em pasin kastom bilong mipela na tu, Eddie em i namba wan pikinini bilong mipela na bihain em i wanbel.

"Orait, mipela famili i bin redim olgeta samting na ol papamama na ol brata na susa na famili memba bilong em i bin kam long Nu Silan. Na mipela i bin baim em insait long wanpela seremoni i bihainim pasin kastom bilong baim meri long Simbu.

"Mitupela papa i bin bungim mani wantaim na givim K15,000 i go long famili bilong Tessa.



• Eddie wantaim ol brata susa bilong em ausait long haus ol i bin stap long Tuagoba Hil long Pot Mosbi.

Na bikpela kaikai i bin kamap we mipela i kilim tu sampela pik. Naispela seremoni we i gat stail kalsa i bin kamap long marit bihainim Simbu kastom. Ol famili bilong Tessa i bin amamas na go bek.

"Long pasin kastom taim mipela i baim meri, meri i bilong mipela na i noken lusim mipela. Tasol maski sori long lusim pikinini i go, mi olsem mama bilong Eddie husat i namba wan i wokim sakrifais tasol mipela famili i amamas long larim tupela marit i go long Nu Silan. I gat taim i stap long ol bai kam bek long PNG, tasol long nau, mipela i amamas long larim ol i go," Misis Dala i tok.

Papa bilong Eddie em ami Kenel Frank Dala i bin wok olsem Hai Komisina bilong PNG long Jakarta, Indonesia

na stap long hap wantaim famili bilong em long Tred seksen bilong Nu Silan Foren Afeas. Tupela wik i go pinis, taim bilong Tessa long wok long PNG i pinis na

ol i go bek long Nu Silan. Tessa bai wok long Tred seksen bilong Nu Silan Foren Afeas. Na Tred taim Eddie bai pinisim pilot skul bilong em.



• Tessa wantaim Anna Solomon, olupela edita bilong Wantok niuspepa. Ol foto: JOE IVAHARIA

# Skulim ol pikinini meri na wokbung

Veronica Hatutasi i raitim

EDUKETIM o putim ol pikinini meri long skul na ol meri long putim han na wok bung wantaim long kamapim senis em bikpela toktok i bin kamap long bung bilong makim Intenesenel De bilong ol Meri long Pot Mosbi long Mande.

Samting olsem 150 meri i kam long ol sios na ol wimens grup long Nesanel Kapitel Distrik na Sauten rijen i bin bung long Sione Kami Memoriel Sios na sea, wokim ol singsing na harim toktok bilong ol bikmeri we i sut long wok, developmen na ol bikpela samting i karamapim ol meri long dispela taim.

Intenesenel Wimens De i save kamap long olgeta ya long Mas 7 na ol meri long wol i save wokim ol selebresen long luksave long dispela de. Long sampela kantri, ol meri i

save gat pablik holide long dispela de.

Ol meri long NCD i bin plen long holim ol ektiviti olsem ol meri long ol arapela kantri olsem Australia, Nu Silan, Ingran na ol arapela moa tu i putim kamap ol samting, ol arapela bikmeri long PNG i givim ol toktok tasol i no bin gat inap mani long wokim dispela.

Vais Presiden bilong ol meri grup Cathy Tom i bin tok maski ol i no bin kisim wanpela mani helpim long putim kamap ol progrem we ol bin laikim, em i tok tenkyu long ol meri i bin kam long harim na kisim ol mesej o toktok na ol i ken wok bung wantaim long kamapim sampela gutpela samting bilong helpim ol i go het, ol famili, komyuniti na kantri.

Catherine Cooper em wanpela Kaunsela i makim Hai Komisina bilong Australia long dispela taim i bin tok tupela

bikpela samting we i sut long olgeta meri long wol na PNG tu na i ken kamapim gutpela senis em long eduketim ol pikinini, moa yet ol meri pikinini na tu, long ol meri i yunait na wok bung wantaim.

"Putim ol yangpela pikinini meri long skul bai givim strong na save long ol na ol meri i ken skulim ol pikinini bilong ol na lukautim ol long gutpela rot bilong stap helti na strong. Na tu long ol arapela eria bilong developim kantri. Ol meri i kisim skul i kamapim gutpela kontribusen na long ol tet wol o ol kantri we i wok long develop nau tasol dispela em i bikpela samting. Wantaim save, ol meri i ken save long ol samting i kamap long wol, moa yet ol hevi long HIV/AIDS bikos pasin we pipel i no save long ol samting i sut long en o rot we i kamap na rot we pipel i ken abrusim, i wok long kamapim bikpela hevi na bagarap.

"Taim ol meri i yunait na wok bung wantaim, bai i gat gut-

pela wok kamap. Na save long ol samting i sut long helt, edukesen, klinpela wara na envaironmen em ol bikpela samting we wok bung na edukesen i ken kamapim. Mi enkarijim o putim strongpela toktok long yupela ol meri long stop, kisim taim, staim gut na sapotim ol yangpela meri long level bilong yupela yet na ol tu i ken helpim long kamapim gutpela famili, sosaiti na kantri," Ms Cooper i bin tok.

Em i tok wan wan kantri na rijen long wol i narakain long level bilong wok kamap na luksave ol meri i gat. Em i tok long Australia, ol meri i wok long kisim ol gutpela sans na planti i holim ol gutpela na bikpela wok long menesmen level, palamen na gavman i wok long helpim kamapim gut wok, laip na sindaun bilong ol meri.


Em i bin luksave long ol PNG meri na planti ol netwok bilong ol we aninit long ol, ol i wok wantaim long kamapim senis na developmen.



STAIL KUKA na SEL

Yu mas i gat:

- Kukim braun na wait mit bilong kuka
- Muli jus
- Parsley
- Sol
- Cayenne Pepa (pepper)
- Bretkrans (breadcrumbs)
- Sel na ol han bilong kuka



We long mekim

- Putim 1-pela tebolspun bretkrans long braun -pela mit bilong kuka
- Putim tu sol, pepa, muli jus na parsley yu katim, katim pinis.
- Pulapim i go insait long sel bilong kuka
- Kisim wait-pela mit bilong kuka na putim sol, pepa na muli jus wantaim parlseay emyu katim katim pinis.
- Putim dispela namel long sel bilong kuka na arere bai waitpela mit i raunim.
- Bilasim wantaim ol hap parsley na ol han bilong kuka.

Sel (oysters)

- Opim sel wantaim naip na rausim antap sel.
- Sindanim antap long ais and kaikai wantaim muli (lemon) ria pepa.

Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long niuspepa.

**Tok Tok Nating  
Wantaim Fr  
Paul Liwun SVD**



WANPELA mining bilong kisim sit bilong paia long poret bilong yumi bilong statim taim bilong Len, em i bilong helpim yumi long lukim on sin pasin insait long yumi. Las wik mi bin raitim olsem, "taim yumi lukim sit bilong paia long poret bilong arapela manmeri, yumi luksave long rong bilong ol na tu long rong bilong yumi. Isi long yumi lukim sit bilong paia long poret bilong narapela manmeri, tasol hat long yumi lukim sit bilong paia long foret bilong yumi yet". Olsem na isi long yumi lukim rong bilong ol narapela, tasol hat long lukim rong bilong yumi yet. Insait long wanpela kontemplatif konven wanpela taim wanpela memba (wanpela brata) bilong konven i bin brukim lo bilong konven. Long ai bilong narapela memba, dispela memba i bin brukim lo bilong konven i bin mekim sin, na em i mas kisim wanpela bikpela mekimsave i wankain olsem lo em i bin brukim long en. Insait long wanpela bung bilong ol, olgeta i tok orait long askim wanpela memba i lapun tru (elder) bilong ol insait long konven long mekim las toktok. Pastaim, lapun bikman i no tok orait long askim bilong narapela memba. Tasol ol narapela memba i bin forsime em, olsem na, maski em i no amamas, tasol em i bin tok orait long askim bilong ol. Em i no pilim amamas long kotim brata bilong em, memba bilong konven. De bilong kot i kamap. Olgeta memba bilong konven i stap pinis insait long kot rum. Taim lapun i bin kamap insait long rum, olgeta i lukluk long em. Em i bin karim i go long rum, wanpela baket i pulap long wesana. Tasol aninit long as bilong baket, em i bin mekim hul, olsem na taim em i wokabaut o go ol wesana i pundaun nating nating antap long floa bilong rum. Taim lapun i bin kamap long fran bilong kot rum, em i bin tok "Mi bin kam long hia long kotim brata bilong mi yet. Tasol sapos mi lukluk bek long laip bilong mi, mi bin lukim ol sin bilong mi i bin stap nabau nabaut olsem ol wesana i pundaun long hul bilong baket ya. Tasol, bikos ai bilong bel bilong mi i pas pinis olsem na mi no luksave gut long mi yet. Na tude, mi mas givim mekimsave long brata bilong mi i bin mekim sin olsem mi tu save mekim". Olgeta memba bilong konven i stap insait long kot rum i daunim het, bilong wanem tok bilong lapun i sutim bel bilong ol. Ol yet i pilim sem nau. Ol i luksave nau olsem ol yet i sin man, ol yet i save wokim sin. Olsem na ol yet i mas kotim ol yet pastaim, bipo ol i kotim narapela brata bilong ol i bin brukim lo bilong konven. Ol i tingting planti na sori long ol yet. I nogat wanpela bilong ol i gutpela moa yet na i winim brata bilong ol, husat i bin brukim lo bilong konven.

*Jisas i tok: "Husat, namel long yupela i no bin mekim sin, em i mas kamap namba wan long tromoi ston i go long dispela meri (Jon 8:7)*



**Yumi mas taitim bun  
na sanap strong**

Yupela i mas wok strong long bihainim pasin bilong sindaun gut stap bel isi wantaim olgeta man. Na yupela i mas wok strong long givim laip bilong yupela long God na bihainim pasin holi bilong God. Man i no gat pasin bilong God, em bai i no inap lukim Bikpela. Yupela i mas was gut, nogut wanpela bilong yupela i pundaun na i lusim marimari bilong God. Na nogut wanpela bilong yupela i kamap olsem diwai i karim kaikai i gat pait, na em i givim hevi long yupela na mekim yupela i kamap doti long ai bilong God. **Hibru 12:14 - 16**

**Plis Fos bai gat nupela saplen**

Veronica Hatutasi i raitim

OL plismanmeri long kantri bai gat nupela saplen bilong ol.

Em long Pater Albert Rokus MSC bilong Is Nu Briten provins.

Ripot we Wantok i kisim i tok ol lain plis manmeri na ol Kristen komyniti long Nesenel Kapitel Distrik i redi tasol long welkamim nupela

saplen bilong ol na long dispela mun yet, ol bai wokim opisel welkam seremoni bilong em.

Ripot we Wantok i kisim i tok long dispela taim, Pater Rokus i stap pinis long Mosbi na em i wok long kisim trening long Bomana bilong kisim save long ol samting i sut long wok, laip na olgeta samting i karamapim ol plis.

Insait long las 35 krismas,

plis fos i bin gat tripela saplen. Nambawan em nau Katolik Asbisop bilong Pot Mosbi Asdaiosis, Asbisop Sir Brian Barnes. Em bin kisim wok olsem namba wan Plis Saplen long 1969 na holim dispela wok long planti krismas stret. Namba tu em leit Pater Louis Ambane na namba tri em long Pater Hubert husat nau i peris pris long Wirui peris insait long Is Sepik.

Long sampela yia nau, Plis Fos i no bin gat saplen na olsem, ol Fransiskan Oda i wok long lukautim Gordons na Bomana plis bareks taim ol Dominikens i lukautim Macgreka Bareks.

Long nau, ol Katolik komyniti long Gordons Bareks i wok long redim haus insait long bareks we nupela saplen bai stap long em.



**Putim was long bikpela bung long Julai...**

• Sampela ol OLSH Sister long Vunapope husat bai helpim long ol wok redi bilong Jenerel Asembli bung bai kamap long Vunapope long mun Julai. *Poto: Veronica Hatutasi*

**Sen Martin's  
Angliken peris  
kisim nupela  
peris pris**

SEN Martins Angliken Sios insait long Nesenel Kapitel Distrik i gat nupela peris pris.

Em long Pater Lollington Wiem na em i bilong Simbai long Madang provins. Em i marit na em i gat tupela liklik pikinini manki. Bikpela i gat eitpela krismas na liklik i gat faivpela krismas. Meri bilong em i strongpela memba bilong Angliken Madas Yunien grup.

Long las Sande, ol perisina bilong Sen Martin's i bin holim spesel lotu sevis long welkamim Pater Lollington na famili bilong em long peris.

Bisop Peter Fox husat i beis long St Martin's peris taim em i welkamim nupela peris pris i bin tok bai gat planti nupela samting Pater Lollington na famili bai kisim save long em long nupela les tasol olsem bisop bilong yupela, bai em i sapotim ol na ol i ken pilim gut long sindaun long nupela ples.

Em bin tok tu olsem ol pastorel wok na lukaut long dispela eria nau bai go long han bilong Pater Lollington tasol bisop bai stap long helpim na sapotim em long ol wok.

Long welkam lotu sevis las wik, Bisop Peter i bin tokim Pater Lollington olsem "Kisim wok long peris we i bilong yu na mi wantaim" na dispela em i tru.

Bisop i tok em na famili bilong em i amamas olsem ol bai go het long stap insait long sen Martin's peris rektori na wok na lotu long hap.

Em bin tok tru, olsem bisop, em i bilong Pot Mosbi Angliken Daiosis tasol Sen Martin's em peris em i save stap, wok na mekim preia na go pas long lotu long olgeta de.

Em i bilip olsem nupela pater na famili bilong em bai stap gut long Sen Martin's wankain tasol olsem famili bilong bisop.

**Bikpela Asembli bung bai  
kamap long Vunapope**

Veronica Hatutasi i raitim

KATOLIK Sios bai holim bikpela bung long Vunapope insait long Is Nu Briten provins long glasim na skelim ol wok we Jenerel Asembli i mekim insait long foapela yia.

Bung bai kamap long mun Julai, stat long de namba 4 na pinis long namba 11.

Stat long yia 2000, hetman bilong Katolik Sios long wol Popo John Paul 2 i bin singaut long Katolik Sios long Oseania long glasim na skelim sios bilong kamapim ol senis we ol pipel i ken go insait moa long wok bilong sios. Na tu, sios i ken kamap klostu moa long kalsa na pipel.

Olsem na stat long yia 2000, Sios i makim olsem Jubili Yia na wok bilong Jenerel Asembli i bin stat. Aninit long dispela,

olgeta peris na daiosis long PNG i bin kamapim ol komiti we i go pas long ol wok ol i makim ol long mekim.

Ol Divan Wod Misinari (SVD) pater i go pas long lukautim dispela wok.

Long las yia, ol pater i bin bung long Madang long painim aut ol samting we wan wan daiosis i wokim na kamap long en. Dispela em long redim na skelim ol samting long bikpela bung bai kamap long Vunapope.

Bihain tasol long dispela, ol Katolik Bisop bai go het long holim Anuel Jenerel miiting bilong ol long Vunapope yet. Bung ya bai kisim wanpela wik.

Long ol arapela sios nius, Katolik Federesen ov Rilijes bai holim Anuel Jenerel miiting bilong ol long Goroka na em bai stat long neks wik Mande Mas 15.

## De la Salle na Gerehu Hai bai gat Gret 11 neks yia

... Bai helpim moa sumatin long NCDC

DE LA Salle na Gerehu Hai skul bai kirapim Gret 11 long skul bilong ol neks yia.

Dispela em toktok we ol papamama i gat ol pikinini long De la Salle Bomana i bin harim insait long namba wan bung bilong ol.

Francis Okuk em man i go pas long ol wok long dispela projek long De La Salle i bin tokaut olsem em i wok long bung wantaim ol edukesen atoriti long Nesenel Kapitel Distrik na toktok long dispela samting. Na ol i tok orait pinis long givim helpim long sanapim sampela haus, tisa, laibreri na ol arapela klasrum ol bai nidim long mekim De la Salle i wanpela sekonderi level skul.

Em i tok wanpela samting we i strongim wok long kamapim moa sekonderi skul insait long NCD em long nogat inap spes long ol sumatin pinisim Gret 10 long skruim skul i go long Gret 11.

Em i tok long dispela yia, samting olsem 1,000 Gret 10 sumatin long NCD i bin kisim ol gutpela mak long go long Gret 11 tasol i no bin gat spes long putim ol.

Em i tok em i wokim pinis ripot long askim long K4 milien bilong karimaut dispela sekonderi skul projek long De la Salle na givim i go long NCDC Edukesen divisen.

Samting we i bin pasim skul ya long kamap olsem wanpela sekonderi skul em long taitel bilong graun skul i stap long en i no bin stret tumas. Tasol nau ol i klostu stretim wantaim Lens Dipatmen na olsem, ol bai sanapim moa bilding long kisim gret 11 na 12.

Em i tok long dispela yia tu, skul bai lainim long yusim kompyuta.

Infomesen teknoloji na save long yusim kompyuta em i bikpela samting we long skul, wokples na long olgeta de laip, em i kontrolim ol wok developmen na ol arapela samting.

Mista Okuk i tok long dispela as, Prinsipel bilong Hohola Yut Developmen senta bai stretim ol samting na ol De La Salle sumatin bai i gat klas long lainim long yusim ol kompyuta.

## Tisa Sevings kamapim bikpela winmani

Veronica Hatutasi i raitim

OL TISA insait long kantri husat i gat seving wantaim Tisa Sevings na Lons Sosaiti Limitet (TSLSL) bai kisim gutpela kaikai bihainim bikpela winmani TSLSL i wokim long yia 2002 na 2003.

Na long dispela mun, ol bai kisim 27 pesen winmani i go insait long ol seving akaun bilong ol.

Sief Eksekutiv opisa wantaim TSLSL Michael Kosen i tokaut long dispela gutpela nius bilong ol tisa i tok intres ol i peim long yia i pinis long Desemba 31, 2003 em i 16 pesen tasol antap long en, Sosaiti bai peim narapela K1 milien winmani i go long ol memba na olsem dispela i kisim mak long winmani i go antap long 27 pesen.

Mista Kosen i tok long tude, level bilong sevis i go long ol memba i kamap gut moa na dis-

pela i bin kamapim gutpela gro long olgeta eria i karamapim gro long membasip long 35 pesen mak, diposit i go antap long 9 pesen, aset long 30 pesen, net aset long 39 pesen, risev long 13 pesen na, lon sevis long 34 pesen.

Em i tok bikpela tingting bilong em em long kamapim gut sevis long ol provinsel senta.

Em i tok long dispela 2003 ripot, sosaiti i kamapim rekot winmani we i winim ol arapela taim stat yet long taim ol bin kirapim sosaiti.

Winmani we sosaiti i mekim long 2003 bihain long ol takis na ol arapela rot em i yusim mani long en em long K12.8 milien. Na olsem long dispela mun, ol bai peim moa winmani inap long K1 milien i go long ol seving akaun bilong ol memba.

Mista Kosen i tok stat yet long yia 1992, sosaiti i bin karimaut wok na ol rot long givim gutpela sevis i go long ol memba.

Em i tok dispela em samting we ol i no bin bisi long em long planti yia na dispela i bin mekim ol samting i no go gut tasol nau ol i kamapim gut ol wok samting long eria bilong gutpela koporet menesmen na lukaut.


"Long kamapim ol gutpela sevis we i helpim ol memba, sosaiti i bin kamapim sevis long olgeta eria.

Dispela i karamapim sevis long sistem, teknoloji na menesmen. Mi lukim olsem bikpela sevis we i kamap em long senisim tingting bilong ol pipel bikos ol woklain i gat pasin na rot ol i bihainim long karimaut wok bilong ol.

Na ol i mas kisim trening long ol nupela sevis na wok i kamap long dispela taim long sait bilong menesmen, memba sevis, gutpela koporet gavanens, menesmen long mekim wok i go het gut.

## Kokonas na wok bilong em long Helt

... Las hap ripot long olpela kaikai bilong ol Pasifik



Kokonas em bun bilong ol nambis lain. Mit bilong em i save givim kaikai na switpela wara bilong em em yumi save dring.

BIHAINIM evidens long ol ripot, em i gutpela long kisim ol kaikai we i nogat bikpela gris tumas long ol.

Na long ol pipel bilong Pasifik, dispela i min olsem ol i mas kisim ol kaikai i nogat bikpela gris na tu, kisim ol arapela kaikai. Bikpela mak long ol gris kaikai i kam long kokonas na i no ol arapela kaikai.

Bihainim ripot, kisim ol kaikai we i gat planti ol lokol kaikai olsem pis, prut, kumu, ol rut krop olsem banana, kaukau, taro, yam, tapioka na ol arapela gaden kaikai na i moabeta long noken kisim tumas ol kaikai bilong stoa.

Em i gutpela long yusim kokonas long grisim kaikai tasol noken yusim planti we bai abrusim mak na dispela

bai i no gutpela. Na taim ya yusim kokonas, noken kisim ol arapela kaikai i gat bikpela gris long ol na long dispela wei, bai mak bilong gris long bodi bilong ya i kisim bai i no abrusim mak i go antap.

Dispela ripot na ol samting we ol i putim long yumi ken mekim na bihainim bai kamapim gutpela heliti laipstail. Narapela samting em i moabeta long wokim eksasais, lusim weit na stopim pasin bilong dring na smok.

Moa rises wok i wok long go het yet long klarim ol samting i stap long ripot bilong olpela kaikai bilong ol Pasifik pipel.

Olgeta ripot we Wantok i bin putim kamap i kam long PIN (Pacific Island News) megesin.



Bikpela kontribusen bilong tupela Sister long edukesen

L-R: Sister Thaddeus Hill na Sister Mary Conlin bilong OLSH Vunapope. Tupela Katolik OLSH Sister i wok planti yia na, ovarim 40 krismas long skulim ol yangpela meri long PNG. Ol i wokim bikpela kontribusen long edukesen na developmen bilong ol meir long PNG taim ol i tisa long Kabaleo na OLSH Vunapope hai skul bilong ol meri. Sister Thaddeus i lapun na i ritania i stap nau tasol Sister Mary i tisa yet long OLSH.

Foto: VERONICA HATUTASI

## De La Salle kirapim tripela "self reliance" projek

Veronica Hatutasi i raitim

DE La Salle Hai skul long Bomana ausait long Mosbi siti i kirapim ol "self reliance" o helpim ya yet projek long pulim mani.

Dispela i bihainim daireksen bilong Edukesen Dipatmen we i laikim ol skul long kantri bilong wokim ol projek na wok long kamapim mani na helpim ol yet bikos gavman i bungim hevi long mani i sot.

Hetmasta bilong De La Salle Leo Maiah i bin tokaut long ol dispela projek we skul i go hetim long dispela yia. Namba wan em long agriklasa o fam projek. Long dispela, ol sumatin i klinim bikpela hap long planim ol kumu samting we ol boda o manki i save slip long skul bai kaikai. Na sampela ol bai salim long kisim mani.

Narapela projek em long yusim skul bas long kisim na lusim ol woklain bilong plis na CIS long Bomana long moning na apinun. Dispela em taim bas i laik go kisim ol sumatin long Mosbi long bikmoning, taim olsem 6 kilok. Long dispela taim, bas i save kam daun long siti wantaim nogat man insait. Na wankain long apinun taim em i lusim ol sumatin bihain long skul i pinis.

Namba tri projek em long kirapim wanpela skul bekeri.

Mista Maia i tok skul bai wokim ol skon na bret samting bilong ol boda i kaikai long em na tu long salim long skul kentin na ol tisa wantaim ol famili bilong ol.

Em i tok "Self reliance" em het tok bilong Edukesen Dipatmen bilong dispela yia, 2004 na ol skul i mas go hetim na kirapim ol projek long helpim kamapim mani bilong ol.

Long wankain taim tu, Mista Maia i tok disiplin o bihainim gutpela pasin long De la Salle long dispela yia i orait moa long mak bilong las yia.

Tasol em i tok skul bai i no inap long isi long ol sumatin i wokim bikhet pasin olsem kirapim pait, smok, kaikai buai, i no putim stretpela skul, spots na haus kala yunifom.

Em i tok skul i wari long pait pasin we ol Gret 10 i save kamapim long ol Gret 9 na ol dispela pasin i save kamap taim sampela sinia sumatin i gat sampela birua na singautim junia gret sumatin long bungim em long toilet na paitim em nogut tru wantaim su.

Em i tok bihainim dispela, ol i putim tupela tisa long was long apinun na long belo taim.

Em i tok dispela samting i kamap pinis

wanpela taim long dispela yia na manki husat i wokim dispela i pret na i no go long skul. Skul bai strik tru long ol dispela hambak pasin na givim mekimsave long husat lain i wokim dispela.

Long wankain taim tu, Mista Maia i bin tok skul i wari long Vanuatu setelmen (i stap long rot i go long De La Salle) na Gordons bas stop i kamap olsem ples o poin long kisim na salim mariwana o spakbrus long em.

Long namba wan bung bilong ol papamama na gadien, Mista Maia i bin tokim ol long was gut na toktok long ol pikinini bilong ol na noken givim ol bikpela mani long karim wantaim ol long skul bikos taim ol i ting olsem ol i helpim ol, i bagarapim ol. Em bikos ol sumatin i save baim ol mariwana, smok na ol arapela nogut samting i bagarapim na paulim tingting bilong ol.

Mista Maia i bin askim tu ol papamama long helpim gut ol pikinini bilong ol long lainim na strongim gutpela pasin bikos taim i senis na planti bikhet pasin i wok long kamap.

Em i bin tokim ol long strongim famili prea long haus bikos long dispela rot tasol, bikman bai kam insait na ol pikinini bai luksave tu long God olsem gutpela stia long laip na sindaun bilong ol.



## PRESS RELEASE



GOVERNOR  
HON. CLEMENT NAKMAI

The Governor of WNB the Hon. Clement Nakmai has released the following statement on the occasion of the decision of the Ombudsman Commission on the lifting of the freeze on the WNB Dividend Trust Account (The WNB Development Trust Fund).

As the Governor of WNB it gives me great satisfaction and relief to announce that the Ombudsman Commission has officially removed the suspension of operation on the WNB Development Trust Fund Bank Account (formerly known as the NBPOL Trust Fund). The Ombudsman Commission's direction in this regard sets clear conditions for the operation of the Trust Fund Bank Account. This direction demands full and complete compliance with the conditions of the Trust Deed stipulates that actual expenditure must be controlled and conducted by the Public Service in compliance with the relevant national legislation.

My Government wishes to record its appreciation of the trust shown in us by the Ombudsman Commission in making this decision.

It is important now to note and reflect on the original purpose of the transfer of the shares to the WNB Provincial Government and the conditions set in the associated Trust Deed.

The Trust Deed is a legal document, which imposes specific responsibilities on the PEC and its Chairman the Governor. It clearly stipulates the uses to which Trust Funds can be applied.

Specifically it requires that the dividend monies be spent "for the purpose only of setting up, funding or maintaining health, education and social welfare projects or services in West New Britain province for the benefit of the residents and people of West New Britain" which emphasis on long term benefits. Monies to be so spent must first be allocated and earmarked in the Provincial Budget.

The WNB Provincial Government has a public duty to properly discharge its responsibilities and to act in a prudent disciplined manner.

I have expressed my very real concern that the above matters are fully understood by all members of the Provincial Government and the Provincial Public Service. In particular leaders in senior positions of responsibility must lead by example.

A proper and disciplined approach and responsible government decisions are needed to ensure there is no misuse of funds and benefits flow to the people as per the intention of the Trust Deed.

During 2003 in order to effect compliance with Trust Deed requirements and alleviate the concerns of and satisfy the requirements of the Ombudsman Commission I with support of my deputy and PEC initiated the development of a computerized expenditure control system. This system was developed by private consultants.

This was an important factor in considerations for lifting the freeze and is integral to the future control and monitoring/reporting process. Other factors to be noted are the Governor and PEC have a statutory responsibility under the Trust Deed.

The Government and Public Service have a statutory responsibility under various laws of PNG.

The Ombudsman Commission directions reinforce the above outlined responsibilities.

It is the intention of my Government to ensure that the Trust Fund is properly managed under these new arrangements and further that the procedural discipline imposed extends to the provincial Administration generally and the Treasury office in particular. We will not tolerate mismanagement or misuse of funds in any circumstance, not only Trust Funds.

My Government is determined to view this as an opportunity to instill fiscal discipline and to move forward in a positive manner.

I am making it an aim of my Government that we prove to ourselves, our people and relevant external bodies that we can properly professionally and efficiently manage our own financial affairs. I have set a goal for my Government that we achieve this within the next six months.

I would like also to publicly thank the Deputy Governor, PEC members, Administration, Management of WNB Development Corporation Ltd and our consultants for the considerate time and effort, support, and expertise in addressing this problem.

I have myself with their support and assistance spent a lot of time, in West New Britain and in Port Moresby, addressing the Trust issues and holding numerous discussions and meetings on development and investment matters, promoting investment opportunities in our province.

Our potential is huge.

We can now concentrate our efforts on implementation and encouragement of private investment and economic activity for the people of West New Britain.

The time for waiting is over.

The time for talking is over.

We will implement action for growth, development and prosperity, through necessary implementation tools.

Authorised for release:

CLEMENT NAKMAI  
GOVERNOR  
West New Britain Province

# Lukim PNG Nau na tumoro na moa yet

## Yakam Kelo i raitim

LUKIM PNG Nau, Lukim PNG long tumoro na Lukim PNG moa yet. Dispela em toktok bilong Minista bilong Kalsa na Turis Nick Kuman taim em i opim program bilong Lukim PNG Nau long Fonde las wik.

Dispela hap toktok, Lukim PNG Nau em het tok bilong wanpela bikpela projek bilong Tourism Promotion Authority (TPA) long kamapim ol rot na wok bilong pulim moa ovasis manmeri i kam long Papua Niugini olsem ol turis.

Dispela projek bilong Lukim PNG Nau em i op long Fonde we wok bilong pulim ol turis i kam long ovasis kantri long kam raun na lukim PNG bai ron strong nau.

Mista Kuman i tok wok bilong turism em wanpela bikpela bisnis tru we PNG inap mekim bikpela mani long en na inap mekim ol pipel

bilong ples i gat mani long dispela wok.

Mista Kuman i tok em i wanbel tru long wok bisnis bilong turism bikos dispela bisnis i no save mekim wanpela bagarap long ol bus graun na wara olsem ol arapela bisnis projek olsem maining, forestri, fis na arapela moa. Dispela bisnis i save kamap na ron tasol na i nogat nois o bagarap long en.

Minista Kuman i mekim bikpela tok amamas i go long ol bisnis na kampani husat i sapotim dispela program bilong Lukim PNG Nau i kamap long dispela mak tude.

Em i mekim sampela gutpela toktok tu long kantri bilong mipela long PNG olsem em i gat ol samting we narapela kantri long wol i nogat. Sapos yu laik pulim klinpela na naispela win stret we i nogat pipia long en, orait kam long PNG na go insait long ol asples na yu ken pulim dispela klinpela



• Em ol kain lain bilong ovasis we dispela program i sut long pulim ol i kam raun long PNG na lukim ol kainkain gutpela samting PNG i gat tasol i hait i stap na ol ausait kantri i no save long en. Foto: THE NATIONAL.

win. PNG i gat ol bus na diwai na ol flawa we i nogat long narapela kantri bikos i nogat pipia o doti i pas long ol we ol lain i ken kam na lukim na kisim save long ol. Em i askim olgeta pipel bilong Papua

Niugini long sapotim dispela program Lukim

PNG Nau. Wanpela bikpela rot yu inap sapotim dispela program em long smail.

Taim dispela program i op, ol wanwan grup na bisnis husat i save kari-maut ol wok bilong

*"PNG i gat ol bus na diwai we i nogat long narapela kantri."*

(Soim gutpela amamas pes long ol lain bilong narapela hap).

Dispela rot tasol bai i mekim wokabaut na raun bilong ol ovasis turis i kam long PNG bai i gutpela na ol bai amamas long kam lukim PNG na pulim moa turis manmeri i kam long bihain taim, em i tok

Air Niugini balus kampani wantaim SP Holdings em tupela bikpela kampani husat i sanap baksait long TPA long karimaut dispela program bilong Lukim PNG Nau.

pulim turis o wok klostu wantaim ol tufis insait long kantri i kamap long Mosbi long soim ol wok na ol samting ol i gat long wok bilong turis indastri na hotel sevis, raun long solwara ol ples nabaut insait long PNG, soim ol kainkain bilas na ol samting ol i gat na planti arapela moa.

Dispela so bilong ol turis bisnis em namba wan taim bilong ol long mekim kamap insait long kantri. Dispela so i stat long Fonde 5 na i go pinis long 7 Mas long las wik.



• Em ol yangpela Nesenel Arts Tieta long Yunivesiti i soim ol danis na pilai bilong ol long makim opening bilong Lukim PNG Nau program wantaim ol so bilong en long las wik Fonde. Foto: THE NATIONAL.



**PNG POWER Ltd**

## STAY WIRE CAMPAIGN

**PNG POWER I LAIK TOKSAVE LONG PABLIK LONG NOKEN HOLIM, PULIM, OA HANGAMAP LONG OL STEI WAIA I STAP LONG PAWA POS NA I GO DAUN LONG GRAUN BILONG SAPOTIM PAWA POS.**

**EM ITAMBU TU LONG RAUSIM OL WAIA LONG OL STEI WAIA LONG WANEM DISPELA OL PASIN INAP KAMAPIM BIRUA.**

**SAPOS YU WOKIM OL DISPELA PASIN OL STEI WAIA INAP KAMAUT LONG GRAUN NA I GO PAS WANTAIM OL PAWA LAIN I STAP ANTAP LONG POS NA PAWA INAP HOLIM YU.**

**TINGIM: SAPOS YU LAIK ABRUSIM BIRUA, NOKEN GO KLOSTU LONG OL STEI WAIA.**



Toksava i kam long PNG Power Public Relations

# WANTOK KOMENTRI

## Taitim banis long ol pamuk pasin

PASIN pamuk i wok long go long kainkain rot na kainkain pasin long dispela taim tude. Yumi lukim na harim olsem kainkain pasin na stail bilong ol ovasis lain i wok long kam insait long kantri bilong mipela na pulim tingting na het bilong ol yangpela manmeri.

Opis we i save was long ol kain doti samting olsem ol piksa nogut na ol kainkain marasin nogut nabaut em Nesenel Sensasip Bod. Na long dispela wik opis bilong Sensasip Bod i tokaut long ol dispela samting nogut we i wok long kam insait long kantri long kainkain rot na ol kainkain pasin.

Wanpela bikpela rot nau ol manmeri i save lukim ol piksa nogut o ol pamuki piksa em long Intanet masin we ol samting i ron long kompyuta tasol na olgeta piksa na ol toktok i kamap long en. Ol lain i save long kompyuta i save opim dispela Intanet na lukim ol dispela pamuk piksa na ol i ken rekotim long kaset o disk na i go prinim o soim.

Dispela em i hat tru long Sensasip Bod long holim na kalabusim ol manmeri husat i save lukluk insait long Intanet kompyuta na lukim ol pamuk piksa. Dispela em wanpela nupela rot we bai bagarapim het na tingting bilong planti tausen manmeri bilong PNG long bihain taim. Bikos ol lain i save long dispela bai rekotim na salim olsem piksa poto o soim ol vidio long ol arapela i lukim.

Dispela em ol samting ol waitman i save mekim long kantri bilong ol. Tasol mipela ol PNG i save laikim long bihainim ol pasin na stail bilong ol waitman. Olsem na dispela samting nogut i ken kisim ol yangpela bilong yumi na sosaiti bilong yumi inap kamap nogut long bihain taim.

Nau yumi harim ol yangpela manki long hai skul i haitim ol pamuk piksa insait long skul banis. Dispela i soim olsem planti pikinini long skul i bin lukim dispela piksa nogut pinis.

Tude yumi harim nius we planti lain bilong yumi i go longlong pinis na ol i wok long tanim bek na bagarapim ol pikinini meri bilong ol yet. Sampela bikman husat i holim bikpela wok bilong lukautim na was long ol pipel i bagarapim ol meri i wok aninit long ol. Kain kain pasin i kamap na i no longtaim bai het bilong planti tausen manmeri bilong PNG bai i go sting nabaut.

Dispela kantri em i Kristen kantri wantaim ol strongpela lo na kastom bilong tumbuna i stap we i tambuim yumi long noken mekim ol pasin pamuk nabaut. Dispela lo bilong yumi i mas stap strong.



## Ol meri i gat trausis bilong ol yet i stap

**Dia Edita**

Mi wanpela boi Sepik na mi laik rait long edita na sapotim pas bilong brata Yadatu Luma bilong Enga provins na mipela laik agensim pas bilong Reltub Onis bilong Sepik. Yes pren yu tok long ol meri i gat rait long werim trausis ya hau yu save long dispela.

Ol meri i tokim yu long mekim dispela stori ah? Sapos olsem ating yu mas i gat hap pat bilong ol meri olsem na yu tromoi ol dispela toktok ya. Pren sapos yu laikim olsem okei stat long nau sapos yu i gat meri nau, okei yu no ken werim trausis, yu mas werim sket na werim meri blaus na

meri bilong yu i ken werim werim trausis bilong yu na set bilong yu na larim em bai kamap man bilong yu.

Pren yu mas wanpela gelix olsem na yu wok long yusim dispela ol longlong toktok ya we em i luk stupid long ol manmeri bai lukim na sapotim. Tok pisin bilong yu em i mekim bikpela paol tumas na yu mas lusim na noken mekim moa. Yu mas save olsem ol samting ol i wokim long fektori, ol i no wokim nating nating. Ol i wokim bilong man na i narakain long ol meri. Ol meri i gat rait long werim trausis tasol i gat bilong ol yet i stap. Na i no olgeta bilong ol meri. Na yu mas save na no ken mekim

toktok nating nating long sapotim dispela tok pisin long kamap wanpela lo. Em i paul tok pisin. Dispela tok pisin em ol man i dai pinis na kirap wantaim longlong tingting na em mekim dispela tok pisin. Planti ol meri i mekim dispela pasin planti ol i painim hevi pinis. Na yu no ken sapotim ol na bai putim ol long trabel.

So em tasol mi gat long sapotim pas bilong Brata Yadatu na agensim pas bilong Reltub Onis.

**STEVE C. N. LAE MOROBE PROVINS**

## Memba bilong Not Waghi i no lukim gut ol rot

**Dia Edita**

Mi wanpela manki long Banz. Na laiklik ples

bilong mi em Kumbaning viles. Nem bilong mi em Andrew Pora. Mi

save laik long ridim *Wantok Niuspepa* long olgeta wik Fonde. Na mi gat bikpela bel hevi tru em long rot bilong mipela i bagarap i go olsem long Sipil na Kumban-nol em rot i nogut olgeta.

Mipela kam olsem long Kendu na Tupa we

rot i bagarap olgeta. Na planti sevis memba givim em long Kimel tasol na mi no komplem long ol sevis yu givim. Tasol mi laikim yu mas mekim sampela samting long stretim rot gut. Mi gat dispela wari o bel hevi long dispela rot,

Sapos yu wanpela i ridim na yu pilim i no stret long tingting bilong yu, yu welkam tasol long rait long *Wantok Niuspepa* na bai mi lukim.

**ANDREW PORA MORATA 2**

## Raitim olgeta tok long Tok Pisin long Wantok

**Dia Edita**

Mi wanpela lapun man bilong ples. Long olgeta yia i go pinis na kam inap long yia 2004 mi save amamas tru long ridim *Wantok Nius* bilong wanem em i tok ples bilong yumi PNG stret.

Na mi laik save long wanem senis i wok long kamap long kantri tasol wanpela samting mi no save amamas long yupela ol pikinini manmeri i wok long opis bilong *Wantok*, i olsem, yupela i save raitim sampela tok long Inglis o tok ples bilong ol waitman, mipela bai save long dispela tok olsem wanem?

Yupela inap tanim olgeta tok i go long Tok Pisin o nogat long olgeta bilong *Wantok Nius*, long namba wan pes bilong em yupela i save rait olsem, *Niuspepa* bilong PNG Stret tasol long insait Inglis i stap. Mi askim yupela ol pikinini manmeri inap yupela i raitim olgeta tok long tok ples bilong yu stret o nogat? Em tasol long askim bilong mi.

**GISUNG NADUP MUMENG MOROBE PROVINS**

**OL PAS**

Salim Pas i kam long **EDITA: WANTOK NIUS** P.O. Box 1982, Boroko, NCD PNG

# WANTOK

Published Weekly, Wednesday, for Word Publishing Company, Ltd.

P.O. Box 1982, Boroko, NCD

Papua New Guinea

Telephone: 325 8527 (Temporary)

Fax: Out of order

Email: [word@global.net.pg](mailto:word@global.net.pg)

Pe bilong wanpela yia  
52 niuspepa

Ples:	Air:
PNG	K140.00
AUSTRALIA	US\$67.00
ASIA PACIFIC na JAPAN	US\$480.00
AMERICA na EUROPE	US\$150.00

General Manager  
Jeremy Burgess

Editor  
Yakam Kelo

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea: Catholics 50%, Lutheran 25%, Anglican 10%, United Church 10%. The company reserve the rights to accept or reject any advertisement or other material submitted for publication which it deems contrary to the public interest at its absolute discretion. The publisher general terms acceptance are available at Word Publishing Company Ltd and are set out full on the display advertising form.

# Nogat sem long werim 6 poket trausis

**Dia Edita**

Mi wanpela manki Sandaun tasol nau mi stap long Lae siti long Morobe provins.

Na mi lukim ol yangpela meri save werim 6 poket na long jin trausis bilong mipela ol man na mi i nosave wanbel long ol i raun long pablik ples.

Long tingting bilong mi yet em i tok sapos yu werim trausis bilong mipela ol man yu mas stap tasol long haus bilong yu yet o yu laik raun long pablik em ples nogat samting.

Tasol yu mas pasim laplap o werim sket antap long trausis na yu ken raun long pablik ples.

Mi laik sapotim pas bilong brata Mangas Christopher.

Toktok bilong em long yangpela meri save werim 6 poket trausis na long jin trausis bilong mipela ol man.

Mi sapotim dispela na mi laik toktok moa long yupela ol yangpela meri long tude yupela i no save harim toktok bilong papamama na sindaun gut.

Nogat, yupela save wokabaut raun long laik bilong yupela yet. Olsem na yupela baim ol samting bilong mipela ol man olsem trausis na siot.

Mipela ol man bai werim wanem samting malo o purpur olsem bipo

ol tumbuna ino save long rit na rait o long edukesen a?

Mi askim yupela ol yangpela meri tude olsem yupela lukim pas long *Wantok Niuspepa* long yupela meri save werim 6 poket na long jin trausis na yupela ting wanem long dispela?

Yupela pilim sem o nogat? Sapos yupela pilim sem orait yupela mas lusim nau.

Mi askim yupela ol yangpela meri sapos yupela werim long jin na 6 poket trausis raun long pablik ples olsem taun, maket, strit na long taim bilong lotu bai yupela ting wanem o pilim olsem wanem.

Em i gutpela o nogut olsem mi tok tasol na yupela yet skelim long tingting bilong yupela yet na raitim pas igo long *Wantok Niuspepa*.

Mi askim sapos yupela go lotu bai yupela werim wanem samting na go long lotu? Yupela mas werim sket, laplap, meri blaus, dres na i no 6 poket na long jin. Yupela mas lusim dispela kain pasin.

So em tasol tenk yu. Sapos yu husat man o meri sapotim o agensim orait rait i kam long *Wantok Niuspepa* bilong yumi.

**WINIBE M.**

**LAE**

**MOROBE PROVINS**

# Bank i gat planti lo tumas

**Dia Edita**

Mi wanpela man bilong ples. Na mi laik soim bel hevi na wari bilong mi olsem, gavman i tok mani em i stap long ples na graun bilong yu. Mipela i harim na nau mipela i wok long ples na nau mipela i gat mani tasol, bai mipela i putim mani long wanem maner?

Long las yia 2003 rji bin kisim mani bilong mi na mi go long Lae long putim long benk tasol ol tela i tokim mi olsem, papa yu gat ID kat, o draiva laisens? Na nau long 23/02/04 mi go bek gen tasol wankain pasin gen. Na mi askim olgeta benk long Lae. Mi nogat save kat na draiving laisens. Na bai mi putim mani bilong mi we? Na ol i tok, Papa, dispela asua em i no mipela long benk, em Gavman yet i putim dispela lo.

Olsem na mi laik askim Paim Minista Michael Somare na Gavman bilong em, inap yupela opim liklik dua long mipela ol gras ruts manmeri o nogat.

I tru olsem gavman bai kisim bikpela mani i kam long maining na sampela projek na putim long benk, tasol mipela ol gras ruts tu bai kisim i kam tu long ol kopi, kopra, na vanilla na arapela tasol sapos benk i pas long mipela, ating mi inap haitim long wanem hap? Na em bai benk i sot long mani o nogat?

Mi ting sapos mipela i haitim mani long ples wanwan na provins bai benk i mas sot long mani. Olsem na gavman i mas sore long mipela gras ruts manmeri tu.

Em tasol wari na bel hevi bilong mi. Husat brata o susa i laik sapotim o agensim em bai mi amamas long lukim long *Wantok Niuspepa*.

**GISUNG NADUP**

**MUMENG**

**MOROBE PROVINS**

# Stretim ol pothol Mosbi

**Dia Edita**

Mi laik mekim liklik toktok i go long Gavman na NCD long rot bilong Mosbi.

Ol wokmanmeri long NCD i save lukluk long rot tu o n ogat?

Man, yu kam long Godens na lukim ol traipela mama bilong hul o pothol i stap na bagarapim rot na ol kar i save stap long hap.

Takis mani bilong mipela save go we? Ating i go insait long poket bilong ol dispela korapsen lida husat i save long NCD o gavman na ol i no save luksave long ol pothol long Mosbi.

Ating ol dispela lida i no save raun i go long ol ples olsem Godens o 5-mail na lukim ol yet olsem rot i bagarap tru.

Ol i save raun long mein haiwe tasol olsem friwe na go long haus bilong ol Touaguba na Paga hill bikos rot long em i orait tasol.

Plis yu yet yu kam long Godens bas stop na lukim dispela traipela mama bilong hul i stap klostu long Tan Trading na ol flets long hap.

Ating bai yu ai op na stretim rot long hap! Kamon kirap nau namekim wok!

**Les pinis**  
**Godens**



**Bas stop hevi...** Tude yu go sanap long bas stop bai yu kisim taim stret. Yu ting traipela moning long 6 kilok yu kirap long kisim eli bas tasol nogat. Olgeta manmeri i kisim wankain tingting olsem yu gat. Yupela olgeta i pas pas yet long 6 kilok i go inap 9 kilok na bai yu kisim bas. Noken tok Gerehu em kisim bikpela hevi stret.

# Maski werim trausis bilong mipela ol man

**Dia Edita**

Mi wanpela mangi Sandaun tasol nau mi stap long Lae siti long Morobe Provins. Na mi lukim ol yangpela meri save werim 6 poket na long jin trausis bilong mipela ol man na mi i no save wanbel long oltaim ol meri werim 6 poket na long jin raun long pablik ples.

Long tingting bilong mi yet em i tok sapos yu wanem trausis bilong mipela ol man yu mas stap tasol long haus bilong yu yet o yu laik raun long pablik ples nogat samting. Tasol yu mas pasim laplap o werim sket antap long trausis na yu ken raun long pablik ples.

Mi laik sapotim pas bilong brata Mangas Christopher. Toktok bilong em long yangpela meri save werim 6 poket trausis na long jin trausis bilong mipela ol man.

Na long toktok bilong em kamap long *Wantok Niuspepa* long Mun Oktoba 29, 2003, olsem noken

werim 6 poket na longjin trausis bilong mipela ol man.

Mi sapotim dispela na mi laik toktok moa long yupela ol yangpela meri long tude yupela i no save harim toktok bilong papamama na sindaun gut.

Nogat, yupela save wokabaut raun long laik bilong yupela yet. Olsem na yupela baim ol samting bilong mipela ol man olsem trausis na siot.

Mipela ol man bai werim wanem samting malo o purpur olsem bipo ol tumbuna ino save long rit na rait o long edukesen a?

Mi askim yupela ol yangpela meri tude olsem yupela lukim pas long *Wantok Niuspepa* long yupela meri save werim 6 poket na long jin trausis na yupela ting wanem long dispela?

Yupela pilim sem o nogat? Sapos yupela pilim sem orait yupela mas lusim nau. Mi askim yupela ol yangpela meri sapos yupela werim

longjin na 6 poket trausis raun long pablik ples olsem taun, maket, strit na long taim bilong lotu bai yupela ting wanem o pilim olsem wanem.

Em i gutpela o nogut olsem mi tok tasol yupela yet skelim long tingting bilong yupela yet na raitim pas igo long *Wantok Niuspepa* bilong yumi ol PNG pipel.

Mi askim sapos yupela go lotu bai yupela werim wanem samting go long lotu? Yupela mas werim sket, laplap, meri blaus, dres na ino long 6 poket na long jin trausis go long lotu.

Yupela mas lusim dispela kain pasin.

So em tasol tenk yu. Sapos yu husat man o meri sapotim o agensim orait rait i kam long *Wantok Niuspepa* bilong yumi.

**WINIBE M.**

**LAE**

**MOROBE PROVINS**

# Trefik plis mekim wok o nogut?

**Dia Edita,**

Mi wanpela meri husat i stap na wok long Mosbi siti. Mi save kisim PMV bas namba 4 na 11 long Boroko i go daun long koki, Ela Bis na i go olgeta i kamap long taun we mi save wok.

Wanpela bikpela asua bilong ol PMV bas draiva we i save hatim-bel bilong mi na olgeta arapela wok manmeri husat i save laik hariap na go long taun, em

pasin bilong ol bas draiva long stopim bas bilong ol long kain kain hap.

Mi laik askim long ol polis manmeri husat i save wok long trefik opis long 4 mail na long taun polis stesin olsem: "Yupela i save lukim ol PMV bas draiva i stopim bas long kain kain hap tu o nogat?"

Planti taim, ol PMV bas long 4-mail i save kam na stop long kain kain hap.

Long Ela Bis, ol bas i save lusim Koki, na taim ol

i kam long Mobil Ela Bis sevis stesin, ol i save stop stret long raunabaut.

Dispela em i hap bilong helpim ol kar i noken pas pas long rot, tasol ol PMV bas ken i save go na pasim rot bilong ol arapela kar.

Long taun bas stop tu, ating ai bilong ol plis man long taun plis stesin i save pas long ol PMV bas i go pasim rot olgeta long dispela hap.

Ating em i gutpela bai NCD i lukautim ol PMV bas sevis. Tasol plis tu i mas luksave long ol dispela hevi na mekim wok bilong ol.

**SITI WOKMERI**

**GODENS**

**NCD**



**Salim Pas i kam long EDITA: WANTOK NIUS P.O. Box 1982, Boroko, NCD PNG**

# Ol PMV bas i mekim wok gut o nogat?

## Planti pipel insait long Mosbi siti i autim tingting long PMV bas sevis insait long siti.




• Thomas Brow



• Ruth Lahari



• Maggie Lahari



• Fae Lavaki

**THOMAS BROW**

Tingting bilong mi olsem i gutpela long ol bas i wok long givim yumi sevis long kisim yu na mi i go long ol hap we yumi laik go long en.

Tasol nau bikpela hevi i wok long kamap we ol PMV bas i no save pinisim ol rot (rut) bilong ol na mekim na planti kros pait i save kamap namel long ol pasindia o pablik na bas draiva wantaim bos kru.

Nau taim i hat long mani na planti ol manmeri o pasindia i wok long kisim taim long baim tupela o tripela bas pei we ol PMV bas i no save pinisim rut long hap rot tasol na rausim ol pasindia.

Ol polis na trenspot opisa i mas strongim wok sait bilong ol na lukluk long dispela hevi. Long sait bilong bas pei, ol pasindia i ken baim olgeta pei sapos ol bos kru na draiva bilong pas i pinisim rut bilong ol na kisim ol pasindia i go long hap we ol i laik go long en.

Ol PMV bas i save katim hap rot bilong em olsem na bai ol i kisim olgeta bas pei long ol pasindia bihain long kain pasin ol i wok long mekim i stap nau. Mi ting olsem gavman i mas kamapim wanpela atoriti o kampani long mekim wok lukaut long ronim dispela PMV bas sevis hia insait long Mosbi siti.

**RUTH na MAGGIE LAHARI**

Mipela ting nau sevis bilong ol PMV bas insait long Mosbi i bagarap tru. Planti long dispela ol PMV bas i no seif long mipela ol pablik long kalap long ol bikos ol i no inap long ron long rot. Planti bas i save brek daun long rot tu na sampela taim wan birua i save kamap long ol. Ol bas draiva i no save tingting long laip bilong ol pasindia o pablik. Taim ol i laik draiv, man bai yu ting ol i draiv long fri-wei. Olsem ol arapela i tok pinis, planti ol PMV bas nau i no save pinisim rut bilong ol na tu mipela save lukim ol bos kru i rausim ol skul sumatin long bas bilong ol tu we mipela ting i no gutpela tumas.

Sampela taim ol draiva o bos kru i save senis long hap rot tasol na mipela save wari long lukim dispela kain pasin i stret o nogat? Ol draiva i gat laisens long draivim ol PMV bas o nogat olsem na ol i wok long senis. Mipela ting ol trenspot atoriti i mas mekim strong ol seifti inspeksen bilong ol na we ol PMV i no bihainim lo bilong rot ol i mas lokim dispela bas. Taim i hat long mani sait na ol opereta o ona bilong ol PMV bas i wok long painim hat long bekim ol dinau long benk na ol spea pat long ol mekenik woksap olsem na mipela ting em i orait sapos ol atoriti i ken

apim ol bas pei i go long K1 bilong ol bikpela manmeri na 50 toea bilong ol pikinini.

Dispela i ken mekim ol i amamas na ol i ken pinisim ol ron bilong ol. Sapos ol i no mekim wok gut wok bilong ol, rausim PMV laisens bilong ol.

Narapela samting em ol Rot Trenspot Bod i mas skelim gut ol laisens bilong ol opereta na katim i go daun liklik we em bai isi long ol long lukautim. Nau yu lukim em planti kain kain PMV bas na olsem wanem na bai yumi save olsem ol i gat laisens o nogat.

Nau planti toktok i wok long kamap long kisim ol kar i kam long Filipins na miplea ting dispela i no gutpela. Larim NCDC o Trenspot dipatmen long mekim wok painim aut long wanem rot ol i nap long stretim dispela hevi bilong PMV bas sevis hia insait long siti.

Mipela ting ol i mas traim PMV bas tiket sistem we ol pasindia o pablik i ken baim ol kain kala tiket long kalap long bas we ol i laik go long ples bilong ol. Dispela sistem i bin stap long Mosbi long bipo (1970).

**FAE LAVAKI**

Long tingting bilong mi long ol PMV bas sevis hia long Mosbi i no gutpela tumas. Planti ol PMV bas i no gutpela long ron long rot. Planti ol samting i bagarap long kar na i no gutpela long seifti bilong ol pasindia tu. Tasol ol i wok long mekim wok na ron yet long rot. Bikpela askim em olsem wanem na ol i ron yet?

Narapela samting em ol PMV bas i no save pinisim ron bilong ol we ol draiva na bos kru i save tok bikos ol pasindia i no save baim gut ol bas pei we mani mak em Trenspot Bod i makim pinis. Bas pei em i wanpela kros bilong ol opereta o ona tasol nau yumi wok long lukim olsem ol wok manmeri o pasindia i wok long baim bas pei tupela o tripela taim pastaim long ol i kamap long hap we ol i go long en. Mi laikim ol atoriti olsem Trenspot dipatmen, NCDC na polis trefik seksen i mas kamapim sampela inspeksen stesin o putim ol inspekta (wasman) long ol bas stop long mekim wok lukaut long ol PMV bas husat i no pinisim ron bilong ol. Sapos tu ol atoriti i ken makim wanpela bas pei tasol bilong ol sumatin na pikinini. Ol pasindia i ken go long dispela hap long baim tiket bihain ol i ken kalap long bas.

Na long seim taim tu ol atoriti i mas makim wanpela namel hap we ol PMV opereta i ken go bihain wantaim ol hap tiket long kisim mani bilong ol. Long pinis, mi ting nau PMV bas sevis i no gutpela na yumi mas rausim na kamapim wanpela nupela sistem we i

moa beta long mipela ol pipel long Mosbi siti.

**NICKY OCEAN**

Mi wanpela man i save kalap long pmv bas olgeta de i go long wok na go bek long haus long apinun long Gerehu. Mi ken tok stret olsem sevis bilong ol pmv bas em rabis olgeta. Ol nambis bas olsem Rolofo na arapela nambis bas em ol i orait bikos taim ol i kam stop, ol i no inap askim yu pikinini o lapun. Olgeta em pasindia tasol.

Ol hailans bas em ol bikhet bret stret long tromoi ol pasindia long Waigani na go bek long Gerehu. Gerehu i go tasol long 4 Mail na go bek tanim long Waigani na go bek long Boroko o Godens. Narakain stail bilong ol dispela hailans bas.

Mi askim olgeta wokmanmeri long ol i ken askim kampani bilong ol long salim draiva long pikim ol long moning na lusim ol long apinun bikos ol bas sevis i go nogut olgeta. Sapos yu wanpela kampani i save olsem ol wokman bilong yu i save kamap leit long wok, em yu save pinis olsem bas sevis i no gutpela.

Mi wanbel long NCDC i tekova long bas sevis. Olgeta manmeri i baim tiket tasol long NCDC bihainim amas mail ol bai ron long en. Ol bas i ken kontrak long NCDC long ranim pmv sevis insait long siti. Em nau NCDC i ken sekim sapos bas bilong yu i gutpela na ol sit i no bruk nabaut, stia i no guria nabaut na ol smok ino kamaut nabaut long bas na ol kain samting olsem. Tru tru em bas sevis long Mosbi siti em rabis olgeta. Ol hailans bas tasol i save kamapim ol sot kat aidia bilong ol.

**JOHN PINOKO**

Mi tingting olsem PMV o bas sevis insait long Mosbi siti i no gutpela tumas long wanem ol i no save pinisim gut rot Trenspot Dipatmen i givim o makim long ol.

Dispela kain pasin i mekim mipela ol pasindia i baim bas fe tupela taim sapos mipela i laik go long ol hap we i longwe tumas.

Olsem mi stap long Gerehu na sapos mi laik go long Konedobu ol bas bai kisim mi kam long 4-mail o Boroko tasol na i no long Mosbi taun we ol i sapos long go long en.

Na long taun (Mosbi) mi mas kisim narapela bas gen long go long Konedobu.

Sapos yu lukim em mi bai baim bas fea tripela taim stret we dispela i no rait long mipela ol pasindia.

Tru tumas fi bilong baim bas i stap daun bilo na ol opereta i wok long painim hat tu long lukautim ol bas bilong ol bikos prais

bilong ol pats o mekenik woksap i go antap tumas.

Tasol dispela tu i mas mekim ol opereta long lukautim gut ol bas bilong ol. Ol i mas skulim ol draiva na kru-boi long we bilong lukautim gut ol bas. Sampela taim bai yu lukim ol draiva i givim siksti we ol tu i no inap tingim laip bilong ol pasindia. Na ol tu i save saitim ol rot o kalapim ol simen baret long sait bilong bas stop na tu ol hul long rot olsem ol i no wari tumas long bas. Dispela kain pasin i save mekim ol bas i bagarap. Ol opereta i mas tokim ol draiva bilong ol long lukautim bas na tu givim sampela kain snot o yunifom long ol werim.

**JOSEPH LAHARI**

Mi ting PMV o bas sevis hia insait long Mosbi siti i nogut tru. Planti ol bas i no inap long ron long rot long wanem ol i no seif long mipela ol pasindia. Bai yu lukim bilak smok i kam aut long eksos paip we i wok long bagarapim siti. Sampela PMV i save gat birua long brek bilong ol na sit bilong ol tu i bagarap. Ol windua i bruk na tu fran glas i bruk tasol bilong wanem na ol PMV i gat seifti stika na i wok long ron yet? Bilong wanem na dispela i wok long kamap.

Sapos ol woksop husat i wok long mekim ol seifti inspeksen na ol trenspot dipatmen wantaim trefik polis i wok long mekim tru wok bilong ol bai yumi i ken lukim ol gutpela na naispela bas i mekim wok ron insait long siti. Bai i nogat kain birua i kamap we nau yumi wok long lukim na harim hia long siti. Ol atoriti bilong gavman (trenspot na polis) i mas lukluk gut long PMV bas na rausim ol bas we i no seif long ol pablik.

I no long rot blok tasol. Ol i mas raun olgeta dei long mekim wok na lukluk long ol PMV bas husat i wok long mekim ol sot kat long rot bilong ol na rausim laisens bilong ol ona o opereta.

Tru tumas, planti ol PMV opereta o ona i wok long komplem long ol prais bilong ol spea pat i go antap na bas fea o fi i stap wankain yet (50 toea) olsem na ol i no inap long stretim ol bas bilong ol na ol i kamap wantaim kain eskus long mekim sot kat o i no pinisim hap rot bilong ol.

Tasol sapos yumi lukim gut planti ol PMV bas i no save go insait long ol bikpela woksop long stretim ol bagarap samting. Bai yu lukim ol bas i sanap long sampela hap rot sait o bek sait long ol haus we ol kainkain nekenik i wok long stretim ol na mi ting dispela i no gutpela long seifti bilong ol pasindia o pablik.



# Pamuk pasin bai i go het

## Bangkok, Thailan:

Gavman bilong Thailan i no inap karimaut plen bilong en long stopim pasin bilong mekim pasin pamuk long kisim mani long hap, ol opisal i tok. Gavman i tok orait long ol nupela lo we bai larim ol bipo hap bilong dring bia na danis long wok yet long ol taim ol i save wok long en, tasol i givim ol strongpela lo moa i go long ol nupela hap.

Gavman i tok olsem sampela bilong ol dispela hap bilong dring bia na danis bai mekim bisnis inap long 7-pela awa long wanpela de, na sampela ol arapela bai mekim bisnis inap long 3-pela i go long 6-pela awa long wanpela de tasol.

Las wik Deputi Interia Minista, Pracha Maleenont, i tok olsem long Epril 1, dispela long bai kamap stret na ol manmeri i mas bihainim.

Pasin bilong mekim pasin pamuk long kisim mani i bikpela tru long Thailan, na planti taim ol dispela pasin i save stat o kamap insait long ol dispela hap bilong dring bia na danis.

Gavman i bin gat tingting long stopim dispela pasin olgeta, tasol bihain i skelim olsem dispela bai kamapim sampela hevi tu.

Olsem na gavman i kamapim ol dispela lo, we bai i no inap stopim olgeta, tasol helpim long daunim dispela pasin.

# 130,000 kakaruk i dai



## Kyoto, Japan:

OL ATORITI bilong wanpela provins long Japan i bin givim oda long wanpela hap bilong groim kakaruk long kilim 130,000 bilong ol dispela pisin bihain ol i painimaut olsem ol dispela kakaruk i bin gat sik bilong pisin ol i kolim bird flu.

Wanpela opisa long provins bilong Kyoto i tok ol i wok long toktok wantaim Ministri bilong Agrikalsa long painimaut wanem we stret ol i bai planim ol dispela kakaruk long stopim dispela sik long kalap i go long ol narapela pisin ol manmeri. Long poto ol opisal i karim ol kakarak i go long kilim.

# Kalt lida i mas dai

## Tokyo, Japan:


KOT i givim oda pinis bilong det penelti long bipo kalt lida bilong Japan, Shoko Asahara.

Det penelti em i we bilong ol jastis sistem long ol kantri long kilim ol manmeri husat i mekim ol bikpela rong we i brukim lo. Det penelti i stap anit long lo.

Kot i bin givim det penelti long Asahara, long wanem long 1995, em i bin plenim wanpela birua we i bin kamap long Tokyo long wanpela tren stesen, we ol lain husat i save bihainim em i yusim wanpela poisen ges long bagarapim ol manmeri husat i bin stap long hap long dispela taim.

Dispela birua i bin kilim 12-pela manmeri na bagarapim planti tausen moa.

Asahara i bin kamapim wankain birua long 1994 long Matsumoto siti na i bin plenim tu dai bilong wanpela top loya long Japan, Tsutsumi Sakamoto na famili bilong em.



# Pakistan kilim 11-pela ...Bilip ol i ol teroris

## Wana, Pakistan:

OL AMI bilong Pakistan i bin sut wantaim gan na kilim 11-pela pipel ol i bin ting i bin ol paitman bilong Islam long wanpela rijen we ol fos i wok long painim Osama bin Laden, ol opisal i tok.

Dispela i bin kamap bihain long sampela soldia bilong ami bilong Pakistan husat i wok long painim sampela paitman bilong Osama bin Laden i bin bungim sampela paitman husat i bin sut wantaim gan long ol.

Ol i sut i go bek na kilim 11-pela bilong ol.

# UK laik bihainim 'Pasifik Solusen'

## London:

PRAIM Minista bilong Briten, Tony Blair, i wok long tingting long bihainim we bilong Australia long stopim na sekim ol asailem sika bipo long ol i kam long kantri.

Ol asailem sika em ol lain husat i ronawe long hevi olsem woa long kantri bilong ol yet na i laik i go insait long narapela kantri.

Tasol ol i no save kisim tok orait long ol dispela kantri ol i laik i go long en, na ol dispela kantri i mas stopim ol na sekim ol pastaim long painimaut sapos tru tru ol i ronawe long hevi ol i giaman long kam stap long narapela kantri tasol.

Australia i save stopim ol dispela kain lain na salim ol i kam hia long Manus provins long PNG, long sekim ol, bipo ol i tok orait long ol i go long Australia o narapela kantri, o salim ol i go bek long kantri bilong ol yet. Dispela ol i bin kolim Pasifik Solusen.



# Redi long pilai:

## Sydney, Australia:

TOP ragbi lig pilaia long Nesenel Ragbi Lig (NRL) bilong Sydney Roosters, Justin Hodges, i redi long pilai gut dispela sisen bihain long em i bin bagarapim skru bilong em las yia na i no bin pilai planti gem.

# Mipela i no holim pasim Osama bin Laden

## Washington, Yunited Stets ov Amerika:

AMI bilong Yunited Stets ov Amerika (U.S.A) i bin tok olsem em i no bin kisim wanpela toksave long wanpela ripot i kam long Iran olsem ol U.S soldia i bin holim pasim teroris lida, Osama bin Laden long Iran.

"Mi nogat wanpela ripot olsem mipela i bin holim pasim Osama bin Laden," wanpela mausman bilong ami long, Meja David Farlow, i bin tok long Tampa, Florida.

"Mi nogat wanpela samting long dispela," em i bin tok.

Wanpela ripot we i bin kam long wanpela radio stesen long Iran i bin tok long tupela wik i go pinis olsem ol U.S ami i bin holim pasim Osama bin Laden long sampela taim i go pinis tasol i no bin haitim long ol yet.

Radio stesen i bin ripot olsem ol U.S opisal i wok long haitim dispela nius bilong holim pasim bilong bin Laden na i laik autim bihain klostu long taim bilong ri-ileksen bilong U.S long Novemba, long mekim ol manmeri i amamas long Presiden bilong U.S, George W Bush, na helpim em long win gen.

Tasol ol opisa long U.S i tok dispela i no tru.



## PABLIK NOTIS

# NCDC LITTER LAW 1999

NCDC Litter Law 1999 em i tok ol ples insait long siti bilong yumi i mas klin na i tok klia long wanem samting ol manmeri insait long siti i mas mekim bai Pot Mosbi i klin.

Litter Law em i karamapim tromoi pipia na i tok klia olsem salim ol samting long pablik ples insait long siti em i tambu na i brukim lo.

**NCDC LITTER LAW 1999** i tok em i tambu long ol manmeri long salim kaikai na ol arapela samting long ol pablik ples.

### OL PABLIK PLES em:

Ol strit, rot lein, trafic o rot risev  
 Ol Pak o ples bus insait long siti, ol gaden o arapela hap bilong pablik long raun long en  
 Ol nambis, nambis aninit long wara, ples klostu long wara, baret, rot bilong wara, raun wara we ol man i mekim o i kamap long graun em yet.  
 Olgeta hap i stap long ples klia we pablik inap go raun long en  
 Ol wof o bris bilong sip.

Ol mobail dring selsman husat i holim laisens long salim dring raun long siti **TASOL** inap long salim tasol ol i mas salim **OL DRING TASOL**.

Pipel husat i salim samting long ples **AUSAIT LONG MAKET** inap kisim **MEKIMSAVE** o fain namel long **K20.00 – K100.00**

**TROMOI PIPIA NABAUT O LITTERING** em i karamapim spet bilong buai we em i tambu aninit long lo na husat manmeri i spet inap kisim fain.

NCDC i laik tok klia olsem ol **AUTHORISED** manmeri tasol olsem Plis, wantaim wanpela pepa i karim tok orait bilong Siti Menesa na ol NCDC Helt Inspekta **INAP** long kisim ol spot fain mani na wanpela Opisel Risit i mas go bek long husat manmeri peim dispela fain.

Ol pipel husat i no laik baim dispela fain i nap long kisim kros bilong em i go long kot, tasol sapos kot i sasim ol, ol i mas baim ol bikpela hap fain gen.

Bipo i nogat gutpela administresin na **NCDC** i no save strongim ol Street Vending na Litter Laws bilong em na planti manmeri insait long siti i brukim ol dispela lo i stap. Ol dispela hap wok bilong ol em i egensim lo.

Mipela singaut long olgeta manmeri husat i stap insait long siti na ol lain ausait i kam insait long siti long wok bung wantaim mipela long bihainim ol lo na siti bai i klin na gutpela hap bilong stap.

**MICHAEL MALABAG**  
**CHAIRMAN - NCDC BOARD**

*Helpim long Pot Mosbi i mas stap klin, seif na nais tru!*

# Wari bilong setelmen man long Madang

Michael Novingu i raitim

LONG namba 15 de bilong mun Desemba ol polis wantaim Madang atoriti i kam insait long Wagol Sodas setelmen na kukim ol haus, katim buai, kokonas na kilim ol pik bilong mi. Mi sanap lukluk na krai tasol bai mi mekim wanem? Mi nogat arapela hap bai mi go stap.

Dispela em stori bilong Barnabas Pomo we Madang atoriti na raiot skwat polis long Goroka i bin rausim em wantaim lain bilong em long Wagol Sodas setelmen long Desemba las yia.

Mista Pomo i stori wantaim *Wantok Niuspepa* long ol rot em i bin bihainim na kamap long Madang na stap inap dispela yia we hevi i bungim em.

Taim mi stap liklik manki kris-mas bilong mi olsem 12, mi lusim asples bilong mi long Pampam viles insait long Angoram distrik long Is Sepik provins. Long yia 1969 mi wantaim sampela manki mipela i katim banana na wokim kanu na brukim Sepik wara i kam kamap long Watam na kisim PMV i kam long Bogia na i kam olgeta long Madang taun.

***Mi no stap nating. Mi bin helpim Madang gavman na wok long CDW (Commonwealth Department of Works) we mipela i save wokim ol rot insait long Madang taun eria o long Madang Lae na ol arapela wok long kirapim dispela taun bilong Madang.***

Mipela i kam kamap na i go i stap long Ulufun ailan nau ol i kolim Kerosin ailan wantaim ol sampela lain bilong mipela we dispela ailan ol asles em ol Bilia yet i givim long mipela long sindaun. Nau dispela ailan ol lain Ali ailan bilong Wes Sepik provins i sindaun. Mipela i stap

pulapim wantaim ol ston na graun na ples i kamap gut. Bi-hain long dispela taim ples i luk gut na ol kainkain manmeri bilong ol asples Madang, Sepik na Hailans i kam sindaun long Wagol Sodas setelmen.

Mi no stap nating. Mi bin helpim Madang gavman na wok

long dispela hap na sindaun bilong mipela i no gutpela tumas. Mipela i muv i kam sindaun long Wagol. Dispela selemen nau ol i kolim Wagol Sodas i no gutpela hap bikos ples i pulap long mangro diwai na ples i pulap long tais na natat i bagarap tru mipela. Mi wantaim ol lain bilong mi i hat wok tru long klinim ples na

long CDW (Commonwealth Department of Works) we mipela i save wokim ol rot insait long Madang taun eria o long Madang Lae na ol arapela wok long kirapim dispela taun bilong Madang. Taim PNG i kisim independens, PNG gavman i senisim nem i go long Works Department em mi bin wok na helpim long mekim dispela taun bilong Madang i kamap i stap nau.

Antap long dispela mi wantaim ol lain bilong mi i no stap nating. Mipela i helpim ol Madang pipel long wanem kain ol wok na ol samting olsem Mabarosa So, bikpela de olsem independens na ol arapela samting i kamap long provins mipela i stap insait tu long mekim dispela i kamap gut.

Mi marit na mi gat 5-pela pikinini na ol pikinini bilong mi i gat ol pikinin na mipela i gat trupela lain tumbuna nau. Ol pikinini bilong mi i no save long ples bilong mi. Ol i no save long ol bus na graun bilong mi stap we.

Mista Barnabas i tok i hat long mi na ol pikinini bilong mi i


go bek long asples bilong mipela bikos ol i kamap olsem Madang pinis.

Mista Pomo i tok nau yet em i wok olsem viles kot mejistret na lida long wod 9 eria we posesen 50 i stap insait long en. Dispela wok mi wokim em mi helpim long bringim lo na oda insait long komyuniti bilong mi. Antap long dispela kaunsela bilong wod 9 John Bunbun i mekim wok redi pinis wantaim Madang taun atoriti long givim mipela liklik wok long klinim taun na ol eria we wod 9 i karamapim. Em bikpela wok mi na ol lain bilong mi i mekim long helpim Madang gavman. Tasol Madang gavman i no lukave long ol dispela samting mipela i mekim long developim provins taim em i kamapim dispela wok bilong rausim mipela ol setelmen lain.

Mi sapotim dispela eviksen eksesais o wok bilong rausim ol manmeri long ol setelmen we Madang taun atoriti i bin rausim mipela pinis long sindaun nating long graun bilong gavman.

Long bringim wok bisnis i kam insait long provins na developim bai Madang gavman i no inap long mekim em long mun Septemba 2003 bikos kot i givim oda long Madang gavman na setelmen atoriti long wok bung wantaim na skelim olgeta setelmen lain husat i trupela manmeri na husat i no trupela lain. Ol dispela i no trupela setelmen lain ol i mas lusim hap ol i stap long en na go bek long asples bilong ol. Na ol lain i trupela lain Madang gavman bai painim wanpela hap graun na givim long ol i ken go sindaun long en. Madang gavman i asua long dispela na i no bihainim kot oda. Ating bihain bikpela toktok bai kamap.

Mi i no amamas tru long we Madang atoriti na polis i karim aut dispela evikesen eksesais. I no luk olsem evikesen. Em i luk olsem mipela i birua bilong ol na ol i karim sotgan, akis, naip i kam na katim ol buai, kokonas, banana na kukim ol haus. Mipela i pikinini bilong man tu ya. Mipela i gat rait na fridom long stap long dispela provins.



**Barnabas Pomo i bin stap long Wagol Setelmen taim em i liklik manki yet inap nau em i lapun. Aspels bilong em em long Pampam ples, Angoram long Is Sepik provins.**

## Asples amamas long rausim ol setelmen

MOA long 1000 manmeri insait long Madang distrik i bin kam bung na holim wanpela bikpela kaikai o *maror* long tok ples Madang i min olsem tenkyu long pasin tumbuna long ol polis long Madang na Goroka long harim krai bilong ol na wokim gutpela wok long rausim ol setelmen long Desemba las yia.

Dispela *maror* o tok tenkyu bung long Madang i kamap long Bilbil viles ausait tasol long Madang taun. Dispela bung i bringim ol komyuniti lida bilong ol arapela komyuniti insait long Madang distrik olsem Bel, Amele, Bugati, Trensgogol, Kamba, Kaur, Mis na Banub i kam bung. Ol lida bilong ol arapela distrik olsem Bogia, Raikos, Usino Bundi, Midel Ramu na Karkar i no bin stap long dispela bung.

Lida bilong Amele komyuniti Sohn Gossiba i tok ol lida bilong Madang distrik long dispela bung olsem mipela ol pipel bilong Madang i laik tok tenkyu tru i go long yupela ol polis long mekim bikpela wok insait long taun bilong mipela long Madang. Wari na krai bilong mipela em yupela i harim na mi i amamas na tok tenkyu gen.

Mipela laikim evikesen (rausim ol manmeri long setelmen) i mas i go het inap olgeta setelmen lain i mas go bek long asples bilong ol.

Mipela i no laik long ol sampela politiks o memba bilong palamen i laik traim long stopim dispela eviksen. Mipela ol asples i bin pilim na kisim bikpela bagarap pinis long han bilong ol setelmen lain planti taim pinis. Mipela olgeta lida i bungim maus na tok sapot long dispela eviksen i mas go het, maski i nogat mani. Polis i mas karim aut inap olgeta setelmen i go bek long

***Kain pasin bai bungim polis na ol komyuniti long wok bung wantaim long traim na daunim ol kain pasin nogut bilong lo na oda hevi i laik kamap long bagarapim gutpela sindaun bilong ol komyuniti.***

aples bilong ol.

Long wankain taim tu wanpela kendidet we i bin lus long las ileksen Mista Samuel Alo i makim Bel komyuniti na i singaut i go long gavman long putim wanpela polis rait skwat long Madang long wanem moa bisnis olsem Ramu Nikel projek na ol arapela bisnis bai i kamaap na dispela bai bringim moa pipel i kam long provins na dispela bai i ken kamapim moa hevi tru insait long ol wanwan komyuni bilong mipela.

Madang polis stesin komanda Mista Jimmy Namora long makim maus bilong ol polis manmeri long Madang na rait skwat bilong Goroka i tok tenkyu long ol pipel bilong ples na sapot bilong ol long taim bilong eviksen.

Em i tok dispela kain pasin yupela ol komyuniti i bung na mekim em i namba wan taim bilong polis insait long Papua Niugini.

Kain pasin bai bungim polis na ol komyuniti long wok bung wantaim long traim na daunim ol kain pasin nogut bilong lo na oda hevi i laik kamap long bagarapim gutpela sindaun bilong ol komyuniti.

Mista Namora i go het na tok tenkyu long ol lain i go pas long dispela bung na tu em i tok tenkyu long ol polis manmeri bilong em long Madang na rait skwat bilong Goroka long wokim gutpela wok long taim bilong eviksen eksesais.



**Dispela em Barnabas Pomo wantaim 5-pela pikinini bilong em na ol tumbuna bilong em bihain long ol plis i go brukim haus na ol samting bilong ol long Wagol setelmen.**

# Lainim stretpela rot bilong lukim piksa

Neville Choi i raitim

TAIM yu save go kism ol vidio kaset o vidio komplek dis (VCD) long lukim piksa, yu save ritim gut ol toktok long karamap bilong ol tu o nogat?

Tude planti manmeri i save lukim piksa moa long ol manmeri bilong bipo. Namba wan as bilong dispela em bikos nau i gat planti samting olsem ol masin bilong pilaim ol muvi piksa long en i stap insait long kantri, na prais bilong em i no moa dia tumas long ol manmeri long baim.

Tasol ating planti manmeri i no save long wanem rot ol dispela piksa i save kam insait long kantri na husat tru i save skelim wan wan piksa pastaim long ol i lusim ol vidio stua i kism na salim long publik.

Husat tru i save mekim dispela wok long kism potnait pei long sindaun na lukim piksa? I gat ol man i stap.

Ol dispela lain em ol opisa i wok long sensasip bod (Censorship Board).

Ol dispela opisa em ol lain husat i save skelim wan wan long olgeta piksa i save kam insait long kantri.

Wok bilong ol em long skelim na rausim ol samting insait long piksa we ol i pilim olsem i no gutpela long ol pipel bilong kantri long lukim.

Ol dispela samting i karamapim ol bikpela pait nogut we piksa i soim ol manmeri i kism bikpela bagarap nogut tru, ol piksa we i soim pasin pamuk long ples klia, na piksa i soim ol manmeri i yusim ol kain samting olsem spak brus na ol arapela strongpela drak.

Sapos ol opisa bilong Sensasip Bod i lukim piksa na dispela piksa i soim ol dispela kain samting we ol i ting em bai inap long bagarapim tingting na sindaun bilong ol manmeri husat bai i lukim, ol bai i



• Planti manmeri tude i save laik lukim piksa long ol dispela kain VCD, tasol planti i no save long ol reteng long ol piksa. Reteng i stap long tok klia long wanem kain lain inap long lukim wanem kain piksa.

no inap long lusim ol bisnis i salim dispela piksa.

Deputi Sief Sensa Steven Mala, husat i save lukautim opis bilong Sensasip Bod insait long Pot Mosbi, i tok olsem i tude, planti manmeri tru i save lukim piksa long vidio kaset, VCD na DVD. Tasol planti long ol i no klia long ol reteng o klasifikesen long ol wan wan piksa.

"Nau yet insait long Papua Niugini mipela i gat fopela kain reteng mipela i save givim long wan wan piksa i kam insait long kantri. Ol dispela reteng em bilong toksave long ol manmeri husat i laik lukim dispela piksa wanem kain samting i stap insait long piksa ya," Mista Mala i tok.

Em i tok klia olsem ol dispela reteng em:

**G**, o General Viewing – dispela em ol piksa we i nogat samting nogut insait long en na piksa we olgeta lain long famili inap long lukim;

**PG, PGR** o Parental Guidance Recommended – dispela reteng em i stap long ol

piksa we ol pikinini aninit long 18 krismas inap long long wantaim sampela helpim i kam long ol papamama o bikpela manmeri;

**M**, o Mature Audiences only – dispela em bilong ol manmeri we krismas bilong ol em i 18 na antap na i no bilong ol yangpela pikinini long lukim; na

**R**, o Restricted viewing – dispela em i stap long ol piksa we i gat planti pait, blut i kapsait na tok nogut i stap long en. Sapos piksa i gat dispela reteng long en, em bilong ol bikpela manmeri tasol long lukim.

Mista Mala i tok olsem olgeta piksa we i kam insait long kantri i save go long Sensasip Bod long skelim pastaim long em i go long ol stua na publik i baim.

Em i tok taim ol i kism ol dispela nupela piksa, ol i save skelim na makim ol dispela reteng long en. Wan wan piksa i mas i gat ol dispela reteng long karamap bilong em.

"Taim mipela i glasim pinis ol piksa mipela i save makim ol wantaim ol reteng na ol bisnis we ol i kism ol piksa i kam insait bilong salim long publik i mas putim ol dispela reteng long ol

karamap bilong ol piksa pastaim ol i putim ol piksa long stua. Mipela i save go raun raun long ol stua long sekim olsem ol i mekim dispela. Sapos mipela i painim olsem ol piksa i sindaun insait long stua na i nogat ol dispela reteng long en, mipela i save rausim na holim i stap inap ol bisnis yet i baim ol dispela lebol na putim long ol karamap o kava bilong ol vidio kaset, VCD o DVD," Mala i tok.

Em i tok tu olsem sampela taim, ol piksa i no save gat ol dispela reteng lebol long en i save stap long stua bikos ol papa bilong stua i no save putim bihain long ol i kism long Sensasip Bod.

"Planti taim ol stua ona i save les long putim ol dispela lebol. Tasol taim ol i kism ol masta kopi bilong ol dispela piksa i kam, mipela i save putim lebol long en. Sapos ol i no putim ol dispela lebol long olgeta piksa, mipela i save go na rausim long stua bilong ol," em i tok.


Olsem na taim yu save lukim piksa long TV, bai yu lukim ol dispela reteng o klasifikesen i kamap long TV bilong yu. Dispela em bilong tokim yu long wanem kain samting i stap insait long dispela piksa, na wanem ol lain inap long lukim.

EMTV GAID	
<b>Fonde 11/03/04</b>	
5.30 JOYCE MEYER MINISTRY	6.00 NATIONAL EMTV NEWS
6.00 TODAY SHOW	6.30 SEVENTH HEAVEN
9.00 CREFFLO DOLLAR	7.30 SIXTY MINUTES
9.30 DR PHIL	8.30 SUNDAY NIGHT MOVIE: RULES OF ENGAGEMENT
10.30 DEPARTMENT OF EDUCATIONAL CLASSROOM BROADCAST	10.22 CHIT CHAT
1.30 EMTV CLASSIFIEDS	10.27 EMTV TOKSAVE
2.30 HERE'S HUMPHREY	10.30 NEWS REPLAY
3.00 HI-5	11.00 CHURCHES MAGAZINE
3.30 JUSTICE LEAGUE	11.30 PRAISE
4.00 THESLEEP OVER CLUB	12.30 EMTV CLASSIFIEDS
4.30 PICK YOUR FACE	
4.57 EMTV TOKSAVE	
5.00 BURGO'S CATCH PHRASE	
5.29 NEWS BREAK	
5.30 THE PRICE IS RIGHT	
6.00 EMTV NEWS	
6.30 A CURRENT AFFAIR	
6.57 TOK PISIN NEWS UPDATE	
6.59 LOTTO DRAW	
7.00 CHM SUPERSOUND	
7.57 EMTV TOKSAVE	
8.00 SPORT SCENE	
9.30 THE FOOTY SHOW	
11.00 AFL FOOTY SHOW	
1.30 NIGHTLINE	
2.00 EMTV NEWS REPLAY	
2.30 EMTV CLASSIFIEDS	
<b>Mande 15/03/04</b>	
5.30 JOYCE MEYER MINISTRY	6.00 TODAY SHOW
6.00 TODAY SHOW	9.00 CREFFLO DOLLAR
9.00 CREFFLO DOLLAR	9.30 DR PHIL
9.30 DR PHIL	10.30 DEPARTMENT OF EDUCATIONAL CLASSROOM BROADCAST
10.30 DEPARTMENT OF EDUCATIONAL CLASSROOM BROADCAST	1.30 EMTV CLASSIFIEDS
1.30 EMTV CLASSIFIEDS	2.30 HERE'S HUMPHREY
2.30 HERE'S HUMPHREY	3.00 HI-5
3.00 HI-5	3.30 COURAGE THE COWARDLY DOG
3.30 COURAGE THE COWARDLY DOG	4.00 SNOBS
4.00 SNOBS	4.30 PICK YOUR FACE
4.30 PICK YOUR FACE	4.57 EMTV TOKSAVE
4.57 EMTV TOKSAVE	5.00 FRESH PRINCE OF BEL AIR
5.00 FRESH PRINCE OF BEL AIR	5.29 NEWS BREAK
5.29 NEWS BREAK	5.30 THE PRICE IS RIGHT
5.30 THE PRICE IS RIGHT	6.00 NATIONAL EMTV NEWS
6.00 NATIONAL EMTV NEWS	6.30 A CURRENT AFFAIR
6.30 A CURRENT AFFAIR	6.59 TOK PISIN NEWS UPDATE
6.59 TOK PISIN NEWS UPDATE	7.00 LOTTO DRAW
7.00 LOTTO DRAW	7.01 PRAISE
7.01 PRAISE	8.00 INSAIT PNG
8.00 INSAIT PNG	8.30 WHO WANTS TO BE A MILLIONAIRE
8.30 WHO WANTS TO BE A MILLIONAIRE	9.27 EMTV TOKSAVE
9.27 EMTV TOKSAVE	9.30 JAG
9.30 JAG	10.30 NIGHTLINE
10.30 NIGHTLINE	11.00 CHM SUPERSOUND
11.00 CHM SUPERSOUND	12.00 EMTV NEWS REPLAY
12.00 EMTV NEWS REPLAY	12.30 EMTV CLASSIFIEDS
<b>Tunde 16/03/04</b>	
5.30 JOYCE MEYER MINISTRY	6.00 TODAY SHOW
6.00 TODAY SHOW	9.00 CREFFLO DOLLAR
9.00 CREFFLO DOLLAR	9.30 DR PHIL
9.30 DR PHIL	10.30 DEPARTMENT OF EDUCATIONAL CLASSROOM BROADCAST
10.30 DEPARTMENT OF EDUCATIONAL CLASSROOM BROADCAST	1.30 EMTV CLASSIFIEDS
1.30 EMTV CLASSIFIEDS	2.30 HERE'S HUMPHREY
2.30 HERE'S HUMPHREY	3.00 HI-5
3.00 HI-5	3.30 COURAGE THE COWARDLY DOG
3.30 COURAGE THE COWARDLY DOG	4.00 SNOBS
4.00 SNOBS	4.30 PICK YOUR FACE
4.30 PICK YOUR FACE	4.57 EMTV TOKSAVE
4.57 EMTV TOKSAVE	5.00 FRESH PRINCE OF BEL AIR
5.00 FRESH PRINCE OF BEL AIR	5.29 NEWS BREAK
5.29 NEWS BREAK	5.30 THE PRICE IS RIGHT
5.30 THE PRICE IS RIGHT	6.00 NATIONAL EMTV NEWS
6.00 NATIONAL EMTV NEWS	6.30 A CURRENT AFFAIR
6.30 A CURRENT AFFAIR	6.57 TOK PISIN NEWS UPDATE
6.57 TOK PISIN NEWS UPDATE	6.59 LOTTO DRAW
6.59 LOTTO DRAW	7.00 HAUS & HOME
7.00 HAUS & HOME	8.00 REPORT
8.00 REPORT	8.27 EMTV TOKSAVE
8.27 EMTV TOKSAVE	8.30 SURVIVOR: All Stars
8.30 SURVIVOR: All Stars	9.30 STINGERS
9.30 STINGERS	10.30 THIRD WATCH
10.30 THIRD WATCH	11.30 NIGHTLINE
11.30 NIGHTLINE	12.00 EMTV NEWS REPLAY
12.00 EMTV NEWS REPLAY	12.30 EMTV CLASSIFIEDS
<b>Sarare 06/03/04</b>	
7.00 BARNEY	7.30 AROUND THE WORLD IN 80 DAYS
8.00 PLANET FANTA	9.30 SO FRESH
11.00 GOOD SPORTS	11.30 CHALLENGER
12.00 MOVIE MATINEE: PLEASE DON'T EAT THE DAISIES	2.00 THE PACIFIC WAY
3.00 XTREME SPORT	5.00 ESCAPE WITH ET
5.30 FISHING NORTH AUSTRALIA	6.00 NATIONAL EMTV NEWS
6.30 AUSTRALIA FUNNIEST HOME VIDEO SHOW	7.30 NCDC NEWS
8.00 SOUTH PACIFIC MUSIC	8.57 EMTV TOKSAVE
9.00 XENA: WARRIOR PRINCESS	10.00 HERCULES
10.00 HERCULES	11.00 BABYLON 5
11.00 BABYLON 5	12.00 NEWS REPLAY
12.30 EMTV CLASSIFIED	
<b>Sande 14/03/04</b>	
6.20 CHITCHAT	6.27 EMTV TOKSAVE
6.30 POSTCARD	7.00 THE TEACHING MINISTRY OF CHARLES STANLEY
7.30 IT IS WRITTEN	8.00 BUSINESS SUNDAY
9.00 SUNDAY	11.00 SIGNS OF THE TIMES
12.00 BOOTS 'N' ALL	12.30 THE BIG FISH
1.00 TBA	2.00 SUNDAY AFTERNOON MOVIE: HOLLYWOOD OR BUST
4.00 SUNDAY FOOTBALL	
5.30 JOYCE MEYER MINISTRY	6.00 TODAY SHOW
6.00 TODAY SHOW	9.00 CREFFLO DOLLAR
9.00 CREFFLO DOLLAR	9.30 DR PHIL
9.30 DR PHIL	10.30 DEPARTMENT OF EDUCATIONAL CLASSROOM BROADCAST
10.30 DEPARTMENT OF EDUCATIONAL CLASSROOM BROADCAST	1.30 EMTV CLASSIFIEDS
1.30 EMTV CLASSIFIEDS	2.30 HERE'S HUMPHREY
2.30 HERE'S HUMPHREY	3.00 HI-5
3.00 HI-5	3.30 ED EDD 'N' EDDY
3.30 ED EDD 'N' EDDY	4.00 SNOBS
4.00 SNOBS	4.30 PICK YOUR FACE
4.30 PICK YOUR FACE	4.57 EMTV TOKSAVE
4.57 EMTV TOKSAVE	5.00 FRESH PRINCE OF BEL AIR
5.00 FRESH PRINCE OF BEL AIR	5.29 NEWS BREAK
5.29 NEWS BREAK	5.30 THE PRICE IS RIGHT
5.30 THE PRICE IS RIGHT	6.00 NATIONAL EMTV NEWS
6.00 NATIONAL EMTV NEWS	6.30 A CURRENT AFFAIR
6.30 A CURRENT AFFAIR	6.59 TOK PISIN NEWS UPDATE
6.59 TOK PISIN NEWS UPDATE	7.00 LOTTO DRAW
7.00 LOTTO DRAW	7.01 THIS IS YOUR LIFE
7.01 THIS IS YOUR LIFE	7.30 MCLEOD'S DAUGHTERS
7.30 MCLEOD'S DAUGHTERS	8.27 EMTV TOKSAVE
8.27 EMTV TOKSAVE	8.30 WEDNESDAY NIGHT MOVIE: BOYS & GIRLS
8.30 WEDNESDAY NIGHT MOVIE: BOYS & GIRLS	10.30 NIGHTLINE
10.30 NIGHTLINE	11.00 SOUTH PACIFIC MUSIC
11.00 SOUTH PACIFIC MUSIC	12.00 EMTV NEWS REPLAY
12.00 EMTV NEWS REPLAY	12.30 EMTV CLASSIFIEDS

## Sande Nait Muvi: Rules of Engagement

SAPOS yu wanpela man o meri husat i save laik lukim piksa bilong ol ami long Amerika, bai yu laikim stret dispela piksa.

Piksa ya em long wanpela soldia long Yunaited Stets Marins, ol strongpela pait man bilong Amerika. Kenol Terry Childers (Samuel L. Jackson) em nem bilong dispela soldia husat bai i sanap long kot bilong ol ami bihain long em i givim oda long sut wantaim gan i go long ol manmeri bilong wanpela developping



kantri. Jackson em i ekt olsem Childers, wanpela ami opisa husat i bin pait long Vietnam, Beirut na Deset Stom. Em i bin go pas long kism wanpela wan wok bilong em, tasol operesin i no ron


**Samuel L. Jackson em i ekt olsem Kenol Terry Childers. Em i wanpela hap man long woa, tasol nau em i sanap long kot bilong ami.**

stret na bikpela pait i bruk. Nau em i sanap long kot na em i askim long wanpela arapela Marins opisa long makim em long kot. Em Marine Kenol Hays Hodges (Tommy Lee Jones) bikos Childers i bin sevim laip bilong em tripela taim long pait long Vietnam.

## NATIONAL WEEKLY HIT PARADE

Twisties i sponsa Sarare, Mas 6, 2004

Singsing	Musik Atis	Las Wik	Dispela Wik
Tsomi Alia	Niu Age Band	1	1
A Bul Tairos	Patti Potts Doi	2	2
Pes Nogut	Med Wagj	7	3
Hanua Maurina	O-Shen	11	4
Gutsoni	Niu Age Band	4	5
Ples Wau	Patti Potts Doi	7	6
Mama	X-Anats	9	7
Buimo Road	Camp 7	12	8
Kange Kantri	Eskimo Band	13	9
Nasa	D2 Band	14	10
Hagen Meri	Spectators	10	11
Pita Pidik	Jnr Insects	6	12
E Tamage	Niu Age Band	5	13
Raitman	Niu Age Band	17	14
JB Borondi	Jimmy Blue Mt Rangers	8	15
Larem Mi	Slumz Of Simbu	15	16
704 (A Loklok NCR)	Jnr Insects	18	17
Mekeo Reggae	Camp 7	19	18
Cruising	Sav-X	16	19
Galala Kese Sara	Vanessa Quai	20	20



- Nem :** Zilbah Waratega  
**Krismas:** 17  
**Adres:** Yarapos Secondary, PO Box 580, Wewak, East Sepik Province  
**Save laikim:** Pilai netbol, go waswas, tok pilai, go long lotu na wokim pren.
- Nem:** Lydia Maim  
**Krismas:** 18  
**Adres:** Mercy Secondary School Yarapos, PO Box 580, Wewak, East Sepik Province  
**Save laikim:** Wokim penpren, stori wantaim ol pren, pilai ol spot, harim lotu musik, go long lotu, ridim buk, waswas long solwara na raitim leta i go kam long ol pren.
- Nem:** Sarah Mansipai  
**Krismas:** 19  
**Adres:** Mercy Secondary School Yarapos, PO Box 580, Wewak, East Sepik Province  
**Save laikim:** Pilai ol spot, ridim buk, raun wantaim ol pren na stori nambaut.
- Nem:** Fidelman Kusso  
**Krismas:** 17  
**Adres:** Mercy Secondary School Yarapos, PO Box 580, Wewak, East Sepik Province  
**Save:** Lukim muvi, harim ol pop na lotu musik, pilai spot, kaikai buai na tok pilai wantaim ol pren.
- Nem:** Marchella Kambu  
**Krismas:** 19  
**Adres:** Mercy Secondary School Yarapos, PO Box 580, Wewak, East Sepik Province  
**Save laikim:** Harim musik, mekim fani, go long danis na slip.
- Nem:** Angela Huaibandi  
**Krismas:** 17  
**Adres:** Mercy Secondary School Yarapos, PO Box 580, Wewak, East Sepik Province  
**Save laikim:** Go lotu, mekim pren na staid long ol skul wok.
- Nem:** Prosephine Idarovi  
**Krismas:** 17  
**Adres:** Mercy Secondary School Yarapos, PO Box 580, Wewak, East Sepik Province  
**Save laikim:** Lukim TV, harim musik, wokim fani, go long lotu.
- Nem:** Finela Komang  
**Krismas:** 16  
**Adres:** Mercy Secondary School Yarapos, PO Box 580, Wewak, East Sepik Province  
**Save laikim:** Danis, lukim TV, waswas long nambis na go lotu.

# Rot long ol manmeri i kam long ples



BIPO bipo tru long wanpela ailan, tupela brata i bin stap wantaim tumbuna meri bilong tupela. Papamama bilong ol i dai pinis taim ol i liklik yet.

Nem bilong nambawan brata em Kotok na namba tu em Poning. Kotok em i man bilong bikhet liklik na sampela taim, em i no save harim toktok bilong bubu meri.

Tasol Poning em i rait man stret. Em i no man bilong sakim tok. Em i save helpim bubu long katim paiawut, wok gaden, kisim wara, apinim pis na sampela taim, em i save kuk.

Ol i stap amamas tasol na tupela brata i kamap bikpela man nau. Bubur meri bilong ol i wari nau. Em i wari bikos em i ting hau bai tupela bubu man bilong em i painim meri long maritim na ol i kirapim ol famili bilong ol.

Em i askim fes bon man em Kotok long wanem tingting bilong em long marit. Na sapos em i laik painim meri long maritim.

Kotok i tok yesa, em i laik. Olsem na bubu i tokim em long wokim haus bilong em longwe yet. Kotok i no westim taim. Em i hariap tru na em i wokim wanpela haus na stailim gut stret.



Taim haus bilong em i pinis, em i go tokim bubu meri olsem em i redi nau long kisim meri. Bubur meri i tokim em olsem em bai slip na tumora moning em i kirap em i mas kam lukim em (bubu).

Kotok em i man bilong slip na em i kirap leit. Taim em i go kamap long bubu meri, bubu i tokim em olsem em i leit pinis. Na tupela i surukim wokabout bilong Kotok long neks moning. Tasol Kotok i no harim bubu. Em i laik go nau na painim meri bilong em. Em i strong moa yet na bubu meri i tokim em olsem, "Harim gut. Yu bai pul i go long wanpela ailan i stap longwe yet. Taim yu kamap long ailan, yu mas go antap long wanpela kokonas na kisim wanpela. Yu noken kisim dispela i nogat mit yet tasol yu ken kisim dispela i drai pinis. Yu ma skisim namel wan stret na kisim i kam daun wan-

taim yu na putim long beksait bilong kanu. Yu noken tromoim kokonas i kam pas long graun. Taim yu pul i kam bek, yu ken lukluk long baksait bilong kanu." Nau boiros i tok gutbai long Poning na bubu meri na sta long pul i go. Em i pul i go na i go na go kamap long ailan long apinun. Em mi no weit. Kwiktaim stret em i go antap long kokonas na em i kisim wanpela tasol na em i kam daun. Tudak i wok long kamap hariap na em i no sekim wanem hap em i kisim kokonas long en.

Kotok i stat long pul i kam bek. Em i kam klostu long ailan bilong ol na na em i harim nois long baksait bilong kanu bilong em. Hariap tru na em i tanim bek long lukluk.

Man, em i kirap nogat stret long lukim wanpela lapun meri olsem bubu bilong em i sindaun baksait long kanu. Em i

nogat tok moa. Em i save olsem em i no bin bihainim ol toktok long bubu meri bilong em. Ol i kamap long ailan na Kotok i ronawe hariap i go long haus bilong em na lapun meri ya i go stap wantaim bubu na Poning long haus bilong tupela.

Long gutpela pasin bilong Poning, lapun meri i kamap olsem gutpela pren bilong em. Ol i stap winim wanpela yia pinis na bubu bilong Poning i tokim em olsem em i taim nau bilong em long kisim man. Tupela lapun meri i redim ol samting bilong Poning na long bikmoning tru, em i stat long pul i go long longwe ailan.

Taim em i go kamap em i bihainim gut tru ol toktok bilong tupela lapun meri. Tasol taim em i laik rausim kulau, narapela klostu tu i laik pondaun.

Olsem na em i kisim tupela wantaim na go daun. Hap san yet na em i putim tupela kulau long baksait bilong kanu na em i pul i go bek.

Taim em i kamap klostu, em i harim nois long baksait tasol em i no tanim. Em i pul yet i go na em i go kamap long ples. Na taim em i tanim, em i lukim tupela yangpela kum katim meri i sindaun long baksait bilong kanu bilong em.

Poning i tokim bubu bilong em olsem narapela kulau klostu i laik pondaun olsem na em i bin kisim tu i kam daun.

Em i tokim bubu olsem narapela em bai givim long bikpela brata bilong em na narapela em i bilong em stret.

Na tupela brata i maritime dispela tupela kokona smeri na ol i kamapim ol famili bilong ol yet na stap long dispela naispela ailan bilong ol.

**Blaise Ulei Tuam**  
**Leveli Viles**  
**Manus Provins**

## Mi gat wari long marit bilong mi na mi laikim helpim

### Dia Laiplain

Mi wari long tupela samting. Wanpela em mi marit winim wanpela yia pinis tasol meri bilong mi i no karim wanpela pikinini yet. Long olgeta wiken, mitupela i save slip wantaim na wokim apsin bilong ol marit na dispela em long rait taim bilong meri tu na meri no save gat bel. Mi no amamas long em na mi no moa amamas tu long marit laip bilong mitupela.

Narapela samting tu em mi wari long dring pasin bilong mi. Mi save tromoim bikpela mani, olsem mak long K50 long spak wantaim long olgeta wik. Bai mi daunim ol wari olsem wanem?

### DOUBLE TROUBLE

### Dia Pren,

Em i wei bilong em yet olsem yu na meri bilong yu bai wari sapos em i no karim pikinini. Tasol wanpela yia bihain long yutupela i marit na i nogat pikinini yet i no min olsem bai yutupela i nogat pikinini.

I gat sampela as we sampela meri i save kisim longpela taim long karim pikinini. Na sampela i save kisim pikinini hariap tasol. Sampela i save wetim tripela o moa krismas bipo meri i karim pikinini. Olsem na noken gat tingting olsem bai yu nogat bebi olgeta. Yu tok tru taim yu tok olsem yu slip wantaim meri bilong yu long rait taim stret we long Tok Inglis ol i save kolim long "ovulesen" em meri bai karim bebi. Tasol em i bikpela samting tu olsem yu mas save long raitpela taim stret na i no abrus.

Long sampela taim, rait taim bilong meri we i save kamap long wan wan mun



em i sotpela. Na i save kamap long namel long wik. Na sapos taim bilong wokim pasin bilong ol marit wantaim meri bilong yu em long wiken, dispela bai i no wok.

Sapos meri bilong yu i go long famili plening klinik, bai em i kisim moa save long "ovulesen metot" o raitpela taim we meri na man wantaim i ken slip na meri i gat bel. Yu wok long les long meri bilong yu long dispela taim bikos em i no wok long karim bebi.

Tasol meri bilong yu i gat wankain tingting olsem yu tu o? Yu tingting tu long serim wari bilong yu wantaim meri bilong yu tu?

Yu mas traime long mekim gut na soim laik pasin long meri bilong yu. Givim taim long dispela na bai yu lukim sampela gutpela senis i kamap long marit laip bilong yu tupela. Tingim na luksave long ol nits bilong em na em tu bai gvim yu samting we yu laikim long en.

Wanpela samting we inap long wokim na meri i no karim bej em helt bilong em i no gutpela tumas. O wankain long yu. Na dispela i ken mekim yutupela i no inap long wokim na karim pikinini. i moabeta sapos yutupela i lukim dokta na i ken sekim yutupela.

Lukluk long namba tu wari yu autim long en na dispela em dring pasin bilong

yu. Planti bia o strongpela dring tumas bai bagarapim bodi bilong yu. Na bai yu ino inap long kamapim kiau long mekim bebi long en.

Olsem na mipela i lukim olsem spak pasin yu gat long en em i wanpela as long meri bilong yu i no karim bel. Ating yu mas i no pilim gut taim yu lukim olsem yu tromoim bikpela mani long bia na dispela i bagarapim helt na laip bilong yu.

Sampela man i save pilim gut na em i helpim ol tu taim ol i no karim mani na raun. Dispela em bikos sapos ol i karim mani, ol bai laik baim bia long en.

Mipela i bilip olsem meri bilong yu i laik helpim yu long lusim spak pasin na i moabeta sapos yu givim olgeta mani long em long holim.

Sapos ol i save peim yu long sek, em bai moabeta sapos yu larim em i holim sekbuk na em bai kisim mani long baim ol samting bilong haus.

Sapos yu laik save long rot bilong daunim spak pasin bilong yu, i moabeta yu joinim wanpela grup ol i kolim long Alcohol Anonymous. Dispela grup i gat wankain hevi long dring pasin olsem yu. Planti bilong ol i go insait long dispela grup na dispela i helpim ol long daunim hevi bilong ol.

Yu ken kontekim Lifeline Counselling Sevis long redim ol rot na bai yu bungim dispela grup. Grup i save bung long olgeta wik na ol bai amamas tasol long helpim yu daunim hevi ya sapos yu serim ekspiriens bilong yu na bai dispela i helpim yu long kamap orait bek gen.

**LIFELINE**



# Raun wantaim Kanage long olgeta wik!



**K**anage em i wanpela man Baining long Is Nu Briten husat i save draiva bilong wanpela open bek PMV kar.

Em i save ron i go kam lusim pasindia long Kokopo na em i klia long ol rot. Tasol taim nupela friwe i bin kamap namba wan taim, em nau Kanage i bin kisim taim.

Wanpela taim em i bin karim ol pasindia i kam daun long Kokopo na em i kam bungim namba wan bikpela raunabaut.

Ol manmeri husat i stap long ol bikpela taun na siti i save olsem sapos yu draiv long friwe na i kam painim raunabaut, i gat wanpela rot tasol long bihainim, na i gat ol sain bot tu i stap long bihainim.

Tasol turangu Kanage em i no save lukim dispela kain rot bipo.

Taim em i kam kamap long namba wan raunabaut, em i lukim wanpela sain bot i sanap long namel long ranaubaut. Dispela sain bot em 4-pela ero i stap long soim ol draiva olsem ol i mas ron olsem i go raunim dispela hap raunabaut.

Nogat, Kanage i lukim tasol na i stat raunim dispela hap.

Em i go namba wan taim, em tupela kar tasol i sanap wetim em long baksait. Em i go namba tu taim, wanpela plis kar i kam sanap wet i stap. I laik go namba tri na fo nau ol plis man i stopim em na askim em, "Papa, yu olsem wanem na yu wok long pasim olgeta kar i stap na raunim raunim dispela hap raunabaut, ah?"

Kanage i kirap na bekim, "Nogat, mi kam na lukim 4-pela samting i soim mi rot na mi bihainim tasol. Sain bot i tok mi raunim 4-pela taim olsem na mi raunim i stap."

Ol plis man ya i nogat olgeta nau.

Lap i kilim ol na ol i tokim trangu papa Kanage, "Papa, dispela sain bot i soim yu long rot long bihainim tasol. Em i no tokim yu long raunim dispela hap 4-pela taim."

**Nev Choi Godens**

Kanage wantaim meri na ol pikinini kruz raun long kar na go aut long haiwe bilong Hiritano.

Long hap rot Kanage wantaim meri bilong em i kros na tupela i wok long kros pait insait long kar.

Ol pikinini bilong tupela i no wanbel long tupela mamapapa na ol i singaut long tupela long stopim dispela kros pait bilong tupela.

Nau tupela pasim maus isi tasol na ol i kruz i go. Nau ol i kam kamap long wanpela pik fam long Laloki na meri bilong Kanage i lukim ol pik i silip nabaut long graun malulu na ol i luk deti tru na smel wantaim.

Em kirap na tokim Kanage, Em ol reletiv bilong yu? Na Kanage bekim, Yes yah.. Ol tambu bilong mi! Pait i kirap gen insait long kar.

**Fada Jada Rainbow**

Kanage em bilong Rigo-long Magi Haiwe. Em wanpela man bilong lus tingting klostu klostu.

Klostu long haus bilong em i gat wanpela widow i save silip long hap. Wanpela taim Kanage i go raun long Kwikila stesin na spak long Kwikila hotel. Baga em spak nogut tru na bihain kisim PMV na go bek long ples.

Ples i tudak na em go kamap long haus na singaut long meri bilong em i stap. "Lewa yu ting mi lus tingting long de yumi marit ah? Yu ting mi man bilong lus ting ah? Mi tingim dispela spesol de bilong yumi na mi go spak long Kwikila Hotel.

"Lewa plis mekim olgeta pikinini i silip pastaim na mekim dai lamp na bai mi kam antap, yu harim tu o?"

Long dispela taim meri long haus i singaut i kamdaun long Kanage na tok, "Em i orait Kanage, tasol inap yu toksave long meri bilong yu long neks dua? Nogut em i kros!"

Kanage em paol olgeta bikos em i go long haus bilong widow long neks dua na singaut i stap.

**J.W Rainbow**

Kanage i wanpela pasta long wanpela haus lotu long Rainbow. Em wanpela strongpela man long bilip bilong bikman na em i no save laikim tumas ol man bilong spak.

Wanpela taim em i mekim semon bilong em long ol alkohol ( Bia, Wiski na ol spirit). Em kirap na tokim olgeta kongrigesen olsem, " Sapos mi gat olgeta bia long wol, bai mi go kapsaitim long wara! sapos mi gat olgeta Wiski long wol, bai mi go kapsaitim tu long wara!"

Sapos mi gat olgeta spirit long wol, bai mi go kapsaitim long wara tu! Man, olgeta manmeri i sindaun na harim strongpela toktok bilong Kanage.

Semon i pinis na Kanage i kirap na tokim kwaia masta long tokaut wanem singsing bai ol i singim.

Nau kwaia masta i kirap na tok, " Tete nau bai yumi olgeta i singim song namba 309, singsing em "Yumi olgeta i bung long wara."

Taim ol kongrigesen i harim olsem, olgeta i lap na tiun bilong singsing i senis.

**Jay mero Unit 5 - R/Bow**



## Dipatmen bilong Foren Afeas na Imigresen PABLIK NOTIS

Dispela toksave i go the long manmeri we i aplai long kamap sitisen olsem bai yupela i mas kontekim Citizenship Secretariat long stretim nau aplikesen bilong yupela; em long ples yu stap o adres, telefon na feks nambas, resit bilong soim olsem yu baim pinis citisensip fi na arapela samting moa.

### NESENEL KAPITOL DISTRIK & SAUTEN RIJON

NAMBA OL MANMERI WE I APLAI NAU	KANTRI BILONG SITISENSIP	PLES YU STAP	
1	CHOW, Joseph Martin Sun Yau	Australia	Boroko, NCD
2	CHOU, Shin Kong	Republic of China	Boroko, NCD
3	CESSERI, Angelo Renato	Australia	Boroko, NCD
4	CHAN, John Francis	Australia	Boroko, NCD
5	DE WITT, Byron Hendrik Charles	Australia	PortMoresby, NCD
6	GOH, Say Beng Simon	Republic of China	Boroko, NCD
7	GEETHANJALI, Issac Toua	Malaysia	Boroko, NCD
8	HSU, Chou Yuen Ying	India	PortMoresby, NCD
9	HSU, Tzong Yaw	Republic of China	Boroko, NCD
10	HIZON, Felix Villacorta	Philippines	Boroko, NCD
11	HOLLAND, Conrad	Australia	Alotau, MBP
12	JASMIN, Bonifacio G. Jr.	Philippines	Gordons, NCD
13	MANESIKIA, Clement Deve	Solomon Islands	PortMoresby, NCD
14	ORTEGA, Ernest	Philippines	PortMoresby, NCD
15	POWLEY, Douglas Preston	British	PortMoresby, NCD
16	ROCERO, Albert	Philippines	Boroko, NCD
17	ROCERO, Corazon	Philippines	Boroko, NCD
18	WONG, David Choi Leung	Australia	Boroko, NCD
19	SZETO, Wing Kai	Hong Kong, RPC	Boroko, NCD
20	YUEN, Tony To-Chen	British	Boroko, NCD

### MOMASE RIJON

#### NAMBA LIS BILONG APLIKENS NESENALITI PLES YU STAP NAU

SUART, William Adam  
WOLTERS, Barbara Alvina Ireeuw

### HAILENS RIJON

#### NAMBA NEM KANTRI YU KAM LONG EN PLES YU STAP NAU

23	DRANSFIELD, John Walter	Filipino
24	FILIPE, David Jr	Filipino
25	FILIPE, Mark Philip	Filipino
26	FILIPE, Maureen	Filipino
27	FILIPE, Monique	Filipino
28	LIN, Chin-Hui	Chinese
29	LIN, Wei Hui Ching	Chinese
30	PRYKE, Anthony Mark	Australian

### NIUGINI AILANS

#### NAMBA LIS BILONG APLIKENS NESINELITI PLES YU STAP NAU

ALEXANDER, Bruce		
CHEN, Gien Ming		
ELWOOD, Christopher Henry		
ELLY, Joseph Jamabule		
MAYBURY, Michael John		
METCALFE, Roland Peter		
ZILBERSTEIN, Mary Susan	Canadian	Rabaul
SANGUID, Abe Lardo	Filipino	Kimbe

### LIS BILONG OL SITISEN APLIKESIN I STAP YET

NAMBA NEM	NESINELITI	PLES YU STAP NAU	
39	Katherine Han Pang Johnston	Australia	NCD
40	Han-Rung Rung	China	NCD
41	Yu-Lan Yu	China	NCD
42	Min Rung	China	NCD
43	Helen Nialin Hu Emang	China	NCD
44	Wu Chang Yuang	China	NCD
45	Xie Xiao Ping	China	NCD
46	Yang Cao	China	NCD
47	Hong Cao	China	NCD
48	Heng Xi Cao	China	NCD
49	Leung Kin Yee	United Kingdom	NCD
50	Stanley Kim Chong	Hong Kong	NCD
51	Tiong Joen Siong	Indonesia	NCD
52	Siauw Ye Yan	Hong Kong, PRC	NCD
53	Dirk Bram Vanderloos	Australia	Alotau
54	David Arch Hall	USA	Alotau
55	Ann Fraser Hall	USA	Alotau
56	Ross Lawrence Bishop	Australia	NCD
57	David Alfred Cavill	United Kingdom	NCD
58	Kaity Bluett	(Unknown)	Lae
59	Pini, Ryan John	Australia	NCD
60	Norrie, Alastair Mackenzie	New Zealand	Rabaul
61	Wanxin, Lin	China	NCD
62	Derek Michael Jepson	United Kingdom	NCD
63	Gerard Michael Melican	Australia	Rabaul
64	Chen Xiong	China	NCD
65	Chen, Xiong	China	Boroko, NCD
66	Ortega, Eriane	Philippines	Boroko
67	Ortega, Ernesto, Jr.	Philippines	Boroko
68	Ortega, Voltaire	Philippines	Boroko

Ol lain we i putim aplikesen i kam tasol nem bilong ol i no stap long dispela lis, yupela tu i mas kontekim mipela.

Plis ring i kam long ol sekretariat wokmeri we nem bilong ol i stap aninit long telefon namba: 301 4135 / 301 4190.

Ms Morivetta Eka Ms Delillah Madao Ms Jemimah Sarei Ms Helen Sanny Ms Lovelyn Mando

Tok orait i kam long:

**GABRIEL K. PEPSON**  
Sekretari bilong Foren Afeas na Imigresen

## Grasrut benk bai op long Wau

NAMBA WAN benk bilong givim dinau mani long ol pipel bilong ples long statim ol liklik bisnis bilong ol bai op long Wau Morobe provins long mun Epril. Ol i kolim Maikro Benk.

PNG Rural Industri Kaunsil (RIC) i tokaut long niusleta bilong ol olsem ol i kamapim wanpela woking komiti pinis long redim ol samting bilong opim dispela benk.

Ripot bilong ol i tok ol pipel bilong Wau i amamas nogut tru long dispela gras rut benk we i

sanap klostu tru long ol pipel nau long helpim ol wantaim ol wok na wari bilong ol.

Dispela Maikro Benk em wanpela bilong ol tripela benk aninit long PNG ADB Maikro Fainens we i kam aninit long luksave na tok orait bilong Sentrel Benk.

Planti pipel bilong Papua Niugini i save stap long ples na ol i nogat inap save tumas long ol rot na wok bilong kisim mani long benk, ranim gut bisnis, lukautim gut ol wok long

mekim em i groa na kamap strong na planti arapela hevi moa ol ples lain i save bungim. Olsem na Maikro Benk i kamap long stap klostu wantaim ol pipel long ples na givim ol dispela kain tok stia na helpim, ripot bilong RIC i tok.

Dispela liklik benk bai givim ol dinau mani na ol wanwan manmeri i ken opim pasbuk wantaim liklik mani mak olsem K20.

## Noken mekim planti toktok long Ramu Nickel projek

WANPELA mausman bilong ol asples long Ramu Nickel projek eria long Madang provins i singaut long stopim ol kainkain toktok nabaut na go het long kirapim maining.

Tongia Tugo lida bilong wanpela klen ol i kolim Nokombo Tugo i singaut olsem ol papagraun i bin wanbel pinis long ol helpim ol bai kisim na ol i sainim kontrak bilong maining pinis long wok i mas go het.

Mista Tugo i tok em i no laikim ol kainkain toktok nabaut we inap holim bek na surukim taim bilong kirapim wok maining i go moa yet gen.

Em i mekim dispela toktok bihainim ol nek we memba bilong Usino Bundi memba Peter Yama wantaim siaman bilong Kurumbukari Lenona Asosisen David Tgavu i bin mekim long las wik we

i sut long 5 pesen (%) ikwiti bilong ol papagraun we ol papagraun i mas kisim pastaim long wok i stat.

Mista Tugo i tok ol asples i bin bung pinis wantaim menesing dairekta bilong MRDC Francis Kaupa na ol i stretim ol dispela toktok pinis na wanbel long en long Februari 22 dispela yia.

Ol mausman bilong provinsal gavman, nesenel gaman, olgeta LLG presiden bilong Madang na ol mausman bilong foapela klen insait long maining eria i bin kamap long dispela bung.

Em i tok ol i amamas na wanbel pinis long ol toktok na ol samting we i stap insait long olgeta toktok ol kamapim long en na ol i sainim agrimen.

Saina kampani bai go pas long kirapim dispela maining ol i kolim Ramu Nickel long Madang provins.

## Menyamyama kopi bai go long ovasis maket

YAH Hauka kampani insait long Menyamyama distrik long Morobe provins i kisim laisens bilong salim kopi i go long ovasis maket.

Long las wik Praim Minista bilong Papua Niugini Sir Michael Somare i bin kamap long Aseki stesin long lukim gavman i givim dispela setifiket i go long han bilong dispela lokol kampani long salim kopi igo long ovasis maket nau.

Yah Hauka em narakain kampani olgeta bikos em i namba wan taim olgeta long lukim olsem ol pipel bilong ples yet long Menyamyama eria yet i gat sea long kampani na ol i go pas long ranim kampani.

Praim Minista Sir Michael Somare i tokim ol pipel olsem ol i mas amamas long dispela na ol i mas wok hat long kamapim moa kopi bai ol i ken salim i go long ovasis maket. Sapos ol i ken surukim mak bilong kopi i go antap long 200,000 ton long tripela yia bihain, bai Menyamyama kopi i gat nem long ovasis maket.


Sir Mihael i tok dispela Menyamyama kopi em ol kolim Ogenik kopi na em i wanpela kain kopi planti ovasis kantri i laikim stret.

Memba bilong Menyamyama Teta Geoka i mekim bikpela tok amamas i go long ol pipel bilong em long kamapim dispela gutpela senis na em i singaut long olgeta pikinini Menyamyama husat i stap nabaut long ol taun na siti na raun nating i stap long go bek long asples na mekim wok long graun bilong ol bikos mani i stap long ples.

Mausman bilong Kopi Industri Kopresen (CIC) i tokaut olsem Menyamyama i gat strong bilong planim na kamapim moa kopi tasol bikpela hevi em rot bilong karim kopi i go long maket i hat tru. Tasol nau Yah Hauka i mekim bikpela wok long wokim rot pinis na dispela inap mekim long trenspot bilong kopi i lusim Menyamyama na go aut long ovasis maket.

Minista bilong Fainens na Treseri Bart Philemon i bin kamap long dispela taim long witnessim dispela bikpela de na i mekim bikpela tok amamas i go long ol pipel bilong Menyamyama na Yah Hauka bisnis bilong ol asples.

Mista Philemon i askim ol pipel long wok hat long graun na kamapim samting nau we ol i gat laisens nau bilong salim kopi bilong ol i go long ovasis maket. Em i singaut tu long husat Menyamyama pipel i wok long raun nabaut na stap nating long ol taun na siti long i mas go bek long asples na mekim wok long graun bilong ol.



**Liklik Bisnis arere long haus... Kain ol liklik bisnis arere long haus i kamap planti nau long Mosbi na planti hap long provins. Bisnis olsem salim aisblok, buai, simuk na ol kaikai i sampela taim i save karim hevi long ol NCDC wok manmeri long wanem i save karim planti pipia tru i kam long siti. Foto: JOE IVAHARIA**

## Singaut long mekim RDB kamap olsem benk stret

SINGAUT i go aut nau long nesenel gavman long mekim Ruel Developmen Benk i kamap olsem wanpela benk bilong kisim mani long ol manmeri na givim aut mani wankain olsem bisnis benk i save mekim.

Dispela singaut i kam long wanpela kopi plentesen man long Westen hailans provins em Joe Leahy.

Mista Leahy i askim sapos Ruel Developmen Benk i ken kamap olsem komesel benk long givim dinau mani igo long ol plentesen lain long surukim na opim ol plentesen bilong ol i go bikpela.

Dispela em bikos ol benk tru i no inap givim kain dinau mani long ol plentesen na ol agrikalsa lain bikos interes bilong bekim bek ol dinau em i daun na tu ol dispela bisnis eria i no save mekim mekim hariap.

Minista bilong Agrikalsa na Laivstok na Deputi Praim Minista Moses Maladina i tok dispela em gutpela tingting na ol i ken lukluk long mekim Ruel Developmen Benk i kamap olsem wanpela bisnis benk we i ken kisim mani na givim dinau long helpim ol pipel wantaim dinau long ol agrikalsa na wok didiman bilong ol long ol ples.

Mista Maladina i wanbel long dispela tingting wankain tu em menesmen bilong Ruel Developmen Benk tu i wanbel long dispela kain senis i kamap.

## Planti manmeri i nogat mani long poket

GAVMAN i mas painim moa maket bilong ol pipel bilong ples i ken salim ol samting ol i planim na kamapim long ples. Dispela rot tasol bai olgeta pipel bilong mipela long Papua Niugini i ken i gat mani long poket bilong ol long bihain taim.

Dispela em toktok bilong Deputi Praim Minista na Minsita bilong Agrikalsa naw Laivstok Moses Maladina long las wik taim ol i go opim Henganofi hetkota long lsten hailans provins.

Mista Maladina i tok PNG i kisim independens 28 krismas i go pinis tasol ol pipel bilong mipela i sot o i nogat mani bilong ol na dispela em wanpela bikpela hevi insait long kantri.

Mista Maladina i tok olsem na gavman i mas senisim sampela rot nau long opim moa maket we ol pipel i ken lukim ol rot na hap bilong salim wanem samting ol i ken kamapim na mekim bai ol i ken

painim liklik wan siling bilong ol. Dispela rot tasol ol pipel bilong mipela i ken i gat mani bilong ol yet long poket.

Mista Maladina i tok ol samting olsem kopi, kakao, vanilla, kopra na arapela moa we ol pipel i save kamapim na salim em mipela i mas kamapim moa ol dispela samting na salim. Mipela i gat ol dispela samting tasol mipela i nogat inap maket.

Mista Maladina i tok tu olsem gavman i kamapim sampela senis pinis long sait fiikong kopi na em bai tokaut long en liklik taim bihain. Dispela em long opim rot long moa pipel i ken baim na salim kopi na gavman bai strongim lo bilong kwaliti menesmen bilong kopi.

Em i tok ol kopi fama i les pinis long kisim K2 long wanpela kilo olsem na prais bilong kopi i mas go antap.

Olpela Praim Minista bipo na nau Gavana bilong Westen hailans provins

Paias Wingti i tok yumi ol pipel bilong Papua Niugini i mas senisim pasin bilong yumi nau sapos yumi laikim ol gutpela senis long kamap long kantri na komyuniti bilong yumi tude.

Em i tok planti ovasis lain isave laik kam long PNG long mekim bisnis na tromoi mani long yumi tasol pasin bilong yumi tasol i save pretim ol.

Em i tok PNG i stap klostu tru long Australia tasol bilong wanem na ol Australia i save les long kam long PNG na ol i save go olsem turis long Fiji olgeta taim.

Dispela em wanpela bikpela samting mipela i mas senisim bai ol ovasis lain i ken kam olsem turis na bisnis lain bai yumi ken mekim mani na kamapim ol gutpela senis, Mista Wingti i tok.



# PABLIK SEKTA RIFOM MENESMEN UNIT

## Papua New Guinea lalonai Public sector reform durua ena palani lagani 2003 ia lao 2007 edia huanai.

### Hereva maoro:

**Public sector reform be Gavamani bona Public service ena gaukara hatubua namo ena palani badana ta.**

Gavamani ese lagani 2003 ia lao 2007 edia huanai Public sector reform ena gaukara hatubua namonamo ena palani ta idia idia haginia.

Inai palani gwauria hedinarai totona, Gavamani ena Central Agencies oreadia edia committee Chairman bona Gavamani ena Chief Secretary, Mr. Joshua Kalinoe ese February hua ena dina 25 lalonai hebou ta ia abia bona unai hebou lalonai Gavamani ena Minister taudia, Department ta ta edia gunalaia taudia, Central Agencies Co-ordination committee ena member taudia, Provincial Administrator taudia ta ta, Tanobada idau amo mai oreadia ladanai gini taudia, Gavamani oreadia ta ta gunlaia taudia, Non-Gavamani oreadia bona dubu gunalaia taudia ibounai idia mai helai hebou.

Inai hebou dekenai hereva karaia taudia be Public Service Minister, Peter O'Neil, Chief Secretary, Mr. Joshua Kalinoe bona Public Sector Reform Management Unit ena Director General, Mr. Bill Kua.

Public Service ena Minister ia hereva, bema namo Provincial Gavamani ena gaukara idia hatubua namonamo vadaini Papua New Guinea lalonai taunimanima ese durua namona do idia abia diba hegeregere Education, Health, gaukara hadibaia daladia bona gaukara abia ena kahanai. Ia hereva, bema inai senisi idia vara lasi negenai taunimanima ese hari metau bada idia abia ena mauri henunai do idia mauri noho bona durua namona ta do idia abia diba lasi.

Mr. Kalinoe ia hereva, ia ura bada itaia bema iseda taunimanima ese inai senisi gaukaradia o reform idia abiadae bona ena gaukara idia gunalaia. Moale hereva danu ia henia Australia Gavamani dekenai badina inai senisi gaukara lalonai durua idia henia noho bona iseda Gavamani gaukara gunalaia daladia idia haginia. Inai taudia edia bema namo gunalaia-gaukara idia karaia bona Gavamani ena taravatu henunai gaukara idia hatubua.

Ia gwau danu, inai senisi do ita havaraia diba ita siboda eda huanai bona Australia gavamani danu ita gaukara hebou neganai inai senisi gaukara do ia hatubua namonamo.

Public Sector Reform Unit Director General, Mr. Bill Kua ia hereva, guna Gavamani oreadia momo ese senisi karaia daladia idia tahua to gauta ia vara lasi ia mai bona lagani 2000 lalonai Public Sector Reform ena palani ginigunana idia haginia. Ia gwau, inai reform o senisi be iseda tanobada ena aonega taudia haida ese edia lalohadai amo iseda Public Sector Reform palani ena gaukaralaia daladia idia haginia. Inai taudia edia gaukara hebou amo Medium Term Development Strategy o palani idia haginia bona unai palani henunai be iseda Kina moni ena davana hanamoa dalana, iseda tanobada ena tubudaekau gaukaradia ena metau gabudia idia hamoromaoroa, Gavamani ena gaukara oreadia edia ladana idia hanamoa daladia bona Bougainville dekenai maino bona noho mauri namona abia mai dalana idia gaukaralaia.

Mr. Kua ese danu Reform ena kahanai dahaka idia vara noho gaukaradia haida danu ia hedinarai hegeregere Politics kahanai ore idau idau idia haboua tamona gaukara hebou totona, Taxation o tax gogoa gaukara idia hanamoa bona Privatization o Gavamani ena business gaukara oreadia hoihoilaia daladia bona Gavamani ena Moni karaia ena gaukara hanamoa daladia.

Mr. Kua ese ia gwau, inai senisi palani idia gaukaralaia amo ia mai bona hari gabu momo lalodai heduru namona idia itaia vadaini bona inai gaukara laonai gaudia haida idia karaia be; Central Agencies Co-ordination committee idia haginia, Gavamani ena gaukara oreadia 15 edia gaukara daladia idia senisidia, Department bona Provincial Administrator dagi naria taudia edia abiahidi dalana idia itaia lou bona hanamoa, Gaukara karaia namaonamo bona hatubua lou daladia idia tahua bona haginia vadaini Provinces dekediai durua namona idia abia mai diba tubudaekau kahanai.

### Gaukara ena Badina:

Lagani 2000 lalonai Morauta Gavamani ese gaukara palani ta ladana Medium Term plan of Action idia haginia Public Sector reform ena gaukara karaia totona lagani 2000 ia lao 2003 edia huanai. Inai gaukara palani ladana be **Making the Public sector work o Public sector gaukaralaia dalana.**

Inai palani amo lalohadai badana idia karaia be Public Sector ese gaukara do ia hanamoa bona Gavamani ena durua bona koha idia abia lao diba Papua New Guinea taunimanima dekediai. Unai lalohadaia badana ena gaukara palani bona gaukara karaia daladia ibounai be idia torea hegaegae vadaini.

Dr. Puka Temu daika be Public Service Minister dagi ia naria unai nega lalonai ese lagani 2002 Parliament hebou lalonai gau badadia six ia herevalaia. Inai gaudia be;

*Moni gaukaralai dala idia hanamoa  
Gaukara ia heau namonamo lasi kahanai manoka gabudia hanamoa  
Gaukara lalonai dahaka ia vara gaudia ibounai hedinarai namonamo  
Gaukara hanamoa ena dalana idia tahua bona gaukaralaia  
Gaukara lalonai kerere, henao henao bona koikoi karadia idia koua  
Public service ena gaukara aheava dalana idia hanamoa vadaini taunimanima ese*

*durua idia abia bona tubudaekau gaukara idia goada karaia.*

Inai nega lalonai Public Service ena Minister, Peter O'Neil ese Public Sector Reform program ia heau noho gauna dekenai ena durua bada ia henia bona ia ura itaia danu District level Administration o gaukara karaia daladia District ta ta lalodai idia heau namonamo bona Politics kara bona Gavamani taravatu idau idau ese Business ena Tubudaekau gaukara idia hadikaia kava lasi.

Somare/Malaldina Gavamani ese lagani 2002 abiahidi murinai Gavamani dagi idia abia neganai Public Sector Reform palani danu idia abiadae bona idia durua henia noho.

### Public Sector Reform ena Ura Badana

Public sector Reform ena ura badana be Public Service gaukara idia hanamoa vadaini Papua New Guinea taudia edia noho mauri danu idia hanamoa.

Inai lalohadai amo Gavamani ena gaukara taudia bona gaukara daladia idia hagoadaia guna murinai ena hua hua namona ia tubu neganai Gavamani ese taunimanima dekediai durua namona ia abia mai diba.

### Hari nega ena Palani - Lagani 2003 ia lao 2007

National Executive Council ese lagani 2003, November hua lalonai Public Sector reform ena durua henia palani idia hamomokania. Inai palani ena ladana be idia boi-boi - **"a STRATEGIC PLAN for supporting the Public Sector reform in PNG 2003 - 2007"**

Inai Strategic palani henunai Gavamani ese dala mata matadia haida ia abiahidi bona gaukaralaia vadaini tanobada ena tubudaekau gaukara kahanai durua ia henia diba.

Inai 2003 ia lao 2007 ena palani mata mata lalonai be gau badadia hani (Four) idia noho;

*Gavamani department, agencies oreadia bona Provincial Administration lalonai gaukara taudia iboudiai ese bema namo diba maoro idia abia namo namo edia gaukara ena badina korikori be dahaka. Inai bamona diba maoro idia abia neganai ore idia iboudiai ese lalohadai tamona bona gaukara hebou tamona dekenai do idia gaukara hebou diba.*

*Gavamani ena durua: Gavamani ena lalohadai badana be National bona Provincial Gavamani edia naria henunai taunimanima iboudiai idia durua henia hegerere moni gaukara kahanai o hanua ena tubudaekau gaukara kahanai.*

*Gaukara mai goada danu; Taunimanima ese dala maoro dekenai gaukara idia karaia bona taravatu ena henunai idia gaukara.*

*Durua abia mai dalana hanamoa; Public Service ena gaukara goada amo Gavamani ena durua idia abia mai haraga diba taunimanima dekediai.*

### Public Sector Reform gaukaralaia dalana

Inai Public Sector reform o senisi karaia palani gaukara ena sialu o biagua maoro be Department gunalaia taudia bona edia gaukara karaia taudia imana lalonai ia noho;

National Executive Council ese Politics kahanai gunalaia gaukara ia karaia bona gaukara karaia dalana ia hedinarai

Central Agencies co-ordinating committee ese inai senisi abia mai palani idia karaia bona gaukaralaia dalana danu idia haginia.

Gavamani department, Agency oreadia bona Provincial Administration edia gaukara badana be inai palani do idia gaukaralaia bona ia lao bona gaukara oreadia ibounai edia gaukara idia karaia namo namo.

Public Sector Reform Management Unit ena gaukara badana tamona be Gavamani department, Agency oreadia bona Provincial Administration oreadia dekenai idia sisi-ba bona hadibaia sibona Public sector reform ena gaukara dalana.

### Prime Minister ena Hereva

Prime Minister, Sir Michael Somare ia hereva, Gavamani ese auka ia abia noho National, Provincial bona District gabudia lalonai taunimanima durua henia ena kahanai unai dainai bema namo Public service lalonai gaukara taudia iboudiai ese inai senisi karaia ena lalohadai mata mata i dia abia hidi bona gaukaralaia goada.

Sir Michael Somare ia hereva, senisi karaia gaukara be gaukara aukana ta to bema taunimanima edia lalohadai idia ato maoro maoro bona inai senisi gaukara idia abiada neganai gaukara do ia tubudaekau bona ita kwalimu diba.

Ia gwau bema ita ura eda taunimanima edia noho mauri ita hanamoa neganai Public sector ore goadana bona namona ta do ita haginia iseda tanobada ena gavamani gaukara karaia totona.



# MASSIVE

## CLEARANCE SALE

WOW! KISIM FRI TIKET BILONG BAIM KAIKAI INAP LONG K350.00  
TAIM YU KAM BAIM REDIO OR TELEVISEN LONG DISPELA MUN





SEIVIM  
K654

DIPOSIT K50  
LON FOTNAIT  
K36

**TOSHIBA SD1850 DVD PLEIA**  
• inap long pilaim kainkain wei  
• mekim kamap gutpela musik  
Ref: 114781

DINAU PRAIS BIPO KES  
K745 K1,299

**NAU KES K645**



SEIVIM  
K1,704

DIPOSIT K114

LON FOTNAIT  
K78

**SONY MHC-RV6 CD MINI SISTEM**  
• 3300w PMPO 150w • at link mode  
Ref: 201062

DINAU PRAIS BIPO KES  
K2,065 K3,499

**NAU KES K1,795**



Ol dispela kago...

# HALF PRICE Offers!



SEIVIM  
K804

DIPOSIT K47  
LON FOTNAIT  
K34

DINAU PRAIS BIPO KES  
K799 K1,499

**NAU KES K695**

**SHARP 14A1-SBK 14" KAL TELEVISEN**  
• frant/bek AV input • pilain olgeta sistem  
Ref: 101734



SEIVIM  
K2,004

DIPOSIT K92

LON FOTNAIT  
K64

DINAU PRAIS BIPO KES  
K1,625 K3,399

**NAU KES K1,395**

**PHILIPS FWV785 CD MINI SISTEM**  
• pilaim Karaoke • 6 DSC  
Ref: 202879



SEIVIM  
K1,264

DIPOSIT K68  
LON FOTNAIT  
K47

DINAU PRAIS BIPO KES  
K1,145 K2,259

**NAU KES K995**

**TOSHIBA CR21KX2 21" KALA TELEVISEN**  
• frant AV input • pilaim olgeta sistem  
Ref: 103721



SEIVIM  
K3,904

DIPOSIT K183  
LON FOTNAIT  
K124

DINAU PRAIS BIPO KES  
K3,445 K6,899

**NAU KES K2,995**

**SONY LBT-XGV10AV CD MIDI SISTEM**  
• 3300w PMPO 150w • at link mode  
Ref: 203004



\*Ol prais bilong ol samting istap insait long dispela niu pepa bai iken senis long eri taim. Baim nogat toksave i kamap. Ol kago mipela i soim i bin stap taim mipela ibin mekim kamap dispela advatismen. Sampela baim ino stap long ol narapela Courts Stoa.

**INSTANT CREDIT APPROVAL**  
(CONDITIONS APPLY - SEE NEXT PAGE)

**LAYBY AVAILABLE**

# COURTS

# POWERHOUSE AT COURTS

**22 DEI MOA LONG GO INSAIT LON GRAND DRAW LON APRIL! NOKEN WEITI BAIM NAU!**

FEIVARET FENISA NA ELEKTRIKOL SUPASTOA BILONG PAPUA NIUGINI

COURTS BOROKO Phone: 323 6802 • Fax: 323 6803 | COURTS GORDONS Phone: 302 5808 • Fax: 325 4149 | COURTS GOROKA Phone: 732 2033 • Fax: 732 2063 | COURTS LAE Phone: 472 4800 • Fax: 472 4621 | COURTS MADANG Phone: 852 3711 • Fax: 852 3612 | COURTS HAGEN Phone: 542 1401 • Fax: 524 3517

CLA-44/04

# WANTOK

# TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 8527 or Fax: Nogat yet EMAIL: wordadvertising@global.net.pg

### BAIM GOL

#### Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.  
MRO istap long Seksen 451, Alotment 2, Kuila Estate, Kameron rot, Waigani P.O. Box 3980, Boroko, NCD Papua Niugini

Phone: 325 2647 or Fax: 325 2959

### GOL BAIYA

#### KVDC GOLD LIMITED

1. Would you like to own a Gold Company that makes Money for you today?
2. Do you need money now? We believe you do. We can certainly help you repay all your loans if you join us today.
3. How about your current job? Is it secured and are you making money that you deserve? Call us now.
4. Is your future Financially secured? We don't think so. Call us now, do not delay.

We Specialise in:

- Buying & Selling Gold in PNG and Overseas using stronger currencies
- International Gold & Commodity Trading
- International money transfers
- Establishing OD Limits for PNG Rural people to do business
- Assisting PNG Rural People Start up Small Business

CALL US NOW!

Ph: 311 3445, 311 3444 or 311 3446  
Fax: (675) 311 3447  
PO Box 3183, BOROKO, NCD  
Email: natwolaptru@datec.net.pg

### GOLD MELT & ASSAY FACILITY

#### Momase Gold Buyers

Located at Malekula Street Lae

We buy Melt & Assay Gold

Ph: 472 5265; Fax: 472 3825

We are 100% nationally owned

### MINING KAGO

#### THE GOLD PAN

Liklik Maining Masin bilong Salim Proline Gol gredge, 2.5", 3", 4", 5" na 6" hai banka comb, Metol detekta, Slus bokis, Gol dis, Gol wil, Rok krasa, Mekuri ritot na Planti moa ol masin bilong helpim yu kisim Planti gol hariap long taim yu wok gol. I gat ol sevis long helpim yu painim gol long Ples bilong yu. Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok.

Contek Gol Pan

POM - Phone/Fax: 323 6052 or fax: 325 2959

Wewak - Phone/Fax: 856 1466

### MENESMEN SEVISES



#### MANPOWER

Management Services Limited (Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications (Reminders automatically remitted)

Contact: Helen, Liz,  
Telephone: 321 5491 / 321 5492  
Facsimile: 321 5493  
Email: manpower@daltron.com.pg



#### ISLANDS HR MANAGEMENT SERVICES LTD

A bridge to your future career  
Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at  
Suit 8 Level 1 Garden City, Angau Drive, Boroko

Email: islandshrmc@datec.net.pg  
PO Box 889, Boroko, NCD  
Ph: 323 4955; Fax: 323 4799

### PISIN TANIM TOK



#### TRANSLATION

WORD PUBLISHING IS OFFERING TRANSLATION SERVICES, TRANSLATE ENGLISH TO TOK PISIN & MOTU FOR MORE INFORMATION CALL BONNER HUI ON

PHONE 325 2500 OR FAX 325 2579.  
email: wordadvertising@global.net.pg

### REKODING STUDIO



#### WE CAN OFFER

- Digital Recording
- High Speed Dubbing
- Album & Demo Production
- Commercial Audio Jingles
- Hire of Studio Equipment
- Public Address System
- Bulk Cassette & Compact Disk Orders
- In-house DJ Music
- Live Bank Entertainment

For any of the above services please contact Douglas on Tel/Fax: 326 1523 or write to: Manager, PO Box 339, UPNG

### INSURANCE

#### PABLIK NOTIS HIH INSURANCE (PNG) LTD

Ol Dairekta blong HIH Insurance (PNG) Limited ("HIH PNG") (pastaim ol i save kolim MBf Assurance na FAI Insurance) i laik toksave long pablik olsem Kampani i kam klostu nau long pinisim ol wok blong em insait long PNG.

Olsem tasol, HIH PNG (wantaim MBf Assurance na FAI Insurance) i askim sapos husait man o meri i bilip olsem em i gat kleim we kampani i no stretim yet, orait em i mas salim kleim o wari blong em i kam long dispela adres; HIH Insurance (PNG) Limited, Level 2, Mogoru Moto Building, Champion Parade, Port Moresby, P O Box 507, Port Moresby o long Fax namba 321 2780 o long email kpmgpng@kpmg.com.pg kwik taim tasol.

Bod of Dairektas blong HIH PNG i autoraisim

### SEKENHAN KLOS

#### FRIENDTEX LTD

P.O. BOX 5049 BOROKO  
PHONE: 323 1471  
FAX: 323 1479

Dealers & Wholesaler Secondhand Clothing  
SPEND LESS FOR BEST PRE CHRISTMAS..... Specials

A Visit is a Must  
ALL IN BALES OF 50KGS

- K595 Jean Trouser, Child Jean, Beach Shorts, Bedsheets, Skirts, Colour Jean Pants, Child Pants, Boy colour Jean, L/Tank Tops, S/Less Dress, 3/4 Disco Pants, Nylon Rummage, Sports Shorts, Hemmed Shorts, L/Zip Jackets, Boy Jeans, Ladies Tights, M/Tank Tops, L/Sleeve Polo, Capre, Blue Jean Jackets
  - K770 Cotton Pants, Kids/TShirts, Denim Shirts
  - K630 Child Mix, Collar T/Shirts, BS/PCK
  - K550 RN Plain T/Shirts, Skirts Pants, Jean Shorts, Mix Shorts, Floopy Pants, Socks, Skirts, Tropical Pants, Pillowcases, S/Less Blouse, Flannel Shirts
  - K880 Towels, Jean 100 PCs.
- AVAILABLE & NEW STOCKS  
Cargo Shorts, Cargo Trousers, Hunting Jackets, Rugby Polo, Jersey, Cotton Blouse, Mix Jersey, Ladies Bra, Ladies Suit, Denim Bermuda Shorts 3/4, Mixed Bales AA Supreme & special price, Special discount for bulk buyers.  
Location: Kenmore Trade Centre  
Unit 11 off Cameron Road  
Next to Arnotts Biscuits Factory - Gordons

### TREID NA EKSPOT

#### FAIRFAX EXPORTS LIMITED

LICENSED CROCODILE SKIN TRADERS AND EXPORTERS

We buy Crocodile Skins

MON - SAT

BURNS HOUSE

STANLEY ESPLANADE, PORT MORESBY

Tel: 321 4755

Fax: 321 4751

### SKIN PROBLEM

#### SKIN PROBLEMS?

Specialist skin doctor, Dr. Talvat is now available for Consultation in Port Moresby. Please call

Sr Vivienne on 323 6700 or fax 323 0009 for enquiries and appointment.

If you have no access to telephone, feel free to visit the PIH Clinic located in the Pacific Pharmacy within the RH Hypermart, Kennedy Road, Gordons.

Peim liklik tasol na kisim moa kastoma long

WANTOK TREID DAIREKTRI!

Toktok wantaim Bonner Hui long 3258527

Email adress: wordadvertising@global.net.pg.

# WIKEN EKSEN POTOS

wantaim Joe Ivaharia



\* Sandra bilong Wantok i ketsim bal. Oi i pilai engensim Gazelle long wiken.



\* Fowet bilong Waliya i brukimdifens bilong oi mangi DCA.




\* Makim gut na paitim. Meri Gazelle i abrus long paitim bal.



\* Em bilong mi yah! MRDC West na PRG DCA i pait long kisim bal. West i win 20-18.



\* West na DCA eksen long Wiken.



\* Mectil Raymong bilong Gazelle i laik ketsim bal.



\* Jenny Pilak bilong Gazelle i leit long hom beis. Oi Wantoks i autim em pinis.

# NRL Nius

**Lukluk long Nesenel Ragbi Lig (NRL) wantaim Wantok Niuspepa**  
 Niuspepa bilong ol Papua Niugini stret i givim yupela ol ridas wanpela ragbi lig spesol we i lukluk long Nesenel Ragbi Lig resis bilong Australia. *Wantok Niuspepa* i save olsem planti manmeri insait long kantri i save bihainim dispela resis na ol ragbi lig klab long hap tu. Dispela wik *Wantok* i givim tupela pes long ol nius na arapela samting i kamap insait long NRL pastaim long bikpela resis i stat long namba 12 de bilong mun Mas, 2004 (neks wik Fraide).  
 Long neks wik, lukim ol tim husat bai pilai long namba wan raun bilong NRL resis.

## Sponsa rausim mani long Bulldogs

WANPELA arapela sponsa bilong ol Canterbury Bulldogs i rausim pinis sponsasip mani bilong em i go long klab.

Bing Lee, wanpela ilektrikel bisnis i rausim saming olsem \$500,000 sponsasip mani em i bin tok long givim long klab long dispela yia bihain long planti kain tok tok i kamap long wanpela tok sut olsem sampela pilaia bilong Bulldogs i bin reipim wanpela meri.

Mausman bilong Bing Lee, Barry Anderson i tokaut long Tunde olsem em i bin toksave pinis long Sief Eksekutyutiv bilong Bulldogs, Steve Mortimer olsem ol bai i no inap long givim dispela mani i go long klab long dispela yia.

Bing Lee em i namba tu sponsa bilong Bulldogs husat i rausim sponsasip bilong ol long klab. Narapela sponsa bilong ol, Bluescope Lysaght i bin rausim samting olsem \$A150,000 sponsasip bilong

ol bihain long toktok bilong ol dispela paol pasin i bin kamap.

"Mipela kisim planti manmeri i wok long ring i kam na autim belhat bilong ol long samting i kamap. Planti long ol dispela lain em ol kastoma bilong mipela," Anderson i bin tokaut long wanpela radio stesin long Australia.

"Olgeta toktok i kam long ol kastoma bilong mipela i no gutpela. Olgeta i nogut tasol. Pastaim samting olsem 100 manmeri i ring, nau namba i wok long go antap long 1000," Anderson i tok.

Siaman bilong Bulldogs, Dokta George Peponis i tok olsem ol i no amamas long Bing Lee i rausim sponsasip bilong ol. Em i givim gutpela tok amamas olsem Mitsubishi Electric, narapela sponsa bilong ol i strong na stap yet. Ol i givim samting olsem \$A1 milien i go pinis long klab bilong resis long dispela yia.



**Maski long ol kain kain toktok i kamap long ol pilaia bilong ol i bagarapim wanpela yangpela meri. Ol Bulldogs pilaia i bin tren hat long dispela wik. Long dispela piksa, Willie Mason, Braith Anasta na Brent Sherwin i tren long Belomore. Foto: THE WEEKEND AUSTRALIA.**

## Olpela NRL pilaia tokaut long paol pasin

WANPELA olpela pilaia bilong NRL i tokaut pinis long ol paol pasin sampela pilaia i save mekim.

Dispela i kamap bihain long wanpela meri i tokim polis olsem 6-pela pilaia bilong Canterbury Bulldogs ragbi lig tim i bin reipim em.

Nau polis long Australia i wok long karimaut wanpela wok painimaut long sekim husat tru long ol Bulldogs pilaia i bin mekim dispela paol pasin.

Dispela olpela NRL pilaia i tok olsem dispela kain pasin long spak na kisim ol meri na bai olgeta man long tim i kisim skel o slip wantaim ol i no nupela samting.

Dispela olpela ragbi lig pilaia i bin pilai long taim bilong Supa Lig.

Em i tok planti NRL pilaia i save kisim ol meri bai olgeta man long tim inap long slip wantaim ol tu.

Ol niuspepa long

Australia i karim toktok bilong dispela olpela pilaia husat i autim planti kain paol pasin i save kamap.

"Taim yu kisim wanpela meri long wanpela klab bihain long wanpela pilai, em i no bilong yu tasol long slip wantaim em. Nogat.

"Em bilong serim em wantaim ol tim met bilong yu.

"Yu no slip wantaim ol tasol na lusim ol. Em bai i go long ol arapela pilai i spak i stap," dispela man i tok.

NRL yet i wok long kisim bikpela taim long dispela samting i kamap.

Dispela bikpela toktok i bin kirap bihain long wanpela yangpela meri, 20 krismas bilong em i tok olsem ol pilaia bilong Canterbury Bulldogs i no bin kisim tok orait bilong em na slip wantaim em long wankain taim.

Em i tok olsem em i bin tok orait long wanpela bilong ol tasol long slip wantaim em.

## Tupela nupela pilaia bilong Dragons bai pilai egensim Raiders

ST GEORGE Bank Dragons bai gat tupela nupela pilai i pilai long namba wan A Gred pilai bilong ol taim ol i opim sisen bilong ol egensim Canberra Raiders long Sande.

Justin Poore, 19 i pilai seken ro na lok posisen na Ryan Powell, 20 i pilai long bek ro.

Tupela bai sindaun longg bens wantaim Lance Thompson, Ashton Sims, Brent Kite na Lincoln Withers.

Poore em bilong Perth, kapitol siti bilong Westen Australia i bin pilai wantaim Helensburgh Tigers junia sait na i bin pilai long 2002 Australian skul bois tim i bin raun pilai long kantri. Powel em wanpela junia bilong Thirroul.

Kosa bilong Dragons, Nathan Brown i no mekim

planti senis long sait bilong em i bin pilai egensim Canterbury Bulldogs long ol Gold Coast trail o op sisen pilai i bin kamap long tupela wik i go pinis.

*"Redi long lukim ol strongpela gem namel long ol strongpela tim."*

Pilai namel long Dragons na Raiders bai kamap long Sande, Mas 14. Ol bai pilai long Oki Jubilee Stadium.

Dispela bai wanpela strongpela gem stret we planti sapota bilong tupela tim wantaim i laik lukim.

## El Masri strongim sait bilong em

GOL KIKA bilong Cantubury Bulldogs, Hazem El Masri i wok long strong long plis i noken kisim DNA o blut bilong em long wok painimaut bilong ol long husat ol Bulldogs pilaia i bin bagarapim wanpela meri long tupela wik i go pinis.

El Masri, wanpela strongpela Muslim lotu man em i pes bilong Bulldogs na komyuniti bilong em long Canterbury long Australia.

Em i tok em bai i no inap long harim tok bilong polis bikos em i no mekim wanpela rong long dispela taim.

Winga bilong Bulldogs i bin tokim ol Nu Saut Wels polis olsem em bai i no inap long helpim ol bikos em i les long nem bilong em i bagarap long dispela samting.

"Mi tok klia pinis long ol polis opisa olsem mi bai i no inap long givim ol DNA bilong mi. Na mi bai sanap long dispela sait.

Em wanpela pilaia tasol long Bulldogs klab husat i no laik long givim DNA long ol plis.

Narapela Bulldogs pilaia, Matt Utai, em wanpela Muslim lotu man tu na em i

givim pinis DNA bilong em long polis long sekim.

Loya bilong El Masri, Adam Houda na wanpela biknem loya long Sydney, Chris Murphy, i tok olsem ol bai pait strong egensim dispela wok bilong polis long kisim blut

bilong em.

"Hazem i no laikim nem bilong em i stap insait long dispela paol pasin. Em bai bagarapim nem bilong em. Em i wanpela strongpela marit man husat i no save paol nabaut," loya bilong em

Houda i tok.

Tasol dispela samting tu inap long bagarapim pilai bilong em long dispela sisen.

El Masri i stap wantaim Bulldogs inap long 8-pela yia pinis na dispela yia em i las yia bilong em wantaim klab.



**Hazem El Masri i wok long kisim taim nating long ol paol toktok i kamap long Bulldogs Ragbi Lig klab. Em i les long nem bilong em i stap insait long ol dispela paol toktok bikos em i tok em i no mekim wanpela rong. Foto: THE WEEKEND AUSTRALIA.**

**Lukluk long Nesenel Ragbi Lig (NRL) wantaim Wantok Niuspepa**  
 Niuspepa bilong ol Papua Niugini stret i givim yupela ol ridas wanpela ragbi lig spesol we i lukluk long Nesenel Ragbi Lig resis bilong Australia. *Wantok Niuspepa* i save olsem planti manmeri insait long kantri i save bihainim dispela resis na ol ragbi lig klab long hap tu. Dispela wik *Wantok* i givim tupela pes long ol nius na arapela samting i kamap insait long NRL pastaim long bikpela resis i stat long namba 12 de bilong mun Mas, 2004 (neks wik Fraide). Long neks wik, lukim ol tim husat bai pilai long namba wan raun bilong NRL resis.

# NRL Nius

## Dro bilong dispela wik

Fri 12 Mar 7:30PM  
 Penrith Football Stadium

Sat 13 Mar 5:30PM  
 Telstra Stadium

Sat 13 Mar 7:30PM  
 Telstra Stadium

Sat 13 Mar 8:30PM  
 (9:30PM AEDST)  
 Dairy Farmers Stadium

Sun 14 Mar 2:00PM  
 (3:00PM AEDST)  
 Suncorp Stadium

Sun 14 Mar 2:30PM  
 Oki Jubilee Stadium

Sun 14 Mar 6:00PM  
 Aussie Stadium

## Tim lainap bilong Raiders na Drag-

Tim bilong **Canberra Raiders** i sanap olsem:

Kosa - Mick Potter, Clint Greenfields, Andrew Frew, Ben Creagh, John Carlaw, David Howell, Lachlan Russell, Mathew Head, David Tangata-Toa, Aaron Gorrell, Michael Henderson, Michael Howell, Tony Jensen, Stacey Katu

**Ol intasenis pilaia:**  
 Wycliff Palu, Robert Henare, Bryan Norrie, Wes Naiqama, Aaron Beath, Wade Humphreys

Tim lainap bilong **St George Bank Dragons** i sanap olsem:

Kosa - Nathan Brown  
 Ben Hornby, Nathan Blacklock, Mark Gasnier, Matt Cooper, Reece Simmonds  
 Trent Barrett (Kepten), Brett Firman, Luke Bailey, Mark Riddell, Nathan Long, Dean Young, Henry Perenara, Shaun Timmins

**Ol intasenis pilaia:**  
 Ashton Sims, Brent Kite, Justin Poore, Lincoln Withers, Lance Thompson, Ryan Powell

(Tupela long ol dispela pilaia bai i no inap long pilai)

Dispela gem bai wanpela strongpela na gutpela gem we bai lukim planti stail pilai i kamap we bai mekim yu amamas.

# Parramatta redi long skelim belhat bilong Bulldogs

PARRAMATTA Eels bai traim strong bilong ol long belhat bilong Bulldogs long ol kain kain kros toktok i kamap long ol wik i go pinis.

Kosa bilong ol maliau bilong Parramatta, Brian Smith i tok olsem ol mangi bilong em i redi long skelim strong bilong kros bilong ol Bulldogs.

Huka bilong Eels, John Morris i tok olsem kosa bilong em i luksave olsem ol pilaia bilong Bulldogs bai traim long rausim belhat bilong ol long winim dispela namba wan gem bilong ol long dispela sisen.

"Dispela em i klia long olgeta manmeri. Em bai wanpela

strongpela gem," Morris i tok.

Eels bai i mas pilai strong long winim dispela gem. Em ba namba wan taim we Smith bai kamautim pawa gem bilong em long dispela sisen.

Smith i bin tokaut long lainap bilong em long namba wan gem bilong ol Eels long Sarere.


Em i putim ol bikpela hevi man bilong em long go pas long pilai.

"Em (Smith) i go wantaim ol bikpela man long fran. Mipela i gat sans long fran long bikpela man na long baksat tu wantaim ol liklik, man bilong spit. Ating nau bai mipela inap long givim ol wanpela strong-

pela gem," Morris i tok.

Long sait bilong ol Bulldogs, bai ol i pilai hat tru long rausim

olgeta belhat bilong ol long olgeta samting i wok long kamap long ol wik i go pinis.



• Kosa bilong Parramatta Eels Brian Smith i tok ol bois bilong em i redi long skelim belhat bilong ol Bulldogs.

## Tony bai bungim olupela tim bilong em

NUPELA ful bek bilong Brisbane Broncos, Motu Tony, bai i pilai agensim olupela tim bilong em New Zealand Warriors long namba wan taim long Sande.

Em bai pilai fulbek na i mas strongim long dispela posisen bihain long em i senisim namba wan fulbek lon ragbi lig, Darren Lockyer husat i muv i go long faiv eit posisen.

"Mi wok long wetim dispela gem long taim yet," Tony i tok.

Em i tok olsem ol olupela tim met bilong em bai traim em wantaim ol kik. Em i tok hap bek bilong ol Warriors, Stacey Jones bai

traim em wantaim ol kain kain stail kik bilong em.

Tony i tok olsem em i no wari long pilai faiv-eit o fulbek. Tasol em i laik pilai ragbi tasol.

Planti toktok i stap long difens bilong em, tasol Tony i no tingting tumas long dispela.

"Mi bai pilai strong long amamasim kosa na ol tim met bilong mi yet. Husat narapela manmeri i toktok, mi no wari tumas long ol," em i tok.

Tony bai gat wanpela arapela wantok bilong em tu i pilaim namba wan gem bilong em long A Gred.

Nem bilong dispela manki em Karmichael

Hunt.

Em i gat 17 krismas tasol na em i namba wan pilaia i holim taitol bilong yangpela pilai stret long pilai fes gred long Broncos.

Hunt em bilong Auckland long Nu Silan na nau tasol em i pinisim hai skul.

Gem long Sande bai lukim Kosa bilong Broncos, Wayne Bennet i lukluk long ol bikpela fowet bilong em long opim rot bilong bek lain bilong em.

Ol bai lukluk long statim sisen bilong ol wantaim wanpela win bihain long ol i lusim 8-pela gem olgeta long las yia.

## Jones i redi long Broncos

NU SILAN long pri sisen na Warriors paia lait hap bek Stacey Jones i tok em i redi long skelim strong bilong Brisbane Broncos long namba wan gem bilong ol long Ragbi Lig sisen dispela wiken.

Warriors i bin wari olsem Jones bai i no inap long redi long namba wan bikpela gem wantaim Brisbane bikos em i bin painim planti birua bilong bodi long las sisen.

Jones i bin wok hat long trening

olgeta ripot bilong dokta, ol pitnes tes na wok bilong takol i ron stret tasol na em i no kisim bagarap.

Long Sande, em bai sanap long fil long brukim bun wantaim ol Broncos.

Warriors prop fowet Richard Villasanti bai i no inap pilai bikos em i gat wanpela birua bilong skru long lek bilong em na i luk olsem em bai i no inap long pilai inap long raun tri bilong sisen.

## Spit man bilong ol Warriors bai givim siksti long kik

NAMBA wan spit man bilong Nu Silan Warriors, Brent Webb nau i mas givim siksti long kikim ol gol taim ol i bungim Brisbane Broncos long Sande.

Webb i wok long trening long kikim ol gol long taim we Nesenel Ragbi Lig (NRL) i makim pinis long olgeta gol kika long bihainim.

NRL i bin makim taim bilong ol kika long kikim gol bihain long ol i lukim olsem ol kika i save kaikaim bikpela taim bilong pilai long kikim gol.

Nau olgeta gol kika i gat 90 seken tasol long kikim gol long konvetim wanpela trai.

Kosa bilong ol Warriors i tok-



• Spit man bilong Warriors, Brent Webb nau bai i givim siksti long kikim bal bihain long NRL i putim nupela rul bilong pilai we ol gol kika i gat 90 seken tasol long kikim bal.

save pinis long olgeta arapela pilaia bilong em long pasim bal hariap i go long Webb bai em inap long kikim.

Webb i bin kisim planti toktok long las yia bikos em i save kisim bikpela taim stret long kikim bal.

Nau dispela nupela lo bilong pilai i stap na sapos wanpela pilaia i no kikim bal insait long 90 seken, klab bilong ol i mas baim \$A2000 mekimsave.

Webb i soim strong bilong em pinis taim em i kikim faivpela gol long sikspela taim ol i pilai agensim Parramatta Eels na tupela agensim Penrith long ol op sisen gems.

# Bungim Ricky Sibiya, man nogut bilong ragbi lig

NAU long dispela taim we nem bilong ragbi lig pilai i no pairap strong i gat wan wan ol pilaia husat ol manmeri i bilip bai kamapim nem gen.

Wanpela bilong ol dispela man em Ricky Sibiya, boi nogut bilong Balimo, Westen provins.

Nau yet Sibiya i gat bikpela dri-man bilong pilai long (Australia) Nesanel Ragbi Lig kompetisen. Wanpela pilaia tasol Marcus Bai i pilai longpela taim long dispela kompetisen na dispela yia i lusim na i go pilai long Ingran supa lig kompetisen.

I nogat pilaia yet long kisim ples bilong Bai.

Sapos Sibiya bai bihainim lek mak bilong em, em i moa gutpela long nem bilong PNG Ragbi Futbol Lig na kantri tu.


Nem Ricky Sibiya i stat kamap bikpela long ragbi lig pilai long stat bilong dispela yia long Janueri. Dispela em long Wol Ragbi Lig 7s long Sydney, Australia we Sibiya i pilai long em.

Long tupela wik i go pinis wanpela opisa bilong Australia Ragbi Lig, Tas Baiteiri i kamap long PNGRFL anuel jenerol miting we em i tok PNG i gat namba wan ragbi lig 7s tim.

Dispela em long wanem ol i kamapim kain pilai we planti ol opisa bilong narapela ol klab bilong Australia na ol tim bilong narapela ol kantri i bel sut taim ol i lukim wei ol manki PNG i holim bal na ron.

Toktok bilong Baiteiri i no ken mekim mipela i kirap nogut. Nogat.

Mipela i luksave pinis olsem PNG kosa Bob Bennett yet i putim: "Mipela (PNG) i gat ol kain pilaia we bipo mipela i no bin gat long em. PNG gat nupela stail ol pilaia.



• Ricky Sibiya long Darling Haba (bris) we long baksait em Sidni Opera Haus. Dispela em long mun Janueri, 2004 taim Sibiya i stap long PNG 7s tim na go pilai long Wol Ragbi Lig 7s resis.



• Pilaia bilong Waliyah i mekim brek long gol maus bilong em long las wiken gem long PRL. FOTO THE NATIONAL

Pastaim long Wol 7s pilai Sibiya i mekim nem pinis long ol narapela pilai.

Dispela em long taim em i makim PNG na stap long PNG Ragbi Yunion tim long pilai long Australia, Nu Silan na Fiji.

Na bihain em i stap long PNG Ragbi Lig Presiden 13 long pilai wantaim Australia.

Long Presiden 13 PNG i winim Australia Junia Kangaroo 24-22 long Oktoba las yia long Pot Mosbi.

Dispela win em PNGRFL i kolim histori win. Em i namba wan taim long histori bilong ragbi lig long kantri we PNG tim i winim Australia.

Tasol pastaim long dispela pilai Sibiya i stap long Waliya tim na winim 2003 Pot Mosbi Ragbi Futbol Lig A gred gren fainal.

Dispela em i fes win bilong ol long A gret bihain long Waliya klab i joinim Pot Mosbi lig kompetisen long 1990.

Na long las mun tasol Waliya i winim Pot Mosbi Ragbi Lig 9s kompetisen gren fainal.

9s kompetisen i sotpela op-sisen bilong Pom Lig kompetisen long em i statim propa sisen bilong em.

Sibiya i bin helpim planti long ol dispela pilai win. Long dispela as mipela i ken tok yes Sibiya i mekim

nem pinis. Tasol long sait bilong nem bilong em i pairap strong moa yet dispela em i no yet.

Nem bilong em i stat kamap bikpela bihain long em i pilai wantaim Presiden 13 na Wol 7s tonamen.

Ol opisa bilong PNG Ragbi Futbol Lig i gat bilip long em i ken kamapim gutpela pilai na hapim nem bilong ragbi lig bihain long ol dispela pilai.

Long Wols 7s PNG i stap long grup G we ol i winim olgeta pilai long dispela grup bilong ol. Ol i wilwilim Fiji 26-12, hamarim Samoa 25-8 na memeim Rasia 36-5.

Bihain long dispela ol i go long kota fainal we ol i lus long Parramatta 15-31. Parramatta i go moa yet long pilai gren fainal we ol i pilai wantaim Wes Tigers na win.

Long Wol 7s Sibiya i namba tu poin skora we em i kisim 37 poin bihain long Luke Burt bilong Parramatta. Burt i kisim 40 poin.

Ol opisa bilong pilai i givim poin long ol trai i save kamap namel long tupela pos, arere bilong tupela pos na long arere tru o kona bilong pilai graun.

Mosbi na joinim Waliya ragbi Lig klab, em as ples klab.

Em i pilai i go na long 2002 em i go pilaim ragbi yunion taim em i joinim Royals ragbi yunion klab.

Long dispela taim em i pilai gut na ol i makim em long pilai long PNG Yunion 7s tim. Long dispela taim em i pilai long Brisbane, Australia, Wellington, Nu Silan na Suva, Fiji.

Bihain long dispela em i kam bek long 2003 na join gen wantaim Waliya we ol i winim fes A gret gren fainal pilai bilong ol.

Wantok Spot i toktok wantaim em bihain long Wol Ragbi Lig 7s na askim em long wanem samting em i ansa bilong kamap gutpela ragbi lig pilaia?

Sibiya i bekim na tok: "Tren hat, disiplin na komitmen. Em ol ki bilong kamap gutpela pilaia o spotmanmeri.

Long bekim askim sapos wanem wei em i ting ragbi lig pilai i ken kamap strong em i tok:

"Sapos i gat gutpela edministresen na menesmen ol pilaia bai pilai gut na kompetisen tu bai kamap strong.

Sapos nogat bai i nogat gutpela

*"Sapos i gat gutpela edministresen na menesmen ol pilaia bai pilai gut na kompetisen tu bai kamap strong."*

Na long skorim trai Sibiya i stap long namba faiv ples bihain long em i skorim faivpela trai. Em i stap bihain long Nathan Merritt bilong Cronulla husat i skorim 7 trai, Burt bilong Parramatta 6, Amos Roberts bilong Penrith 6 na Pat Richard bilong Wes Tigers 6.

Ron bilong em i narakain olgeta taim em i pilai long wing.

Planti ol birua pilaia i win sot long holim pasim em taim em i kisim bal. Na planti i bin abrus long holim em.

Long dispela pilai i gat toktok i kamap olsem ol opisa bilong NRL (Nesanel Ragbi Lig) i putim ai long em. Tok i stap olsem sampela ol klab olsem Brisbane Broncos na Melbourne Storm i toktok isi sapos Sibiya i mas pilai wantaim ol.

Nau yet ol toktok i no klia yet na olsem Sibiya i mas wet.

Sapos ol samting i go gut planti manmeri bai kalap kalap na blut i pam taim ol i harim nem Ricky Sibiya olsem ol i save mekim long taim ol i harim ol nem olsem John Wagambie, Bal Numapo, Dairi Kovae, Arebo Taumaku, Marcus Bai o Michael Marum na planti moa ol arapela biknem pilaia. Em olsem sapos Sibiya i kamap long pilai we ol bai pilai long em o lukim dispela pilai we Sibiya bai pilai long em o stori tasol long ol stail pilaia bilong ragbi lig.

Stori bilong Sibiya i kam pilaim bikpela ragbi pilai i sotpela.

Em i stat pilai long 1997 taim em i mekim gret 7 long Balimo Hal Skul.

Long 2000 em i kam long Pot

senis long wei ol pilai i kamap hia," em i tok.

"Ol ragbi lig pilaia bilong Australia i no narakain. Ol i wankain tasol long ol PNG pilaia.

Bikpela senis em ol i pilai mani na mipela i nogat. Pilai em wok moni bilong ol.

"Dispela kain pasin i mekim ol i lukim pilai long narapela wei we mipela i lukim na pilaim.

Olgeta de ol i mas go long tren," Sibiya i tok.

"Sapos mipela i gat wankain sindaun mi bilip Australia i no hat long mipela i winim.

Planti ol opisa bilong Papua Niugini Ragbi Futbol Lig i putim ai pinis long Sibiya olsem em bai wanpela pilaia husat bai putim senis long kain sindaun bilong ragbi lig long dispela taim.

Ol bai laik lukim kompetisen bilong wan wan ol lig i kamap strong, lig bilong ol i mas afiliet long PNGRFL na ol sponsa i kam isi long sponsorim ol lig na ol klab.

Olsem mipela i save pinis bipo Sibiya i pilai long Waliya ragbi lig klab long Pot Mosbi ragbi lig resis.

Waliya long tokples Balimo i min pisin tarangau.

Sapos tarangau i strongpela pisin na Sibiya i kain stail manki bilong ol yumi i no save Waliya bai lus o nogat? Yumi stap na lukluk tasol.

Long Pot Mosbi Ragbi Futbol Lig ol klab nau i stap em Waliya, Defence, Tarangau, Royals, Brothers, MRDC West, DCA, Paga, Dobo Warriors, Kone Tigers, Magani, Souths na Hawks.

# Tupela Kavieng tim i kamap long Pot Mosbi sofbol gren fainal

## Paul Zuvani i raitim

WANTOK i pinisim ron bilong Chebu taim ol i winim ol 11-7 las Sarere. Nau bai ol i pait long gren fainal wantaim AB Bears long dispela Sarere.

Ol meri Kavieng wankain olsem ol man bilong ol, Manolos, husat tu bai lokim ol kom wantaim Ice Kopex long dispela Sande i bin wet longpela taim long kamap long gren fainal.

Na sapos Chebu em tim husat i bin ron baksait tasol long Bears na olsem ol inap long winim ol wanem samting moa bai mas stopim ol long daunim Bears!

Moa long dispela sapos ol inap long stapim Gazelle husat olgeta tim i save pret long em wanem samting moa i mas pasim tingting bilong ol meri Wantok long win.

Ol i smelim pinis win na i gat luksave pinis olsem i nogat wanpela samting i mas giamanim tingting bilong ol long win.

manim tingting bilong ol long win.

Ol i gat pawa bilong bet na sapos ol inap long stapim ol bal bilong Maggie Joseph em bai moa gutpela.

Ol i gat gutpela pilaia olsem Sandra Sawaraba, Jenny Katape, Kolish Banam, Lisa Polum, Adi Tamti, ketsa Anna Trawen na pista Pauline Wakit.

I gat toktok olsem blut bilong dispela kem i hot pinis na ol i no laik long malolo inap long ol lukim win bilong dispela pilai.

Tasol ol i no ken maus wara na lukdaun long Bears.

Dispela long wanem Bears i kaikaim planti ol tim pinis na blut bilong win i stap long ol.

Sapos ol i no was gut Bears inap long holim ol isi long han bilong ol na putim ol i go insait long maus bilong ol.

Ol i gat inap save long stap long fil na bet. Long sait bilong Bears em mipela i save ol

i nogat planti wari long bungim.

Bikpela samting em sapos ol i no mekim asua long paitim gut bal, holim gut bal na pitsa Joseph i tromoi gut ol bal we Wantok i no inap long paitim.

Dispela bai lukim win bai ron isi i go long kem bilong ol.

Ol i gat ol gutpela pilaia olsem Antonia Tatai, Maggie Joseph, Natalie Bart, Wendy Katusele na Jenny Inguba.

Long pilai bilong ol man dispela bai olsem fes taim bilong Manolos long go insait long gren fainal bihain long ol i winim fes gren fainal bilong ol long 1993-94 sisen.

Klab bilong ol i bin stat long 1983 samting na olsem namel long 20 yia dispela bai namba tu long kamap long gren fainal.

Long win bilong ol Manolos kosa Noah 'lapun' Kimi ol manki i mas mekim ol samting gut.

Ol kain samting olsem paitim gut bal, tromoi gut bal, holim gut bal na pitsa tromoi gut bal em i ol bikpela samting long lukim win.

Kimi bai kisim strong long ol pilaia olsem Danny Evald, Danny Mong, Paul Bogan, David Miki, David Maira na Daniel Pialkolos.

Tasol Kopex bai i no inap isi tim long winim.

Ol i bin yusim pilai long las wik long kisim strong long pilai long dispela fainal.

Na yes ol i mekim samting stret long winim Elcom 13-7.

Wantaim kain strong pitsa bilong Esau Vanarang, Manolos bai mas pait hat long win. Vinarang bai kisim helpim long Danny Tovia, Alistair Taval, Peter Senna, Demas Tovia, Stanley Taval na Mark Tagava.

Long B gret Manolos bai bungim Malangan.

## Trukai t'siot oksen mekim K146,000 winmani

### Joe Ivaharia i raitim

TRUKAI T'Siot oksen we ol opisa bilong Trukai Industri i holim wantaim PNG Spot Federesen long Papua Yot Klab las wik i kamapim K146,000 winmani. Dispela mak i winim ol dispela bilong bipo.

Dispela em ol opisa bilong tupela hap wantaim i tok em nupela taim stret long ol i kamap wantaim kain mani we long bipo taim ol i save mekim tasol aninit long K100,000.

Las yia Pot Mosbi i mekim K120,000.

Dispela oksen em Australia Olimpik swimming kosa Laurie Lawrence i go pas long en.

Lawrence i gat nem long kamapim ol namba wan swima long wol we nau long dispela taim

em Australia i namba wan lain long go pas long swim.

Lawrence i kam long nem bilong Trukai Industri bihain long Industri i askim em long kam.

Tasol pastaim long Lawrence i mekim oksen long Pot Mosbi em i mekim long Lae we long wankain wei em i mekim wanpela rekod profit. Long Lae em i mekim K72,000. Dispela kain namba em Pot Mosbi i save holim pastaim tasol nau olsem Lawrence i kamap i mekim winmani bilong Pot Mosbi i go antap long K146,000.

Ol dispela mani em PNG Spot Federesen bai yusim long helpim ol wok bilong em na long salim PNG tim i go long ol bikpela pilai ol i kolim Olimpik Gems long Greece.

## Wes Nu Britan laik kamapim spot skul

### Joe Ivaharia i raitim

OL PIPEL bilong Wes Nu Briten provins bai i gat wanpela spot akedemi skul bilong Aussie Ruls pilai sapos olgeta toktok na pepa wok i kamap gut.

Deputi Gavana bilong Wes Nu Briten na presiden bilong Hoskins Lokel Level Gavman Kaunsel Philibeth Kadiko i bin mekim dispela toktok long makim maus bilong Gavana Clement Nakmai na Provinsel Eksekutyutiv Kaunsel long taim em i presentesen 2003 AFL awod bilong UNICEF Mosbi Aussie ruls futbol klab long Sarere.

Long dispela pati Gavana Nakmai wantaim ol PEC memba tu i bin kamap long lukim ol pilaia bilong Mosbi ruls klab i kisim ol awod na prais bilong ol we pati i bin kamap long Saut Pasifik Moto Spots klab. Gavana Nakmai i bin tokim Wantok

Spot olsem dispela AFL skul bai wankain olsem PNGFA skul long Lae.

Em i tok nau bai ol i holim sampela toktok pastaim wantaim ol spot atoriti olsem PNG Spot Komisen na PNG Spot Federesen long givim tok orait i go long ol we Nesenel Gavman i ken kam insait long helpim.

Nakmai i tok planti manmeri i save olsem Kimbe em i ples bilong wel pam na Aussie Ruls pilai na olsem sapos gavman bilong Wes Nu Britan i tok long kamapim AFL skul long hap i nogat bikpela toktok long dispela.

Em i tok tu olsem dispela AFL skul em i bilong skulim ol manki long pilai Aussie Ruls we planti bilong ol i no save go long skul tasol long piali spot ol i ken kamap gutpela spot manmeri.

Wanpela kain piksa em olsem bilong Marcus Bai husat i plai long NRL na nau i stap long Ingran long pilai supa lig. Em i manki long ples maski em i no go long wanpela bikpela skul tasol save na strong bilong em long pilai i mekim na em i kisim bikpela luksave, Nakmai i tok.

Narapela em long ol yangpela AFL manki husat i stap long Australia nau. Wanpela em Alestair Sioni husat i tren aninit long Brisbane Lions na narapela em Desmond Kaumu na Thomas Linge husat i stap long Cairns long pilai insait long Queensland Kantri sait na bilong long stet sempionsip.

"Yumi olgeta pilaia na sapota na papamama i mas givim sapot long dispela komiti husat i laik kamapim dispela skul bilong pilai," Gavana Nakmai i tok.

## Waliya i strong yet long Pot Mosbi ragbi lig resis

BIYAMA Waliya i soim olsem ol i sempion tim yet bilong Pot Mosbi Ragbi Futbol Lig taim ol i daunim PRK Souths 28-25 long wanpela belsut pilai las Sande long Lloyd Robson pilai graun.

Tripela minit i stap yet long pilai i pinis,

wantaim wanpela poin.

Tasol bihain long trai bilong Joshua Lapa ol i go pas gen we ol i strongim kona bilong ol inap long taim pilai i pinis.

Waliya i bin bungim Souths long planti ol bikpela pilai olsem gren fainal bilong las yia

Ol i save pinis long wei bilong win.

Tasol pastaim long pilai bilong tupela i bin gat bikpela opening seremoni i kamap we mesa sponsa bilong kompetisen SP Brewery i kamap na soim ol kala bilong em. I gat ol singsing na wokabut mas i kamap tu.

Moa long dispela i gat gutpela sekyuriti i kamap wei i nogat ol pasin nogut i kamap.

Narapela samting em ol olupela klab olsem DCA, Paga Panthers, Hawks na MRDC West we sampela bilong ol dispela klab i kamap wantaim ol bikpela win.

Long pilai bilong ol dispela olupela klab em West i winim DCA 44-36 na Hawks i stapim Paga Panthers 28-16.

Narapela pilai em Dobo Warriors i pait long kambek na winim Magani 16-14.

Long pilai bilong Waliya na Souths 10 minit i go insait long pilai hatpela man bilong Waliya Andy Andiki i skorim namba wan trai bilong ol we Stanley Hondia i kikim gol. Dispela i lukim ol i go pas wantaim 6-0 poin.

Tasol dispela amamas bilong ol i no stap long taim. Senta man bilong Souths Paul Bradshaw i bekim trai bilong ol wantaim gutpela konvesen na i mekim skoa i wankain.

Tasol Waliya i strong yet we i lukim Hondia i skoa na konvetim trai bilong em long lukim ol i go pas gen wantaim 12-6.

Bihain long dispela Volu Rova husat bipo i bin pilai ragbi union i putim namba tri trai bilong ol we konvesen i no gutpela na ol i surukim mak bilong ol i go moa yet.

Tasol Souths hariap tumas i kam bek long lukim Joseph Omai i ron aninit long pos long lukim ol i putim namba tu trai bilong ol. Dispela i helpim ol long go klostu long poin bilong Waliya.

Tasol sampela minit i stap yet bipo long



Moa eksen long dispela gem. Foto: JOE IVAHARIA.

hap taim Waliya i strong we i lukim winga bilong ol Joshua Lapa husat i kisim ples bilong Ricky Sibiyi i skoa.

Dispela i lukim skoa bilong ol go 20-10 na kisim ol i go insait long hap taim malolo.

Bihain long hap taim malolo Souths i kisim bikmaus long kosa bilong ol we lukim faiv-eit bilong ol John Pandia na hukia Charkes Wabo i skoa na kisim skoa bilong ol i go antap Em bihain long Dickson Sibiyi i putim trai bilong Waliya. Skoa nau i sanap 24-20.

Bihain liklik Bradshaw i putim namba tu trai bilong em na dispela i lukim tupela tim i lok long 24-24 poin.

Taim 8 minit i stap yet liklik hap bek bilong Souths Geno Kima i kikim fil gol na dispela i mekim Souths i go pas wantaim 25-24 skoa.

Tasol tingting bilong Waliya i no stap long lus. Dispela i lukim Lapa i skorim namba tu trai bilong em we i lukim ol i go pas gen.

Ol i banisim olgeta kona bilong ol i go inap long taim i pinis.




Andy Andiki na Billy Yaki bilong Biyama Waliya i bung long takolim pilaia bilong PRK Souths. Foto: JOE IVAHARIA.


bikpela wari i bin stap long kem bilong Waliya. Pastaim em Souths i go bihain na holim ol we tupela i dro i go inap long Souths i mekim wanpela muv long lukim ol i go pas

na gren fainal bilong 2004 Pot Mosbi ragbi lig pri sisen 9s resis.

Na dispela win bilong ol long las Sande i no nupela.



# WANTOK Spots



## PNG lukluk long ol arapela swima

**Paul Zuvani i raitim**

PAPUA Niugini Swimming Inc bai yusim Fiji Osenia Swimming Sempionsiplong long mun Mei long painimaut sapos sampela moa ol swima bilong em bai inap kwalifai long swim long Olimpik Gems long Gris long mun Ogas.

Dispela em toktok presiden bilong PNG Swimming Inc Elizabeth Wells i mekim taim *Wantok Spot* i askim sapos Swimming Inc i gat sans yet long ol moa swima bilong em bai kwalifai long Olimpik Gems.

Em i tok yes Inc i gat tingting na bilip long sampela ol lain yet olsem Anna-Lisa Mopio Jane na Leo Biggs long kwalifai.

Wanpela swima husat i kwalifai long dispela taim em PNG na Saut Pasifik sempion na Australia 50 mita bataflai sempion Ryan Pini.

"I nogat tok long Ryan (Pini) long wanem em i kwalifai pinis. Tasol dispela i no min olsem em i no mas swim yet long ol iven. Nogat. Em i mas swim long soim olsem em i stap strong na fit yet. Na tu em i mas swim yet long ol taim Olimpik

komiti i makim long swim o winim ol dispela taim,' Wells i tok.

"Long dispela as mipela i kisim Ryan pinis long tim. Tasol i no em tasol.

"Sapos tupela i inap long kwalifai em i moa gutpela.

"Tasol pastaim long mipela i go long Osenia sempionsip mipela bai i gat PNG Swimming Inc Nesenel Sot Kos sempionsip long Lae. Dispela bai helpim mipela long makim tim long go long Osenia Sempionsip.

Narapela samting em Wells i tok long en em biknem swimming kosa bilong Australia Laurie Lawrence i mekim wanpela kirap nogut wokabaut taim em i go long Sir Donald Cleland Pul long las Fonde long ol liklik lain swima.

Na taim em i bungim ol lain long Taurama pul em i tok "Wara em i laip.

"Long lukautim gut ol pikinini long ol i no ken dring wara na dai taim yupela i stap klostu long pul ol wara mekim faivpela samting-ban-isim pul, pasim get bilong pul, lainim ol manki bilong yupela long swim, lukluk long poroman bilong yu na lain long ol long swim," em i tok.



*Taim bilong brukim bun gen • Ragbi lig resis bilong Australia, NRL i stat gen long dispela wik. Sapos yu laik save long ron bilong tim bilong yu, lukluk long Wantok Niuspepa olgeta wik na mipela bai givim yu ol ripot bilong ol gem olgeta wik. Poto ya soim Mark Riddel bilong St George Illawarra i painim hat long brukim banis bilong Newcastle Knights. Lukim ol stori bilong Bulldogs na ol arapela nius moa long pes 28 na 29. Poto: NATIONAL NEWSPAPER/AAP*

KUPKUP

**GUTPELA GARDENS TOOLS. OLI STRONG NA STAP LONG LIKLIK PRAIS TASOL**

ISTAP LONG OLGETA  
**Brian Bell**  
*Shop with a friend* **B**

DIDIMAN STOA  
 KLOSTU LONG YU.

*Sapotim wok didiman insail long PNG !!*

DRAIN SPADE -S311MH  
**K18.75**

DRAIN SPADE -S511MH  
**K18.75**

GARDEN FORK -F207MH  
**K22.00**

GARDEN SPADE -S512MH  
**K18.75**

GARDEN SPADE -S621MH  
**K18.75**

JEEP SHOVEL -S3503MH  
**K18.75**

JEEP SHOVEL -S3503H  
**K9.75**

GARDEN FORK -F107MH  
**K22.00**

SPADE HEAD -S512A  
**K7.95**



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.